

SSH
Current
Shelves
DU
740
A2
W3
v. 1648



WANTOK

Wantok (Boroko, Papua New Guinea)
SSH Current Shelves
UC San Diego
Received on: 03-09-06



OCEAN BLUE
Tuna in oil
Rait teist
yah!



Wan Wik, Februari 23 - Mas 1, 2006 NAMBA 1648 NIUSPEPA BILONG YUMI OL PNC

DAUNIM BIKHET PASIN

Planti yangpela tude i wok long bihainim ol bikhhet pasin nogut. Dispela i wok long bagarapim kantri moa yet. Nau lo na jastis i go het long pait agensim ol dispela kain bikhhet pasin na givim stia long ol yangpela - LUKIM STORI LONG PES 3



BILUM bilong yumi PNG em yumi save lukim stail bilong em olsem bek o hailans kep nabaut. Nau i gat nupela stail we wanpela meri antap long Goroka i wok long mekim olsem klos. Dispela kain ol klos bai go tu long Australia taim ol i wokim klos bilong PNG tim i go long Komonwel Gems long Melbon, Australia long mun Mas. Hia ol angelo meri bilong Goroka i soim ol bilum klos.

Insait long dispela wik...

HELT na EDUKESEN:
JICA TV project helpim Bogenvil...

Hatwok karim kaikai...

Pes 12



LAIPSTAIL:

Manmeri, pik, meme na dok bung wantaim na painim pipia... Pes 18



Lukim moa stori long wok didiman na agrikalsa insait..

COLEMAN LIGHTING

 model: 5307700 code: 172991 FLASHLIGHT WIDEBEAM 2D K49.00	 model: 5307750 code: 172988 FLASHLIGHT WIDEBEAM 2AA K32.50	 model: 61190 code: 172990 TORCH DYNAMO K35.00	 model: 5326700 code: 159379 RUGGED U-TUBE BATTERY LANTERN FLURO 4D K89.00	 model: 5318707 code: 172993 PACK AWAY PERSONAL SIZE FLURO 4D K99.00	 model: 5315700 code: 172992 PACK-AWAY PERSONAL SIZE LANTERN K69.00	 model: 2148-700 code: 111532 KEROSENE LANTERN K249.00
--	---	--	--	--	---	--

OL COLEMAN PRODAKS I STAP LONG OLGETA BRIAN BELL STUA LONG PAPUA NEW GUINEA NA TU LONG OL ARAPELA COLEMAN DILAS INSAIT LONG PNG

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg

Brian Bell
Shop with a friend

NCDC bai tok klia long ol bia laisens

Veronica Hatutasi i raitim

NESENEL Kapitel Distrik Komisn (NCDC) bai putim aut ol nem bilong ol klab, hotel na taven we em i givim lika o strongpela dring laisens long wok insait long siti.

Na NCDC tasol em wanpela opis tasol i gat rait long givim laisens insait long siti na i no Sentrel Provins o Nesenel Lika Laisensing bod.

Dispela em long pablik long luksave sapos ol dispela naitklab i bihainim lo na sevim ol strongpela dring insait long taim we

laisens i tok long em na sapos nogat, ol i mas kotim ol.

I kan inap nau, NCDC i givim 78 laisens long salim bia long 78 hotel, bia ples na ol klab. Na i no kaunim ol botol stoa o stoa we i save salim ol bia.

Mista Loko i tok laisens bilong ol i no gat pawa long ol pati samting we i save go insait long ol klab we ol i gat laisens long mekim wok bisnis.

NCDC Menesa Peter Loko i bin tokaut long dispela na tok i gat sampela nasitklab o ples ol i salim strongpela dring long em wantaim laisens we Sentrel

Provinsel gavman o Nesenel Lika Laisensing Bot i tok oraitim long em.

Em i tok em i no wanbel long ol naitklab we i save gat ol strip, bikini gels, kalenda gels na wet tiset so bikos ol i bagarapim gutpela sindaun na gutpela pasin na ol i mas tambuim o stopim ol dispela kain pilai nogut.

Long wankain taim tu, Mista Loko i bin tok strong long ol loman olsem ol polis i wok bung wantaim NCDC long stopim ol pasin nogut i save kamap long ol naitklab.

PALAMEN NIUS

Apim takis bilong Fiji mit

Veronica Hatutasi i raitim

SAPOS nogat narapela rot i wok, bai takis long kisim ol prodak bilong bilong Fiji, moa yet, Ailan Bif tinmit, bai go antap long 50 pesen mak.

Tred na Indastri Minista Paul Tienstein i bin wokim dispela toktok long ansaim askim bilong Porgera Lagaip memba Yarka Kappa insait long namba wan sindaun bilong Palamen long Tunde.

Fiji, PNG, Vanuatu na Solomon Ailan i memba bilong Melanisen Spiahet grup na ol i save wokbung wantaim long planti eria olsem ol brata na poroman.

Tasol stat yet long las yia i kam inap nau, Fiji i mekim hat long Ox & Pam bulibif bilong PNG i go long ol maket bilong em insait long kantri. Tasol Vanuatu na Solomon Ailan i baim gut ol prodak bilong yumi. Long las mun tasol, Fiji i-bin rijektim tapio-

ca bilong PNG we ol bin salim long kava maket bilong Fiji bikos garantin opis bilong em i tok sampela pipia i stap long en.

Nau PNG i no amamas na Mista Kappa i bin askim wanem samting Minista Tienstein, olsem Minista i lukautim dispela eria, i mekim. Bikos sapos olsem wanem, PNG i mas rausim Fiji Mit tinmit bilong em.

Mista teinstein i bekim na tok tupela kantri i memba bilong Wol Tred Ogenaisesen (WTO) na PNG i no inap long mekim dispela nating long laik na save bilong em yet.

Em i tok em bai hat na kostim bikpela mani tumas na olsem, wanpela rot em long apim takis tasol long Ailan tinmit bilong Fiji i kam insait long PNG.

Em tingting tasol we Dipatmen bilong em bai glasim na skelim bipo em i wokim fainol disisen bilong em.

Namba wan de bilong Palamen 2006

...Lukim 55 memba tasol i kamap

Veronica Hatutasi i raitim

N A M B A W A N
Palamen i sindaun long dispela yia 2006 na belo bilong go insait long semba i kraik long 2 kilok long Tunde Februari 21.

Maski ol i makim palamen long stat long 2 kilok apinun. Ol i bin stat inap 3 kilok.

Taim Palamen i winim wanpela awa

pinis, kandim bilong ol MP i bin go long 54 na 55 wantaim Deputi Spika.

Ol toktok i sut long ol sosel hevi, reip, Ox & Pam kon bif na Fiji i no wokim gutpela pasin long stopim Ox & Pam long maket bilong ol na ol arapela samting moa.

Samting olsem 55 memba long 109 olgeta i bin kamap long namba wan de bilong

Palamen bung bilong dispela yia.

Ol vota i ken skelim yet ol wan wan memba bilong ol na bai gutpela moa sapos nem bilong ol i stap. Wantok i mas kisim nem bilong ol dispela i stap na putim traipela X long ol dispela i no kamap long ol Palamen bung na makim maus bilong ol wan wan ilektoret bilong ol..

Palamen tingim Sir William

Andrew Molen i raitim

LONG statim nambawan bung bilong palamen long dispela yia, Praitim Minista, Gren sif Sir Michael Somare na oposisen lida Peter O'Neil i tingim bipo Praitim Minista, spika na memba bilong Nesenel Kapitel Distrik, Sir William Skate husat i dai las yia.

Bihain long ol tok sore na amamas long Sir William, palamen i sanap na givim taim long tingim na soim respek long bipo Praitim Minista.

"Long makim maus bilong gavman na ol pipel bilong Is Sipik husat mi makim ol long palamen, mi laik tok sore i go long famili bilong bipo Praitim Minista, spika na tu rijinel memba

bilong NCD, Sir William Skate long dai bilong em las yia," Sir Michael i tok.

Em i tok kantri lusim wanpela gutpela lida.

"Tasol mi laik tok olsem mipela i gat nau wanpela ples sait long palamen we olgeta Praitim Minista bilong kantri na ol gavena jenerel bai silip long en, dispela em we bodi bilong Sir William i stap nau," em i tok.

Mista O'Neil tu i givim tok sore bilong em long dai bilong Sir William.

Em i tok Sir William i bin wanpela gutpela lida husat planti pipel i save laikim na dai bilong em i lusim bikpela spes i stap long komyuniti na lidasip bilong kantri.



NATIONAL SUPERANNUATION FUND LIMITED

Februari 13, 2006

TOKSAVE I GO LONG OLGETA KONTRIBUTA BILONG NATIONAL SUPERANNUATION FUND LIMITED

Bod bilong NASFUND i bin sindaun long namba 10 de bilong mun Februari 2006 na tok oraitim ol Eniuel Akaun bilong 2005. Bod i wanbel long wanpela crediting reit bilong 2005 inap long 29% net bilong takis.

Mak bilong winmāni bai yu ken kisim olsem:

Gross Return	35.96%
NET PROFIT AFTER TAX	32.83%
Less	
Death Benefit Investment Pool*	3.80%
Less	
Reserves	0.04%
Equal	
CREDITING RATE TO MEMBER	29.00%

*Wanpela Death Benefit inap long K18.24 milien em ol i rausim long net profit i stap bilong tilim olsem wanpela invesmen prodak i karamapim ol memba long taim bilong indai. Dispela prodak i mas kisim tok orait bilong Central Bank.

Ol arapela relevan poin i karamapim:

- Oditet net profit bihain long takis bilong 2005 i bin K160 milien
- 29% intres i bin kredit i go long ol memba akaun long 6 Februari 2006
- 2005 Enuel Ripot i stap wantaim ol printa kampani na bai i go aut long olgeta employa i save kontribut long 28 Februari 2006.
- Ol memba stetmen bai go aut long olgeta employa o bisnis i save kontribut bilong go long ol wokmanmeri bilong ol bipo long 28 Februari 2006.
- Ol Risevs bihain long distribusen o tilim i sanap long 4% o K29.7 milien.

Ian Tarutia MBE
Chief Operating Officer

TORO


BEL BILONG TORO I PEN NA EM RON I GO LONG TOILET...

AIIYOO! BAI MI DAI NAU! OOH! BEL I BAGARAP!

LONG SEIMTAIM BIKPELA SAIKLON I KAM...TORO I NO BISI, EM KILIM SKIN LONG PEKPEK...



SAIKLON I STRONG TRU NA KAMAUT LIKLIK TOILET HAUS...



TASOL TORO EM STRONGIM KONA BILONG EM NA SINDAUN I STAP..



Wok na stiaim ol yangpela

Andrew Molen i raitim

MOA long foapela ten (40) manmeri long Lae na Pot Mosbi kisim trening long wok wantaim ol liklik mangi husat i brukim lo, aninit long nupela program bilong kot bilong ol yangpela namel long 7 na 18 krismas.

Wok bilong dispela ol lain em long bung wantaim ol yangpela husat i brukim lo na polis i holim ol, na toktok wantaim ol long painimaut hevi bilong ol na tu painim sampela rot long helpim ol bai ol i noken brukim lo gen.

"Dispela program i kam aninit long tingting bilong gavman ol i kolim 'Restoretiv Jastis' we olgeta lain i stap insait long Lo na Jastis Sekta program (LJSP) bai wokbung long en," siaman bilong Nesenel Juvenail Jastis woking grup, Iova Gaita i tok.

Mista Geita em i wanpela

bilong ol lain i pinisim kos long wokbung wantaim na helpim ol yangpela o long tok inglis em ol i save kolim ol olsem juvenail.

Em i tok dispela 'Restoretiv Jastis' plen bilong gavman em i olsem, ol i laikim bai i mas i gat ol narapela rot bilong lukluk long ol lain olsem ol liklik mangi na meri husat i brukim lo long helpim ol bai ol i noken brukim lo gen.

"Kain samting olsem sindaun na toktok wantaim ol save lain long dispela eria em i wanpela rot we mipela i painim i stap redi long mipela na mipela i bilip em i ken wok.

"Dispela bai lukim ol yangpela polis i holim bai go long ol ples bilong ol juvenail olsem i gat long Boroko na sindaun na toktok wantaim ol kaunsela olsem dispela ol lain i pinisim kos long hia tete, ol wan lain bilong ol, famili, polis na husat narapela i laik harim hevi bilong ol," Mista Geita i tok.

"Mipela i laikim bai ol i noken i go long kot, taim polis i holim ol na lukim olsem trabel ol i mekim i no bikpela tumas long i go long kot, ol i ken salim ol i go long ol juvenail prosesing senta," em i tok. Las wik ol polis i lonsim wankain program bilong ol, Juvenail Jastis program we bai mekim wankain wok.

Ol i kisim tu sapat bilong UNICEF long dispela husat ol i givim wanpela kar long helpim dispela program i go het.

Hevi bilong ol juvenail long PNG em i wanpela bikpela samting tasol Mista Geita i tok i nogat namba i stap long makim o lukim sais bilong dispela hevi.

Mista Terry O'Connell husat i wanpela bilong ol lain i go pas long dispela kos i tok em i gat bilip olsem dispela program bai wok gut tru insait long Papua Niugini.

"Mi gat strongpela bilip

olsem dispela program bai kamap gut long Papua Niugini bilong wanem i gat olgeta gutpela samting long hia we bai inap long helpim ron bilong en," Mista O'Connell i tok.

Em i tok wanpela bilong ol dispela samting em ol kain pipel olsem ol lain i kisim dispela kos.

"Dispela i soim olsem i gat ol lain i gat tingting na wari long wok wantaim na helpim ol manki na ol i ken go aut na trenim ol narapela husat i laik save tu na dispela bai helpim gut tru kantri," em i tok. Em i tok wanpela gutpela samting long dispela program em olsem em i ken strongim komyuniti.

Tasol Mista O'Connell i tok tu olsem wanpela samting em sapat bilong dispela program i mas i kam long ol rait level bilong kantri olsem gavman na ol narapela dipatmen na oge-naisesen.



WANTOK

LUKLUK neks wik long sekim nius bilong biknem musik atis bilong Solomon Ailans, Saba na narapela save pes ya, Sharzy. Tupela bai raun i kam pilai long wanpela tua bilong ol long mun Epril.

YES YA. Bai dispela tupela man na sampela arapela Solomon Ailans musik atis bai kam raun tu long PNG, tasol ol bai no inap kam stat pilai raun long Mosbi. Nogat tru. Ol bai go pas long Lae we ol bai kukim pinis na bihain bai ol i kam raun long Mosbi. Ating ol pipel long Lae bai amamas moa yet. Olgeta taim ol biknem musik atis bai kam raun long Mosbi pastaim long ol i go long Lae. Nau nogat. Win bilong ol Morobe kantri pipel.

YUPELA nau i gat sans long kisim stori bilong ol mausmanmeri bilong wan tok ples redio stesin bilong yumi, YUMI FM. Planti taim yumi save harim nek bilong ol tasol long redio. Lukim Pes 20 long kisim stori bilong ol lain olsem Kas-T, Ankol E.T na rait lewa bilong ol Vavi Essie.

PASIN bilong reip nau i kamap bikpela insait long kantri. Bai yumi daunim olsem wanem? Sapos yu gat sampela tingting, raitim wanpela pas na salim i kam long P. O. Box 1982, Boroko, NCD. Bai mipela i putim insait long Ol pas pes na ol arapela rida i ken lukim tu.

SAPOS yu gat ol stori bilong ol wok didiman o agrikalsa i kamap long ples bilong yu, na yu ken rait long tok pisin, yu wetim wanem? Salim wanpela stori i kam na sapos em i gutpela stori, bai mipela i putim long niuspepa wantaim nem bilong yu.

Nau Wantok Niuspepa i gat ol stori bilong wok didiman na gaden i save kamap long olgeta wik nau. Sapos yu laik save long ol nupela bikpela wok kakao, koko, na ol arapela samting, ritim dispela niuspepa tasol.



WOK I RON: Ol wokman bilong Kumagai Gumi i wok long stretim ausait bilong Sir John Guise Stadium rere long bikpela intanesenel kibung long mun Me i go inap Jun.

Palamen kisim Iektorei Baunris ripot

...Ol memba tok noken guria long kamapim

Neville Choi na Andrew Molen i raitim

NESENEL Palamen nau i holim pinis ripot bilong Iektorei Baunris Komisin we i glasim tingting long kamapim 26-pela nupela banis bilong ol open iektoret.

Tasol sampela memba husat i bin paitim tok long dispela ripot i autim tingting pinis olsem dispela ripot em gavman i noken guria tumas long bihainim bilong wanem nesanel ileksen bai kamap long 2007 na i gat planti bikpela askim long strong bilong Iektorei Komisin long kamapim olgeta dispela wok wantaim senisim bilong nupela komon rol bilong bihainim Limitet Preferensel Vot sistem.

Praim Minista Sir Michael Somare i bin givim ripot i go long Palamen long Trinde moning taim Palamen i bin sindaun.

Foren Afes Minista na Memba bilong Kokopo, Sir-Rabbie Namaliu i bin autim tingting bilong em na i tok i

mobeta gavman i holim dispela ripot i stap pastaim na nupela gavman i lukluk long en, bikos sapos palamen i givim tok orait bilong en nau yet, bai i gat planti bikpela wok em bai i mas hariap na pinis bipo long 2007 ileksen i kamap. Dispela, em i tok, bai givim moa hevi long gavman long karimaut wok na bai i gat sans we ol bai no inap long mekim gut dispela wok.

Long Mande long dispela wik, Iektorei Komisin na Andrew Trawen i bin givim ripot i go long han bilong Sir Michael. Mista Trawen i tok komisin i luksave olsem i gat laik bilong kamapim 26 nupela iektoret.

"Dispela bai go antap long 89-pela banis bilong ol open iektoret we i stap pinis na sapos gavman i tok orait bai kisim namba bilong ol banis bilong ol open iektoret i go inap 115 olgeta," Mista Trawen i tok.

Em i tok sapos gavman i rausim ol provinsel gavman iektoret bai lukim wan wan provins i gat wanpela nupela open iektoret.

PNG redi long bikpela bung i winim olgeta arapela

Neville Choi

PAPUA Niugini nau i wok long redi long lukim bikpela bung we bai i kamap insait long kantri we i winim olgeta arapela bikpela bung i bin kamap las yia.

Dispela bung we bai i kamap long Me 28 i go inap long Jun 2, em Afrika Karibien Pasifik Grup ov Stets (ACP) na 27 Yuropien Yunion Memba (EU) kantri bai kamap long en. Samting olsem 79 kantri bilong Afrika bai kam bung wantaim 27 kantri bilong Yurop.

Dispela bung bai kamap long Mosbi tasol i gat askim nau i go aut we Nesenel Ivens Kaunsil i laikim bai ol bisnis insait long ol provins long givim han long apim nem bilong kantri.

Dairekta Jenerel bilong PNG Ivens Kaunsil Sekreteriet, Aiw Olmi i bin tok klia long ol niusman long Tunde olsem gavman i bin luksave long dispela bung olsem bikpela bung we i winim olgeta arapela bung we i kamap las yia.

Em i tok dispela luksave i karim kaikai insait long 2006 nesanel baset we gavman i makim K9 milien long kamapim dispela bung.

Dispela bai namba tu taim bilong PNG long lukautim dispela ACP-EU bung.

Wok nau i go het long bikpela spot stadium insait long Mosbi Siti, Sir John Guise Stadium we dispela bung bai kamap.

Wok bilong stretim Sir John Guise Stadium em inapim samting olsem K2.2 milien, na long tanim tok ples bilong olgeta dispela kantri i go long tripela bikpela tok ples we ol kantri long Afrika na Yurop i save yusim i surukim manimak i go inap long K2.8 milien.

Dairekta Olmi i tok olsem namba bilong ol manmeri husat bai kam long dispela bung em i namel long 550 na 600. Bikpela wok sekyuriti bai stap olsem em i bin stap long Pasifik Ailans Forum bung i kamap las yia na olgeta wok bilong stretim ol rum slip bilong ol dispela lain i go het pinis.

Tupela wik i go pinis wanpela teknikel tim bilong ACP-EU Sekreteriet long kantri Brasels i bin kam raun sekim ol hotel na ples we kibung bai kamap.

Kampani Kumagai Gumi konsaltens i go pas long stretim Sir John Guise stadium long dispela kibung.

WANTOK

Hey Wantok do you want to reach the enormous Pidgin market in PNG?
Than you need to talk to us now!!

We can help you with all your advertising requirements...printing and design, translation and of course insert quotations.

Call your WANTOK advertising team now for an obligation free quotation.

PH: 325 2500, FAX: 325 2579

Email: word@wantok.com.pg
advertising@wantok.com.pg

Givim bikpela mekim save long ol reipis

STRONGPELA singaut i go aut gen long ol atoriti nau long givim bikpela mekim save, olsem kilim dai, man husat i reipim o bagarapim meri.

Planti meri grup i save lukautim rait bilong ol meri, famili na ol pikinini i kam aut nau na toktok long samting i mas kamap nau long stopim dispela sem pasin nogut tru i wok long bagarapim ol famili, komyuniti na sosaiti. Em long reip pasin we ol man, ol hauslain na famili memba i wok long bagarapim ol yangpela meri na ol liklik pikinini meri krismas i stap daunbilo long 10 i go daun long tupela yia samting.

Olgeta de, yumi lukim ol niuspepa, putim ia long redio na putim ai na ia long telivisen, ol stori long reip na inses we papa i bagarapim o givim bebi long pikinini meri bilong em, savelain na hauslain i reipim liklik pikinini meri, pek reip long ol yangpela meri na moa.

Minista bilong Sosel Developmen Dame Carol Kidu i tok i mas gat sosel risets i kamap long painimaut watpo tru na reip, inses, vailens egensif ol meri i wok long go bikpela moa na nogut olgeta.

Kodineta bilong Famili Seksuel

Vailens Eksen Komiti (FSVAC), Ume Wainetti, i

bekim pas bilong wanpela man, Leri Stanley Gelo, husat i bin rait long niuspepa na tok olsem man i wokim reip em i no inap long kontrolim em yet o tingting bilong em i no stret na i wokim dispela apsin. Na em i tro-moim toktok long klos na bilas ol meri i putim na ol man i reipim meri.

"Na yu tanim na sutim tok long meri olsem asua bilong em na man i reipim em," Ms Wainetti i tok.

Em i tok reip em pait long bodi bilong narapela we narapela i fosim em egens long laik bilong em.

Mis Wainetti i tok long tok tingting bilong man i no stret na i wokim dispela pasin em i no gutpela as.

"Long tok dispela, i olsem yu tok yumi gat populesen bilong ol longlong lain husat i raun na wokim pasin nogut long husat ol i laik wokim long en. Na dispela em i mekim mi pret tru. We stap gutpela luksave yumi gat long ol narapela man na meri na lukautim rait na gat rait na fridom long stap na wokabaut gut?"

"Raitpela samting long wokim nau em long givim mekim save long ol reipis na meri husat i kisim bagarap bai lukim jastis i kamap," Ms Wainetti i tok.

Em i tok ogenaisesen bilong em i save helpim long daunim ol sosel hevi long ol famili na seksual vailens long PNG na em i bilip bikos long aweanes we i wok long kamap long olgeta hap bilong kantri bikos FSVAC i sanapim ol opis, ol mama, yangpela meri na ol pikinini meri na komyuniti i wok long ripotim ol reip na seksual vailens keis.

Mis Wainetti i tok i gat plen long ol patna long dispela eria long gat program we ol bai bung wantaim na glasim ol samting long wok plen bilong ol.

Mis Wainetti i tok ogensaisesen bilong em i sapatim singaut bilong polis bos long Lae, Sief Simon Kauba we ol meri i kisim bagarap long reip na inses, i mas ripotim hariap i go long polis.

Long wankain taim, Sosel Developmen Minista Dame Carol Kidu i askim pablik long mas wantaim ol meri long Mas 24, em Intenensien de bilong ol Meri long tokaut agensim reip na seksual vailens.

Madang buai pulap kapsait long ol Hailans maket

James Kila i raitim

PLANTI ol manmeri insait long lsten Hailans, Simbu, Westen Hailans na Enga provins nau yet i wok long hamarim stret long kaikai buai bilong Madang.

Ol bikpela buai maket long Goroka olsem Wol Tred Senta o Kakaruk Maket, Yuwai maket long Kundiawa na tu long Kaiwe Maket long Hagen i lukim buai bilong Madang i kapsait stret long hap.

Stat long pinis bilong las yia i kam inap nau, ol lain bilong kaikai buai long Goroka na Kundiawa maket i save pulim lain stret i go daun long Madang na baim planti bek buai stret na karim i go antap long salim long Hailans.

Madang buai i bin kamap planti bikos em i taim bilong buai stret long Krismas taim long Madang. Narapela samting tu em buai bilong Markham long Morobe i bin sot liklik long dispela taim long pinis bilong las yia.

Tru tumas, dispela bisnis bilong salim buai i wok long helpim planti lain tru long kisim moni long helpim sindaun bilong ol long ples na hauslain.

Sapos yu ron long kar o PMV bas long Hailans o Okuk Haiwe, bai yu lukim long ai bilong yu stret olsem planti ol bikpela trak na PMV i karim ol bek buai na ron i go antap long Hailans. Ol dispela lain bilong salim buai i save mekim gutpela mani stret.

Tru tumas planti taim ol papa bilong ol buai bek i save baim namba bilong ol sit long PMV bas na tu long ol trak na ol dispela PMV trak i save karim buai bilong ol na ron i go antap long Hailans.

Wanpela boi husat i save salim buai long Kakaruk Maket, Steven Nesa i tok olsem em i save ron long PMV i go kam long Madang tripela taim insait long wanpela wik.

Wanpela mama bilong Simbu, Peni David i tok olsem taim em i salim buai em save lukim mani olgeta taim. Taim em i wok potnait em i save lukim mani bihain long tupela wik.

Peni i bin wok sotpela taim olsem wanpela sekyuriti gat meri wantaim wanpela sekyuriti kampani long Goroka. Tasol em i tok olsem olgeta taim em i save sanap sanap na em i les na em i go bek gen na salim buai na kisim mani.



LOT WANSAIT: Wanpela PMV trak i lotim buai bek long baksait long ron i go antap long Hailans klostu long Yonki.

Kamapim HIV/ AIDS wokples polisi

Veronica Hatutasi i raitim

OL KAMPAN! i mas gat "workplace HIV/AIDS policy" o lo long ples bilong wok long lukautim ol woklain na ol famili bilong ol.

Kodineta bilong Praivet sekta HIV/AIDS Rispons projek, Maria Nepel i tok i gutpela long ol kampani i gat polisi nau na dispela polisi i karamapim tu HIV/AIDS.

Ol bin kamapim HIV/AIDS Menesmen Ekt na putim long gavman geset o niuspepa long Septemba 10, 2004, na dispela lo em i bilong no lukim nogut ol lain i gat AIDS.

Ms Nepel i tok planti kampani na ol woklain i no klia long dispela lo na olsem, sampela we i bin rausim woklain i gat AIDS em ol i pret na kisim ol bek taim ogenaisesen bilong em i go raun na wokim ol aweanes toktok long dispela lo.

Em i tok i moa gut long ol kampani i kamapim wokples lo na ol straksa long menesim o stopim sik HIV/AIDS i kalap long planti lain moa.

Em i tok ogenaisesen bilong em i bilong sapatim praivet sekta na ol ejensi i karimaut HIV/AIDS wok olsem pablik sekta, ol NGO na ol arapela moa long rot bilong givim ol toktok (etvokesi) long ol woklain na ol komyuniti i stap klostu. Na tu, toktok strong long ol menesmen bilong ol kampani long luksave long HIV/AIDS olsem i bikpela hevi na kamapim strongpela lidasip na stia insait long ol wan wan wokples na mekim isi long bihainim.

Ramu Sugar bai salim planti pikinini i go bek long skul

RAMU SUGAR

back to school FEES

K100,000

bilong ol skul fi long winim

Baim paket Ramu Sugar long stap insait long dispela resis.

Raitim bekim long entri fom na pasim wantaim wanpela paket i nogat suga long en long soim olsem yu bin baim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

Ramu Sugar back to school promotion

Name:.....

Address:.....

Phone:.....

POST TO:

Ramu Sugar Back to School Promotion.

C/-Locked Bag Services Lae,

Morobe Province

Papua New Guinea

Bai i gat 40 manmeri i ken winim K500 wan wan wik inap long 5-pela wik olgeta

Dispela resis bai pinis wantaim las entri o pas ol i kisim long namba 24 de bilong mun Februari

Hannett mekim tok promis

...Wenge askim long skruim wokbung

Veronica Hatutasi
i raitim

NUPELA Bogenvil Rijinel memba long Nesenel Palamen i bin kisim bikpela tok welkam long ol arapela Palamen memba long dispela wik taim em i mekim tok promis bilong em long holim dispela wok.

Leo Hannett em bipo Primia bilong Bogenvil na man i gat biknem long kantri na ailan i bin wokabaut isi i go antap long sia bilong Spika wantaim lukaut bilong tupela bikman long sait sait bilong en em long Lens na Fisikel Plening Minista Dokta Puka Temu na Pablik Sevis Minista

Sinai Brown.

Bihain long tok promis seremoni i pinis na Mista Hannett i go sindaun, ol memba i bin autim tok welkam na amamas long em i kisim dispela sia na ol bai wok bung wantaim em long helpim Bogenvil na PNG.

Morobe Gavana Luther Wenge i no bin westim taim na askim Mista Hannett long wok bung wantaim em bikos Bogenvil na Morobe i gat planti koneksen bilong ol.

"Lae em i susa siti bilong Bogenvil na mi askim yu long yumi i mas wok bung wantaim long go hetim provins na kantri," Gavana Wenge i bin tok.

Em i tok dispela wok bung namel long em na pastaim Bogenvil Gavana John Momis i bin stap na wankain i mas go het taim Mista Hannett i kisim dispela wok nau.

Em i tok tupela provins i gat planti wok i kamap namel long ol bikos Bogenvil i save kisim planti kago samting bilong em long Lae na wankain tu long sampela ol arapela eria.

Mista Hannett i bin win long Bogenvil rijinel memba bai ileksen las mun. Dispela i bin kamap bihain long pastaim long taim Gavana Mista Momis i bin lusim sia las yia long resis long Otonomes Bogenvil Gavman ileksen.

Tisa seavings op long Buka

Veronica Hatutasi
i raitim

SAMTING olsem 4,000 tisa long Bogenvil bai i no inap long tromoim bikpela mani long kisim ol entaitelmen na seavings bilong ol bikos PNG Tisas Seavings na Lons Sosaiti i stap pinis long Buka.

Buka i bin opim nupela PNG Tisas Seavings na Lons Sosaiti opim long Buka las wik Trinde.

Asisten Edukesen Seketeri Tony Tsora i tok opim opis long Buka i gupela tru bikos ol tisa i save painim hat long stretim ol seavings bilong ol na planti bilong ol i save tromoim

Bikpela mani long baim balus na sip na go long Mosbi na Rabaul long stretim ol mani seavings bilong ol long Tisas Seavings na Lons.

Dispela em i namba wan taim PNG Tisas Seavings na Lons Sosaiti i opim han opis bilong em long Bogenvil.



SKUL I STAT: Wanpela elementri skul klas na tisa bilong ol i amamas tasol long statim 2006 skul yia.

HAP HAP NIUS

Rabaul Maket

TOKTOK long surukim Rabaul i go long ples we em bin stap long en bipo long maunten paia i bagarapim ples long 1994 i kamap gen. Tasol muvim maket i go bai i no gupela na ol dona ejensi i laik givim helpim long karimaut dispela wok, moa yet, long Wol beng, i save egensim stret dispela. Tasol Rabaul Join Distrik Plening na Baseteri Komiti i tok oraitim long surukim maket i go long olpela ples bilong em long Kasuarina Strit.



KOKOPO MAKET: Yu ken painim ol kain kain samting long Kokopo maket insait long Is Nu Briten provins. Tasol maket i klinpela ya!

Wakunai papamama kros

SAMPELA papamama long Wakunai eria long Sentrel Bogenvil i kros long Edukesen Dipatmen na i laik kisim dipatmen i go long kot. Dispela em bikos ol i tok rot we Bogenvil Provinsel Edukesen Bot i bin mekim long makim na kisim sampela Gret 8

sumatin taim ol i no sindaun long tes i no stret. Ol papamama i tok ol edukesen atoriti long provins i bin kisim tasol ol sumatin long glasim ol Intenel mak bilong ol. Tasol Bogenvil edukesen Seketeri Tony Tsora i tok dispela i no tru

bikos ol i mas sekim na glasim ol tes ripot na mak bilong ol.

Rabaul Guria

WANPELA bikpela guria i bin kamap long Is Nu Briten provins long las Sande tasol em i no kamapim sampela bagarap. Mak long bikpela bilong guria em 6.2 long Rikta Skel, masin bilong mesarim bikpela bilong guria. Waid Be eria we i stap 110 kilomita saut long Rabaul i bin pilim nogut guria.



PEOPLE'S PROGRESS PARTY

PABLIK NOTIS

15 Februari 2006

RAUSIM BILONG OL MEMBA BILONG PALAMEN

Ol fainensel memba na sapota bilong Pipels Progres Pati (PPP) insait long kantri i mas klia long rausim bilong tripela Memba bilong Palamen.

Ol dispela Memba em:

1. Hon. Mark Maipakai MP, Memba bilong Kikori
2. Hon. Robert Kopaol MP, Memba bilong Nipa Kutubu
3. Hon. Allan Marat MP, Memba bilong Rabaul

Rausim bilong ol long Pati i bihainim sampela long ol dispela as:

- (a) Dispela tripela memba i no bin sindaun long olgeta kibung bilong Palamentari Kokus.
- (b) Ol i no bihainim na strongim bilip bilong ol long PPP bihainim ol tok promis ol i mekim long 2002, na,
- (c) Ol i no bin sanap long ai bilong Nesenel Eksekutiv bilong Pati long strongim rait bilong ol long givim sait stori bilong ol bihainim stretpela pasin na netserel jastis o tumbuna lo.

Bihainim Pati Konstitusen o Mama Lo na oda i kam long Nesenel Konvensen we i bin kamap long Wawin, ausait long Lae long Me 19 na 20 2005 ol i bin rausim dispela tripela memba.

Palamen Wing bilong Pati nau i gat 5-pela memba;

1. Hon. Andrew Baing, MP - Markham Open (Palamentari Lida)
2. Hon. Guao Zurenuoc, MP - Finschaffen Open
3. Hon. Jamie M. Graham, MP - Anglimp Saut Wahgi Open
4. Hon. Timothy Tala, MP - Imbonggu Open
5. Hon. Byron Chan, MP - Namatanai Open

Memba bilong Pomio, Hon. Paul Tiensten em pati i bin rausim em bipo yet long Jenuari 15, 2004, bihainim ol wankain as olsem ol arapela memba.

PPP bai traim long bihainim olgeta dispela memba em i rausim long olgeta komitmen o tok promis long 2002 Jenerel Ilekten na bai painim ol arapela samting we i stap insait long Ogenik Lo long Intekriti bilong ol Politikel Pati na Kandidet.

Opis bilong Rejistra bilong ol Politikel Pati na Kandidet i kisim toksave na olgeta pepawok bilong ol dispela wok. Rot i klia nau long PPP long lukluk mo along redi bilong 2007 na mipela i singautim olgeta memba na sapota long go het long kempein long promotim o strongim ol polisi bilong yumi na groim ol fainensel membasip bilong yumi. Mipela i tok tenkyu long yupela olgeta long strongpela bilip na halivim.

PPP nau bai i mas muv i go het long strongim bek komitmen o tok promis, strong na stretpela lidasip insait long Pati.

ALEX ANISI
Nesenel Presiden
Pipels Progres Pati

EMOS E.T. DANIELS
Jenerel Seketeri
Pipels Progres Pati

Potsdam kea senta bungim hevi gen

Senis long Morobe Tutumang

Bustin Anzu i raitim



NARAPELA HEVI GEN: Memba bilong Yalu Setelmen Gabriel Magun na ol arapela setla i lukluk long bagarap ren i kamapim long ol gaden kaikai.

Stephanie Gimo-DŴU sumatin- i raitim

YASSA ples long Potsdam ke senta we moa long 700-pela manmeri i bin go stap bihain long ailan bilong ol i bin kisim baragarap long taim maunten i bin paia, nau yet i kisim narapela hevi.

Long wanpela wik i go pinis bikpela ren i bin pundaun long hap

bilong we i lukim mak bilong wara i kam antap long skuru bilong ol.

Taim dispela ren i kam daun em i mekim na wanpela wara klostu long hap ol i stap long en i bin pulap moa na wara i kam olgeta long ol gaden bilong ol, we i bagarapim ol kaikai bilong ol insait long gaden olsem, kaukau, kumu na ol arapela samting.

Dispela rein tu i bin go

insait olgeta long haus bilong ol manmeri na bagarapim ol kaikai bilong ol.

Lokel Level Gvman memba bilong Yassa setelmen, Gabriel Magun i tok olsem planti bilong ol haus we ren i go insait long i bin stap tasol antap long graun na taim rein i kam i go insait long ol haus bilong ol na wasim ol kaikai na matres bilong ol.

Mista Magaun i tok

olsem em i bin autim wari bilong em wantaim ol atoriti na i weit tasol long kisim ol helpim i kam long dispela ol lain husat i laik helpim ol.

Em i tok olsem em i bin askim Ret Kros long helpim ol na stretim ol drein klostu long ples bilong ol, na tu em i bin putim rikwes long ol i senisim ol haus we i stap long graun nau bai ol i mas putim long ol pos.

MORobe Provinsel Gavman i daunim namba bilong ol minista insait long Tutumang (Provinsel Asembli), long kamapim rot bilong sevis i go long ol pipel wantaim wok bilong ol. Dispela senis em Provinsel Eksekutiv Kaunsil (PEC) i wokim long las wik long opis bilong Gavana na John Tubian, Klak bilong Tutumang i witesim.

Ol lain husait i kisim sampela moa minista wok em Tim Bafenu. Husat i kamap Siaman bilong Trenspot, Ikonmik Invesmen na Ebenaisesen na Welfea, Mista Owae Nunzik i kisim sia olsem Rilijes Afeas, Spots, Kalsa na Turisim na helpim wokman bilong Gavana. Nupela Siaman bilong Hausing, Maining na Envairamen em Sem Keruk. Gavana Luther Wenge i skruim wok bilong Agrikalsa, Forestri na naturel

risos i go antap long olupela wok bilong em olsem Edukesen, Fainens, Etministresen na Palamen sevis. Siaman bilong Lokol Level Gavman Afeas na Baunderi Komiti i go long Konie Inguan.

Dispela senis i lukim planti ol kaunsel presiden i lusim sia bilong ol. Kain kansela olsem Sopa Mon (Maining), Stephen Sep (Lo, Oda na Jastis), Yalambing Dambing (Forestri na Naturel Risos), Paul Anis (Spot, Kalsa na Turisim), Yawat Jagens (Bounderi Komisin) na Peter Samuel (Ebenaisesen na Welfea).

Dispela nau kisim namba bilong ol minista i kam daun long 14.

Namba tu Gavana bilong Morobe Provins, Utika Seserta i amamas long lukim dispela ol senis bilong ol Provinsel Minista na tokim ol long wok bung wantaim ol na wetim neks ileksen.

Papagraun laikim senis long loging projek

OL PAPA GRAUN long wanpela bikpela loging projek long Hawain insait long ls Sepik provins nau i singaut long papagraun kampani na timba developa kampani long stopim wok na stretim gut toktok long wok i kamap long graun bilong ol.

Ol papagraun bilong Hawain LFA i singaut long dispela paitim toktok wantaim papagraun kampani na developa bihain long bikpela birua i bin kamap long wik i go pinis taim wanpela papagraun i bin kirap nogut long developa kampani i bin go insait long graun bilong em na stat katim diwai.

Dispela papagraun i bin belhat na go askim ol papa bilong loging kampani long ol i kisim tok orait long

husat long go katim diwai. Tasol taim tupela bosman bilong kampani i tokim em long go askim gavman, em i bin belhat na katim tupela wantaim busnaip. Nau yet dispela birua i stap long han bilong polis na ol i glasim i stap.

Tasol ol arapela papagraun long Hawain loging eria nau i tok olsem kampani na wanpela bosman bilong Wongwong dispela papagraun kampani i mas sindaun wantaim ol papagraun na tok klia stret long husat tru i bin givim tok orait long ol long katim diwai. Bikpela sut toktok i kamap namel long ol papagraun olsem wanpela man i mas hait na kisim tok orait long gavman long go het long wok loging insait long Hawain eria, antap long graun bilong ol.

Timba loging eria we dispela projek i go het nau em i stat long Niengkwanje viles na i bihainim wes kos i go. Nau yet ol papagraun i laikim kampani i mas stopim olgeta wok em i mekim bai olgeta i ken sindaun na stretim toktok.

Ol papagraun i tokaut olsem ol dispela kain pasin we ol papagraun i no givim tok orait long kampani i go insait bai kamapim moa hevi yet na ol i singaut long dispela paitim toktok i mas kamap pastaim long wok i go het.

Ol papagraun i singaut tu long siaman bilong Wongwong papagraun kampani long lusim dispela wok em i holim bikos ol i tok i nogat wanpela man i bin kisim tok orait bilong ol long go het na kisim tok orait bilong nesenel gavman long wok loging i ken kamap long ples Hawain.

Ol i tok narapela as long dispela singaut em ol i lukim olsem manimak loging kampani na papgraun kampani i wok long givim ol em i liklik tumas na ol i laikim tok klia tu long dispela.

Plantu i tok ol i no save olsem gavman i givim tok orait long kampani i go het. Ol papagraun i tok i mas i gat sampela samting we loging kampani i no klia long en bipo em i go het na kirapim wok.

Ol i tok ol i holim olgeta pepa i soim olsem i bin i gat sampela paul pasin i bin kamap we ol papagraun yet i no bin givim tok orait long wok loging long go het.

Sapotim Resureksen Luteran Sios

...Opim ol nupela wing
Paulus Tali i raitim

ASKIM i go long ol Resureksen Luteran Sios memba long Lae, long givim moa sapot na strongim wok bilong sios na kongrikesen.


Siaman bilong dispela sios Wanya Souemo i bin wokim dispela toktok long opim 2-pela wing bilong sios long las wik Sarere.

Dispela i no nupela haus lotu. Ol bin sanapim haus lotu ya long 1950 na long ol yia i kam, ol i save mekim ol nupela wok long em na dispela i karamapim wok long bildim ol nupela seksen bilong sios long en.

Siaman Souemo i tok moa long 3,000 Kristen manmeri we i gat long em tu ol lain bilong ol arapela kantri, i save go lotu long em.

Em i tok ol i tromoim manimak inap long K50,000 long wokim dispela tupela nupela wing bilong sios.

Man husat i bin sanapim dispela haus lotu em Mista A Zermermen i bin statim bildim olsem liklik sios tasol na long yia 1970, em i bin skruim i go bikpela.



DWU GREDUESEN: Gavana Jenerel na Gren Sief Sir Paulius Matane, DWU presiden Pater Jan Czuba SVD na ol arapela bikman i bin go long greduesen bilong DWU las Sande.

Diana Tinpis kamapim nupela prodak

Daniel Asang-DWU sumatin-i raitim

NUPELA Diana Tuna tinpis prodak long kokonas bai i no long taim i kamap long maket.

Kampani we i save wokim Diana Tuna tinpis long Madang em long RD Tuna i karimaut wanpela sevei o wok

painim long Divan Wod Yunivesiti (DWU) bilong testim o traime nupela tinpis ya.

Ol bin kisim 6-pela nupela tinpis long ol sumatin long DWU husat i mekim wok skul long Turisim na Hospitaliti Menesmen na Bisnis Stadis.

Koims Barewai husat i prodak Developmen

Supavaisa wantaim RD Tuna kampani i tok ol i karimaut dispela wok painim long painim save wanem sempol bilong tinpis long Kokonas milk ol kastoma i laikim tru.

Em i tok ol ripot ol i kisim em ol bai yusim kamapim tinpis long kokonas milk ol kastoma bai laikim long en.

Ol DWU sumatin i bin

traim 6-pela sempol bilong Diana Tuna tinpis long Kokonas milk na bihain long dispela, ol i bin pulumapim fom long givim ol toktok na tingting long dispela nupela tinpis.

Ol bin karimaut wankain sevei las yia long DWU taim Dolly tinpis i bin kamap nupela Dolly Diana tinpis.

Rausim Kakaruk maket

Sape Metta i raitim

STRONGPELA toktok long sampela mama long Goroka i go long ol atoriti long rausim "Kakaruk maket" bikos em i kamapim planti komyuniti na famili hevi.

Maket i kisim dispela nem bikos planti pipel i save go long dispela maket na wokim ol kain pasin nogut long hap. Tru, sampela i save go long dispela maket long kukim na salim ol kaikai olsem skon, lem fleps, kiau, ais-blok, buai, simuk na pilai dats long winim-ol samting. Em i maket olsem tasol ol maket long ol narapela senta.

Tasol ol mama long Goroka husat i lukim dispela maket na i stap long planti hevi olsem long famili i bruk, marit i bruk na ol marit i sek sek i go na i kam i tok kros na toktok strong i go long ol lokel, provinsel na nesanel lida na ol atoriti long Goroka long rausim Kakaruk maket long Goroka.

Ol mama i luksave olsem dispela maket i wok long kamapim ol pasin we i no gutpela na i wok long paulim na bagarapim sindaun bilong planti ol papa na ol yangpela manmeri tu.

Lida bilong Sios Wimens grup long Goroka na mauseri, Helen Paul i tok planti ol paul pasin na ol narapela pasin i no gutpela na stretpela i wok

long kamap tu insait long dispela maket. Maket i save op long olgeta de long 24 awa.

Mis Paul i tok opis bilong em i kisim planti komplek na ripot i kam long ol mama olsem planti papa i wok long go na i kam long Kakaruk maket na wokim pasin pamuk wantaim ol arapela meri.


Em i tok nem bilong maket i stap pinis na em maket bilong salim ol laip kakaruk. Tasol ol manmeri i tanim maket i go olsem wanpela kain maket we ol i yusim long salim ol kaikai na klos samting. Na ol arapela samting we i no gutpela long en olsem ol strongpela dring, spakbrus mariwana na ol meri husat i save kam long dispela maket long Sali9m skin bilong ol long pasin pamuk na pulim mani.

Em i tok planti papa i save pulim lain na kapsait i go long Kakaruk maket long wanem ol i laikim gutpela taim long amamasim ol yet long dring, spak, smokim mariwana na go aut wokim pasin pamuk wantaim ol meri.

"Dispela kain pasin i wok long kamap bikpela tru long Goroka na bagarapim sindaun bilong ol famili," Ms Paul i tok.

Em i tok kain pamuk pasin i mekim na sik AIDS i kamap bikpela long taun na provins.

Moa sekyuriti daunim hevi long Kainantu taun



WOK LUKAUTIM: KSS Etnistresen Supavaisa long Kainantu Peter Sapus (namba tu long lephan) wantaim ol gad i sanap was long PNG Power opis long Kainantu.


Sik i bagarapim Dei pipel

Aloysius Aisi i raitim

OL kain kain sik i save kamap nau bihain long wanpela bikpela taitwara i bagarapim Lowa Dei eria insait long Westen Hailen provins long stat bilong dispela yia.

Planti manmeri na pikinini i kisim bikpela bagarap pinis long dispela taim na ol i wari sapos nogat helpim i kam long ol lida bilong ol long provinsel na nesanel gavman, i luk olsem planti bai kisim bagarap long ol kain kain sik.

John Kepa, wanpela katekis husat i go pas long helpim na pre wantaim ol long wan wan komyuniti i tok - ol salim toksave pinis i go long ol lida man long provinsel gavman tasol



HELPIM SIKLAIN: Nurse Josephine Bulda i givim ol marasin i go long ol pipel i kisim bikpela bagarap long ol kain kain sik long ples long Dei kausel eria long Westen Hailans provins.

nogat helpim i kamap yet.

Katekis Kepa i tok pipel i amamas taim wanpela nes bilong Mun Eit Pos i kam long givim ol marasin long ol pipel. Taim Wantok i bungim dispela nes Josephine Bulda, em i tok planti ol pikini bai

kisim taim stret sapos ol i no kisim ol rait marasin kwik taim.

Nes Josephine i tok kain kain sik olsem bel pain, het pain, malaria, sik pekpek wara, huk wo na niurmonia (pneumonia) i stap pinis long ol dispela komyuniti nau.

....lokol bikhet man tu kamap sekyuriti

James Kila i raitim

KAINANTU, bipo planti ol lain manmeri bilong Hailans rijen i save kolim olsem "Kauboi Taun" nau i stap isi tru bikos planti gutpela wok i kamap na tu ol sekyuriti i kamap planti.

Narapela gutpela samting tu em ol strongpela bikhet man bilong Kainantu taun em planti bilong ol i kisim wok olsem sekyuriti na ol i helpim tu long daunim lo na oda hevi insait long dispela "4-kona" taun.

Long stat bilong las yia na ol narapela krismas bipo, tru tumas, Kainantu em wanpela bikhet ples stret we planti ol raskol lain i pulap na ol dispela lain i save pretim ol manmeri na tu brukim haus na stilim ol samting. Nau

dispela em hevi bilong bipo. Kainantu i stap gut na pasin bilong lotu tu i go bikpela.

Etnistresen supavaisa bilong Kainantu Sekyuriti Sevises (KSS), Peter Sapus, i tokim Wantok Niuspepa olsem nau yet planti ol sekyuriti i stap na dispela i daunim hevi bilong lo na oda insait long Kainantu taun.

"Mipela i kisim ol boi bilong asples long Kainantu na ol yet i wok long lukautim na stretim dispela taun. Taim dispela pasin i kamap ol i amamas long wok na tu ol i strongim gutpela sindaun insait long ples bilong ol em Kainantu." Peter i tok.

Peter i tokaut olsem nau yet planti ol bikpela bisnis i wok long kamap insait long Kainantu eria na ol i laik olsem ples i mas stap gut na nogat hevi i ken bungim ol

bisnis we i kamap long helpim ol manmeri insait long distrik.

Em i tok tu olsem ol manmeri nau i wokabout wantaim amamas na nogat pret moa bikos i gat ol sekyuriti i wokabout raun na putim ai.

"Mipela save putim ai gut long husat nupela pes o bikhet man long Kainantu. Taim mipela lukim ol dispela lain mipela i save bringim toksave long polis na tu mipela i save salim tok i go kam long ol narapela sekyuriti na mipela olgeta i save putim was na redi tasol i stap," Peter i tok.

Narapela samting tu em planti ol lokol manmeri i wok bung wantaim ol sekyuriti kampani na ol i putim was long husat bikhet man i laik traim kirapim hevi long taun. Taim ol mekim dispela planti ol bikhet man i pret.



FEBRUARY CLEARANCE SALE

YAMAHA E25BMHLR

- ✓ 25hp Enduro
- ✓ 2 Cylinder, 2 Stroke
- ✓ Manual Start, Pre Mix
- ✓ Manual trim/tilt
- ✓ Tiller handle & shallow water drive

SPECIAL PRICE

K6,699

Available Immediate Delivery

For More Information Contact your nearest Ela Motors branch

Port Moresby... Ph 3229400	Kavieng..... Ph 9842788	Wewak.... Ph 8562255
Lae Ph 4781800	Kimbe..... Ph 9835155	Vanimo... Ph 8571254
Kokopo..... Ph 9829100	Lihir..... Ph 9864099	Tabubil... Ph 5489060
Madang..... Ph 8522188	Buka..... Ph 9739915	Alotau..... Ph 6410100

Email : jmoveh@elamotors.com.pg



Ela Motors

Offer Expires: 31 / 03 / 2006 or until Stocks Last!



PINIS WOK: Bikpela simen miksa kar bilong 'PNG ReadyMix' i no luk olsem em bai tanim simen moa bihain long dispela birua. I nogat man i kisim bagarap.

Simen kar kapsait

Andrew Molen i raitim

POT MOSBI: Gutpela tingting bilong draiva bilong dispela bikpela simen miksa kar bilong PNG ReadyMix i sevim laip bilong em na opsait bilong na tu bilong planti narapela manmeri long rot.

Long tu kilok long Fonde las wik tupela i wok long go daun long Konedobu long 'Burns Peak' rot na antap long maunten brek bilong kar i no wok.

Taim Draiva i lukim dispela em i tanim stia i go hapsait long rot na makim sait bilong maunten.

Em i go bam long maunten, kalap i go pundaun na silip long sait bilong rot.

"Em i save olsem sapos em i bihainim rot i go daun bai wanpela bikpela bagarap i kamap," wanpela man husait i lukim birua i kamap, Mika Koi i tok.

Em i wok long sindaun long bas stop

long we kar ya i wok long kam daun taim dispela samting i kamap.

"Em i laki tru bilong wanem i nogat planti kar i stap long rot dispela taim na tu tupela wantaim i no kisim bagarap.

"Mi wok long kam antap long maunten long kar bilong mi taim mi lukim em i katim rot i kam long rot bilong mi na i no stop, em i makim sait bilong maunten we em i bam tanim na kapsait," narapela man husait i lukim samting, Douglas Gomara i tok.

Ol bikpela kar i go i kam long dispela rot i mas lukaut olsem brek na olgeta samting bilong ol i wok gut nogat bai ol i ken painim hevi.

Las yia wanpela bikpela semitretra i bungim hevi long wankain rot we i lukim fawpela manmeri husait ol i sanap sait long rot na draiva tu i dai taim brek bilong em i lus na i ron i go daun long


Sampela ples long Hiritano haiwe bagarap yet

...I no Inauabui tasol

Andrew Molen i raitim

OL Kairuku pipel i bilip olsem ol samting Deputi Praim Minista na Memba bilong Kairuku Hiri, Sir Moi Avei i bin givim las wik long ol pipel bilong Inauabui long helpim ol long wara i bagarapim ples bilong ol i no stret.

Dispela em bilong wanem ol narapela ples i no kisim wanpela sea long dispela helpim tasol ol i bungim bikpela moa hevi long Inauabui.



HELPIM MIPELA: Mista Ike i askim helpim bilong gavman.

Sir Moi Avei i bin givim sampela samting inap K200, 000 i go long ol pipel bilong Inauabui husat wara i go insait long ples bilong ol.

"Mipela ol narapela ples i no kisim wanpela sea bilong dispela ol samting Sir Moi i givim na nau ol pipel bilong mipela i bungim bikpela hevi bilong kaikai i sot," wanpela bipo soldia na nau komyuniti lida bilong ples Eboa, Charlie Ike i tok.

Em i tok planti ol narapela ples i kisim taim moa long Inauabui tasol ol i no kisim sampela samting long gavman long helpim ol inap wara i go daun.

"Ol ples olsem Eboa, Aipeana, Amoamo na sampela ol narapela Kairuku ples i bungim hevi yet.

"Ol Inauabui i no bagarap tumas bilong wanem wara i go insait long ples bilong ol tasol ol gaden bilong ol i stap long gutpela ples na wara i no bagarapim ol kaikai bilong ol.

"Mipela ol narapela ples, wara i no bagarapim ples tasol ol gaden bilong mipela em wara i karapim olgeta olsem na nau mipela i nogat kaikai long ples," Mista Ike i tok.

Em i tok em bai narapela wan o tupela mun bipo wara i go daun na kaikai redi ken long ol i go kisim na kaikai.

"Em i tru wara i bagarapim ples bilong ol Inauabui tasol ol i no sot long kaikai, tasol mipela ol narapela i sot tru bilong wanem olgeta gaden bilong mipela nau i stap aninit long wara," Mista Ike i tok.

Em i tok nau ol i save kam salim buai tasol long baim kaikai long stua long taun olsem flawa na rais na go bek long ples tasol dispela em i hatwok tu bilong wanem wara i pasim rot na i nogat planti kar i save ron.

"Ol pipel i wok long karim ol samting bilong ol na brukim wara yet bilong wanem rot i no gutpela yet," Mista Ike i tok.

Em i singaut nau long Sir Moi na gavman long kisim sampela moa helpim i go long ol ples i bungim hevi yet.

JICA na EDA RANU givim sevis long Sabama setelmen

EDA RANU o wara kampani long Mosbi wantaim Japanis Intanesenel Kopresen Ejensi (JICA) bai bung wantaim na pulim wara sevis i go long ol pipel bilong Sabama setelmen hia insait long Nesenel Kapitil Distrik. Tupela eria insait long Sabama em Savaka setelmen na Joyce Bay setelmen.

Long Fraide las wik JICA wantaim EDA RANU i sainim wanbel o agrimen pepa long wok bung wantaim long kamapim dispela tupela projek.

Savaka setelmen i bin singaut long wara longpela taim i kam inap JICA i kam insait na laik helpim ol.

Long Joyce Bay bai ol pipel i gat nupela kain toilet sevis we i kam wantaim wara long rausim ol pipel na

doti wara i go stret long bikpela paip i go long solwara. Stadi bilong JICA i luksave olsem Joyce Bay i nogat gutpela toilet sevis na dispela i bagarapim tru helt na gutpela sindaun bilong komyuniti. Planti pipia i save go daun long baret na smel i bagarapim komyuniti gen. Olsem na dispela projek bilong suris o stretim na ranim gut ol pipia wara i go long rait hap bilong em stret i kisim dispela luksave bilong JICA long kamapim.

Bai tupela teknikel opisa bilong EDA RANU bai wok klostu wantaim ol komyuniti lida bilong dispela tupela hap setelmen wantaim ol opisa bilong Komyuniti na Sosel Developmen Dipatmen long kamapim. Dispela JICA projek i kam aninit long lukaut na wok luksave



TOK ORAIT: JICA wantaim EDA RANU i sainim wanbel o agrimen pepa long Fraide las long wok bung wantaim long kamapim dispela tupela projek.

Nesenel Alaiens go long Galp provins

NESENEL Alaiens pati (NA) na tu pati bilong Praim Minista, Gren Sief, Sir Michael Somare nau i gat han long Galp provins.

Ekting Gavana bilong Galp provins na presiden bilong lhu lokol level gavman Chris Maiu i tok amamas long NA taim ol i lonsim wanpela opis bilong ol long hap las wik.

Mista Maiu i singaut long ol nupela eksekyutiv bilong pati long mekim gut wok bilong ol insait long provins.

Mista Maiu husat i wanpela strongpela memba bilong Pangu pati i askim ol memba bilong em long noken wari na amamasim ol nupela pati i kam insait long provins.

"Em i no nupela samting long lukim ol politikol pati i kam insait long galp provins long kain taim we ileksen i kam klostu, dispela i save kamap

olgeta yia klostu long taim bilong ileksen," Mista Maiu i tok.

Tasol em i tok lukaut tu long ol politikol pati long ol i noken yusim ol pipel bilong Galp long winim ileksen o sapot bilong ol narapela people na gavman.

Em i tok dispela bihain long planti pati i bin i go insait bipo na sanapim ol opis na bihain long ileksen ol i save lusim ol pipel i stap long long wantaim nogat gutpela samting na go long narapela ples.

Mista Maiu i tok pati bilong em, Pangu tasol i stap wantaim ol pipol bilong galp oltaim na i save harim na luksave long hevi bilong ol na em i singaut long ol narapela pati i kam insait long provins long i noken giaman tasol long taim bilong ileksen na bihain ronawe ken.

For Rent



RAINBOW UNITS



GORDONS FLATS

We have units available for rent immediately only to corporate clients.

Located at Rainbow village and Lapwing drive Gordans.

- Rainbow village 3 bedrooms fully furnished security fenced.
- Rent at K350 per week
- Gordans 2 bedrooms fully furnished security fenced
- Rent at K250 per week
- Both units have been recently renovated and are in very good condition


For inspections call us now on phone: 325 2500

Ol Piksa long namba 10 greduesen seremoni hilong PNG Gamen Developmen Institut bipo ol i kolim long Wimens Tekstail Trening Senta long Godons, Pot Mosbi.

Raun Lukim ol Meri na Pikinini



SAVE BAI HELPIM: Konev Samuel em Fes Asisten Seketeri bilong Nesenel Plening i givim setifiket pepa long wampela meri i greduet.



GREDUESEN DE: Palamen Seketeri bilong Tred na Industri Na Saut Flai memba Conrad Haoda i sindaun wantaim sampela ol meri i greduet long senta.



REDI LONG GREDUET: OL meri wantaim ol klos ol yet i somapim i sindaun harim ol toktok bilong ol bikman long taim bilong greduesen las Fraide.

Lo bilong Lukautim ol Meri



Skruiem tok long Mentenens:

BIHAINIM stori bilong yu, mejistret bai askim man bilong yu long givim stori bilong em. Sapos man bilong yu i ken soim olsem em i lusim yu bikos yu yet i rong, o yu lusim em na nogat gutpela as long en, bai mejistret i no inap givim yu mentenens oda bilong yu yet tasol em i ken mekim mente-nens oda bilong ol pikinini. Man bilong yu i ken askim kwesten long ol witness bilong yu na yu ken askim kwesten long ol witness bilong em. Dispela i ken hatim bel bilong yu na paulim yu, olsem na yu mas traim long kisim wampela gutpela pren long kam wantaim yu.

Moa long neks wik.

Sotpela Tok Lukaut:

Skruiem tok long HIV/AIDS

I gat ol arapela rot long soim laik pasin long patna na i no pasin bilong slip wantaim tasol.

Sapos yu gat AIDS, em i orait long holim narapela na kis sapos yu nogat sua o kat long maus bilong yu.

Yu ken tingim tu ol arapela rot long soim laik pasin na helpim patna wantaim ol prektikel rot long daunim ol hevi, tingim ol samting em i save laikim na helpim em, harim wari bilong em na traim givim helpim long em.



Pasifik Kolslo (Salet)

Yu mas i Gat:

3-pela kap kebis yu katim gut long mak bilong salet

/ kap seleri yu katim gut long mak bilong wokim salet long en

/ kap retpela kepsikum yu katim long mak bilong wokim salet

/ kap painap long ken o tin yu rausim juis na dreinim long em

/ kap greips, sit i stap yet long em tasol rausim skin

fi kap Frens Dresing

Long Frens Dresing yu mas gat:

6-pela tebolspun wel

2-pela tebolspun waitpela viniga

1-pela tispun Frens mastat

fi tispun sol

fi tispun graun pepa

Miksim gut ol ingridien na putim long wampela boul o kontena. Tanim gut gen wantaim

Fok o putim ol insait long wampela ja i gat lit long em na sekim strong long miks gut. Dresing bai tik na planti krim i kamap long en. Yu ken putim sampela hebs sapos yu laik.

We long Mekim na Kukim:

1- Putim insait long wampela kontena kebis, seleri, kepsikum, paina, orenj o muli na greips.

2- Putim ol insait long aisbokis long sampela taim inap ol i pas gut wantaim.

3- Bipo yu sevim, kapsaitim Frens Dresing i go antap long salet na miksim isi

4- Em nau i redi long kaikai.

Glasim bisnis kos

PNG Gamen Developmen Institut (PNG-GDI) nau i wok long lukluk long kamapim bisnis menesmen kos long mekim isi long ol mama i ken strongim save bilong ol long bisnis.

Het trena bilong Entepreno na Bisnis Menesmen kos, Peter Laumea i tok institut i luksave olsem ol mama na yangpela i save go long dispela trening skul i kam long ol level i stat long Gret 6, Gret 10 na 12 na antap. Na ol i wok long lukluk long mekim kos i isi long olgeta lain i klia gut long em.

Wantok Niuspepa tu i bin toktok wantaim sampela meri i greduet na ol i autim dispela wari olsem kain toktok long bisnis kos i hat long ol grasrut na ol atoriti na trena long institut i mas mekim i go isi long toktok we ol liklik pipel bai klia gut long en.

"Mi wok long lukluk na glasim bek dispela nau. Em i tru na mi luksave long hevi bikos mipela i gat ol mama long Gret 6 na sampela i pinis long Gret 4, i kam wokim kos. Mi wok long lukluk long rot bilong mekim toktok i isi. Tru mipela i no inap long senisim ol progrem na kos metiriel tasol long mekim samting i isi long olgeta i klia long em, bai mi mekim nau," Mista Laumea i tok.

Em i tok narapela rot em ol bai brukim ol klas na putim ol long grup we ol dispela i pinisim ol wampela gret long sindaun wantaim.

Long wankain taim tu, Mista Laumea i tok em i hat long tokaut long "success rate" o sapos kos i wok long helpim ol lain i sindaun long em na sapos ol i wok ol kirapim bisnis bihain long pinisim kos.

Wok bihainim driman

TUPELA yangpela meri Kokoda insait long Oro Provins i redi tasol long kirapim liklik somap na Skrin Printing bisnis long ples bilong ol.

Na long wankain taim tu, ol i askim ol trena long PNG Gamen Developmen Institut (PNG-GDI) sapos ol i ken mekim isi bisnis kos long rot we ol liklik pipel i ken kisim save long en.

Eleanor Ogomeni na Lulu Pehara em tupela long 62 meri i bin greduet long "Apparel" o somap klos skul long PNG-GDI long Pot Mosbi. I kam inap long greduesen long las Fraide, ol bin kolim dispela skul long Wimens Tekstail na Trening Senta (WTTTC). Tred na Industri Dipatmen i bin makim Nesenel Gavman na kirapim dispela skul long yia 2000 bilong helpim ol grasruts mama na ol yut na ol i ken kisim save long helpim ol yet na kontribut long famili na komyniti bilong ol. Bihain long



REDI LONG SOMAP: Eleanor na Lulu i gat bikpela driman long statim somap bisnis long ples.

5-pela yia, samting olsem 700 mama, ol yangpela meri, ol wok meri na sampela yangpela man i kisim save long dispela skul na greduet na i go aut pinis. Sampela em ol kampani i kisim ol long wok na sampela i kirapim ol liklik bisnis bilong ol.

Tupela yangpela meri bilong ples Papaki long Kokoda Distrik i bin pinisim Gret 10 long Martyrs Sekonderi na ol bin harim long anti na ankel bilong ol long dis-

pela skul na ol i go insait long kos las yia Jun. Tupela i kisim Apparel o somap na bisnis menesmen kos.

"Klostu taim nau bai mipela i go bek long ples na kirapim liklik bisnis. Bikpela tingting em long somapim ol yunifom bilong skul (Kokoda Praimeri skul) na ol arapela skul long eria. Nau yet, em i bikpela mani tumas long baim ol skul yunifom long Bismil, wampela kampani long Mosbi i save somapim

ol yunifom samting," Eleanor i makim maus bilong tupela na i tok.

Tasol tupela i tok pas-taim, ol bai stat long somapim ol meri blaus na salim long rotsait maket.

Ol i tok ples bilong ol i stap long Kokoda Treil Haiwe na ol bai yusim sans long somapim ol klos na salim long kisim mani na baim masin bilong somap long en.

Tupela i tok anti bilong ol tu bai traim long kisim helpim wantaim masin bilong somap na sapos dispela i kamap tru, em bai helpim ol gut long statim liklik bisnis bilong ol.

Bisnis mehesmen kos em narapela kos ol bin kisim na ol bin lainim we long wokim balens sit na stetmen, wokim baset, kes flo na kredit. Tasol ol i lukim olsem em i hat liklik.

"Kos i gutpela tasol mi pilim olsem em i hat liklik long ol grasrut mama long andastendim o kisim save long em.

STORI TASOL

wantaim

FR. PAUL LIWUN. SVD



Lukim matmat bilong misinari

SOTPELA holide long Hagen na Wabag bipo long Krismas 2005, mi bin bungim planti manmeri. Tasol i no lain o wantok bilong mi tasol. I tru olsem mi bin sindaun long taim wantaim ol wantok bilong mi husat i mekim wok misen long Hagen na Wabag. Em i wanpela gutpela taim long harim na serim stori bilong wok misin bilong ol.

Sampela i bin stori long gutpela wok o sakes ol i bin mekim long wok bilong ol, tasol sampela i bin stori long hevi na salens ol i bin bungim long mekim wok bilong ol. I nogat wanpela bilong ol i no bin bungim hevi long mekim wok misin bilong ol. Em i tru.

Olgeta hap yumi mekim wok, i no olgeta manmeri bai amamas long wok misin bilong yumi. Sampela bai amamas long wok yumi mekim, tasol sampela bai i no amamas o soim pasin nogut long wok bilong yumi. Yumi mas redi olgeta taim long luksave long dispela kain sindaun.

Bihain long selebren long Sikiro, mi bin kam bek long Par gen. Long apinun, mi go lukim matmat bilong misinari i stap klostu long haus lotu bilong Par. I no planti yet ol i bin planim long dispela matmat, tasol long simen plak i gat planti nem bilong ol misinari husat i bin wok long Enga na i dai pinis.

Taim mi sanap na ritim nem bilong ol, sampela bilong ol mi no save. Tasol wanpela samting i bin mekim mi kamap strong long dispela apinun, bikos ol dispela manmeri i bin go pas long wok misin long Enga. Ol i bin mekim wok bilong mi o narapela misinari nau i kamap isi liklik.

Wankain samting i bin kamap long Hagen tu. Mi bin go lukim matmat bilong ol misinari na prea bai ol i ken helpim mi na ol pipel. Taim mi sanap long fran bilong matmat bilong ol na tingim gen ol hevi na salens ol wantok i bin serim wantaim mi, mekim mi tingim hevi na wari ol nambawan misinari i bin bungim. Ol i gat rot bilong ol yet long stretim. Ol i no bin larim dispela hevi i bagarapim wok misen bilong ol. Nogat tru.

Namba wan hevi long taim bilong ol em i rot na trenspot. Nambawan taim ol i kamap long Hailans, ol i no bin yusim naispela rot olsem nau. Ol i bin plai o kalap long bikpela balus olsem nau. Ol i bin wokabout long lek tasol.

Ol i bin lusim as ples bilong ol wantaim kalsa bilong ol i narakain tru wantaim kalsa bilong Hailans. Kaikai na we bilong kaikai tu i narakain tru long as ples bilong ol. Em i wanpela bikpela hevi tru ol i bin bungim. Tasol ol i no givap long mekim wok misin bilong ol. Ol i no lusim wok na go bek. Diŕpela pasin bilong laikim wok na pipel em i givim strong long mi tru.

Em i sampela hevi mi bin tingim taim mi sanap na prea long fran bilong matmat bilong ol misinari. Dispela refleksen i karim mi go bek long tok bilong wanpela yangpela misinari bilong Yurop. Em i bin sutim tok long ol olupela misinari.

Em i tok: "Mi bai no inap pogivim rong bilong olupela misinari, bikos ol i bin bagarapim as ples manmeri tumas long pasin bilong givim na givim long taim ol i kam nupela yet long Hailans. Bilong wanem miseneri i bin kamapim stua?"

Taim mi harim dispela sut toktok, mi no wanbel tumas long dispela nupela misinari. Bikos taim bilong bipo em i narakain wantaim taim bilong yumi.

Taim yangpela misinari i kamap, planti manmeri i gat gutpela edukesen pinis. Bipo i nogat tru. Stopim ol sut toktok! Yu mas tenkim olupela misinari i brukim bus. Nau yumi helpim pipel long SANAP LONG LEK BILONG OL YET.

Ol Katolik tisa kisim humen developmen kos

Veronica Hatutasi i raitim

PESENALITI Developmen na Humen Seksualiti em wanpela long ol eria we Katolik Edukesen Saksen i lukluk long em long ol tisa i skulim long ol skul bilong ol.

Dispela em long kamapim gut ol sumatin husat bai kamap olsem ol lida, ol papamama na sitisen bilong dispela kantri.

Olsem na long dispela yia, Kundiawa Daiosis insait long Simbu provins i statim progrem wantaim wok-sop long "Pesenaliti Developmen na Humen Seksualiti". Long tok klia liklik long dispela, dispela topic i karamapim skul long developim man i ken skruim save long kamapim gut olgeta eria long laip bilong em na ol samting i karamapim man na meri na pasin long slip

wantaim wanpela arapela. Ol bai karim wok-sop i go long Aitape, Mendi, Lae na Hagen na bihain long Ista, i gat plen long skruim wok-sop long Bereina na Daru.

Ol buk we ol i yusim long ol wok-sop em Sister Helen Warman OLSH husat i Kodineta bilong Nesenel Katolik Rilijes Edukesen desk na lain bilong em i bin redim na kamapim.

Buk ya i gat long em

ol stia na skul bilong Katolik Sios na ol velyu o luksave long seksualiti, marit, famili laip na ol eria olsem.

Namba wan wok-sop long dispela i bin kamap long Alotau Daiosis las yia.

Ol het tisa long ol skul insait long wan wan daiosis bai sindaun long ol wok-sop taim ol i kamap long ol daiosis bilong ol. Na ol bai lainim ol narapela tisa ol samting ol i lain-

im we ol gen bai skulim ol sumatin long em.

Nem bilong buk em "A Formators Book and Work Book" na olgeta skul Katolik sios i papa long en i gat dispela buk na wan wan long olgeta tisa.

Long dispela taim, i gat bikpela nit long lainim ol samting i sut long sosel na pesenel na seksuel developmen bikos long planti sosel na famili hevi i wok long kamap long kantri.



DIKON ODINESEN: Derek Bawaro na Festus Kasari i kisim blesing long kamap Dikon long Sen Martin's Angliken Sios long Pot Mosbi. Bisop Peter Fox bilong Pot Mosbi Angliken Daiosis i go pas long lotu na givim blesing long tupela Bruder.

Wok patna long strongim lidasip na menesmen

Maureen Santana-DWU sumatin- i raitim

WOK patnasip namel long Divain Wod Yunivesiti na Katolik Sios long Madang bai go strong moa long dispela yia long ol eria bilong liklik bisnis, lidasip na menesmen. Jomba na Holi Spirit Peris em tupela Katolik Sios peris we i kam aninit long Patnasip progrem namel long DWU Bisnis Menesmen Fakalti na Madang Katolik Sios.

Dispela projek i bin stat long Jomba peris las yia na i bin winim K10,000 luksave awod long karimaut komyuniti sevis wok.

Dispela K10,000 we DWU i bin winim i go gen long skruim komyuniti sevis helpim i go

long ol pipel.

DWU i kirapim dispela projek long aninit long komyuniti sevis helpim het tok bilong em.

Hetman bilong Bisnis skul long DWU em Dokta Lindia Romulo i tok ol bin kirapim projek long Jomba Peris las yia long sapotim bisnis menesmen, lidasip, kamap gutpela papamama na evanjelaisesen o wok bilong autim Gutnius. Ol DWU sumatin i helpim wantaim wok bilong go hetim ol dispela komyuniti sevis progrem.

Peris Kaunsel lida long Holi Spirit em Peter Angasa i tok taim em i tok amamas long DWU long kirapim dispela projek i tok em bai strongim wok bung namel long Yunivesiti na peris.

AIDS woksop bilong ol Katolik Bisop

Veronica Hatutasi i raitim

SIK AIDS i kamapim bikpela wari na hevi long PNG na ol sios

long kantri i wok nau long helpim daunim hevi na tu, givim lukaut long ol lain wantaim binatang.

Olsem na long dis-

pela wik, ol bisop bilong Katolik Sios long PNG na Solomon Ailan i sindaun long wanpela wok woksop long kisim moa save long sik AIDS na rot long stopim i kalap long wanpela narapela we ol i ken givim ol dispela save na toktok long ol sios memba bilong ol na givim lukaut na kaunseling long ol dispela i gat sik pinis.

Siksti tu (62) lain i makim 18 Katolik Daiosis insait long PNG na 2-pela long Solomon Ailan i sindaun long wok-sop i kamap long Don Bosco Teknolojikel Institut long Taurama. Ol lain i sindaun long wok-sop i karamapim ol bisop na pater sapos bisop i no stap na ol lain i wok long eria bilong HIV/AIDS insait long ol haus sik, helt senta na ol lain i givim lukaut

long ol Katolik daiosis long PNG.

Jenerel Seketeri bilong Konperens bilong ol Katolik Bisop Lawrence Stephens i tok ol bisop bai givim bikpela lukluk long glasim pes bilong Jisas long painim rot long daunim dispela bikpela birua bilong HIV/AIDS we i wok long bagarapim ol kantri we PNG i stap insait tu long em.

Mista Stephens i tok bihainim dispela, ol bisop bai lukluk long ol rot long lukluk na lukautim ol meri man bilong ol i dai long sik ya, ol pikinini we papamama i dai long AIDS na komyuniti i wok long lusim ol manmeri na pikinini long dispela sik.


Bisop Kevin Dowling bilong Daiosis bilong Rustenburg long Saut Afrika na wanpela long

ol bikman husat i bin kamapim HIV/AIDS Seketeriet long Katolik Sios long Saut Afrika i stap long wok-sop olsem wanpela long ol lain i go pas.

Mista Stephens i tok Bisop Kevin bai givim piksa long ol samting i kamap long kantri bilong em na rot we ol i bihainim long daunim AIDS tasol PNG yet i mas painim rot long stretim hevi em i gat long em bipo em i go nogut tru.

Em i tok ol bisop i lukim olsem HIV/AIDS long PNG i kamap bikpela hevi nau na olsem, sios i mas wokim samting nau.

Stat long tude, Fonde, woksop i op long ol narapela sios long go stap long em.



OLGETA MAN I MAS MEKIM WOK

Ol brata, long nem bilong Jisas Kraus, Bikpela bilong yumi, mipela i tok strong long yupela olsem, sapos sampela brata i save sindaun nating tasol na ol i no bihainim dispela tok mipela i bin givim long ol, orait yupela i mas i stap longwe long ol. Yupela i save, yupela i mas bihainim pasin bilong mipela. Taim mipela i stap wantaim yupela, mipela i no save sindaun nating. Mipela i no kisim nating sampela kaikai long han bilong yupela. Nogat. Mipela i baim tasol. Mipela i wok strong na mekim planti hatwok moa long san na long nait, bai mipela i no ken putim hevi long yupela. I no olsem mipela i no inap long kisim kaikai samting long yupela. Nogat. Mipela inap tru long kisim, tasol mipela i no kisim, long wanem, mipela laik soim yupela long gutpela pasin yupela yet i mas bihainim.

2 Tesalonaika 3:6-9

Horndasch amamas long evanjelis wok

Dispela em namba wan hap bilong tupela paionia Luteran Sios Misinari bilong Jemeni long Morobe provins. Tupela i bin kam mekim wok misinari long ol yia long 1950's. Las mun tasol, ol bin kam bek long bikpela bung bilong Luteran Sios i makim 50 yia aniveseri taim em i bruk lusim mama sios long Jemeni na sanap em yet. Ritim stori bilong ol daunbilb.



TUPELA PAIONIA MISINARI: Irmgard na Helmut Horndasch.

Ol Hap Hap Nius

Wol Sios Kaunsil Bung

KRISTEN Yuniti, luksave long ol Kristen Sios olsem baptismo em i bikpela samting na kamapim wanpela komon de bilong ista em ol bikpela samting Katolik Sios delegesen long namba 9 Wol Kaunsil ov Sios (WCC) bung long Brasil, Saut Amerika, i toktok long ol.

Katolik Sios i salim wanpela delegesen long makim sios long WCC bung moa long 700 mamba bilong WCC i stap insait long em. Het tok bilong wanpela wik bung em "God, long Grasia bilong yu, Senisim Wol." Bisop Brian Farrell em deputi bilong Kaunsil i go aps long delegesen i gat 18-pela lain long em long stap long bung.

Bodi bilong las Fatima pikinini

BODI bilong Sister Lucia, biknem long Katolik Sios husat wantaim narapela tupela pikinini em Francesco na Jacinta i bin lukim Mama Maria long Fatima na kisim ol toktok taim ol i liklik long yia 1917 long Fatima, Frans em ol bai putim long Shrain o sios bilong Fatima na long Basilika sios bilong Our Lady of the Holy Rosary na bai stap olgeta long hap. Sister Lucia i bin gat 97 krismas na em i dai las yia. Samting olsem 250,000 pilgrim i bin wokabaut long lotu bilong putim bodi bilong em long basilika.

Bustin Anzu i raitim

REVEREN Helmut Horndasch na meri bilong em Irmgard i wanbel wantaim wok misin insait long kantri. Wanpela yia sot long makim 50 yias long wok misin insait long Papua Niu Gini, ol bikpela senis i kamap insait long wok misin na bilong kantri em bikpela samting.

Ol wok developmen insait long wanpela yangpela kantri insait long 30 yias tu i kirapim na strongim wok bilong kantri na kamapim bikpela luksave insait long Intanesenel komuniti.

Long wanpela liklik stat wantaim ol palang sip, we i ron long paia (coal) i kamap inap nau long ol ensin wantaim jenereta na i gat narapela samting i ron, 50 yia i go pinis em wan-

pela bikpela samting.

Bikpela Jisas Kraisi ken kisim bik nem long dispela. Ol dispela senis i soim olsem dispela wok hat bilong telemautim gutnius i bin go insait long planti hap graun long kain kain manmeri long kisim dispela Gutnius.

Ol dispela bikpela senis insait long 10-pela yia bilong 50 yia i go pinis, em bikpela samting mipela i no inap bilip i kamap long laip bilong mipela.

Tupela i wanbel tasol long lukim kain kain senis insait long sios bilong Evanjelikel Luteran Sios bilong Papua Niugini.

"Mitupela i lukim ol dispela bikpela senis na mitupela i no inap lus tingting long ol dispela senis. Tok bilong God i go aut long olgeta kain kain manmeri insait long kantri na mekim

kamap olsem em wanpela bikpela sios insait long ol narapela brata sios tu.

"Mitupela i bin lukim olsem long olgeta 10-pela yia, sampela senis i wok long kamap. Na ol dispela senis em ol bikpela insait long histori bilong sios. Maski nau yet i gat planti wok long mekim, mipela i mas tok tenk yu long God long pes 50 yia long givim ol gutpela save long ol evanjelis," tupela i mekim dispela ol toktok long haus bilong tupela long Martin Luta Seminari.

Long dispela taim em i tokim Wantok Niuspepa olsem em i lukluk i go antap long fen insait long haus na lukluk i go aut long windua na ai bilong em i wara wara. I no long taim Irmgard i sapotim man bilong em. "Mipela i bin wokabaut long ol gutpela taim wantaim

taim nogut wantaim ol narapela misinari long dispela gutpela kantri long autim tok. Wok misin i bin senis planti na mipela i amamas long lukim ol dispela senis," em i bin tok.

Reveren Horndasch 73 na meri bilong em Irmgard 75, bilong ples Bavaria Luteran Sios long Jemeni, tupela i bin tok ol dispela senis insait long sios i kamap bikpela tru na nau dispela sios i sanap bilong em yet.

"Dispela ol senis i kamap hariap tru. Em i stat wantaim 3-pela distrik i go long 17, dispela em wanpela bikpela senis stret aninit long ai bilong mitupela," tupela i tok.


Tupela i bin joinim ol namba wan Jemen misineri insait long kantri. Tupela i bin tok long dispela taim, olgeta samting i hat, ples i nogut, nogat rot na rot bilong salim toktok na ol narapela samting wantaim. Tasol ol i bin stap. Wanem samting ol i lukim nau em hatwok bilong ol wantaim bikpela bel isi bilong autim tok.

Tupela marit i bin stap long kantri bihain tasol long namba wan sinot we i bin kamap long Simbang, Finsafen long 1956. Tupela bin stap long ol ples insait long Finsafen na Kabwum bilong Morobe Provins na bihain i go antap long Hailans taim tupela i stap long PNG.

Moa stori bai kamap neks wik.

GLASIM TOK

wantaim



BISOP PETER FOX

Ol Minista bilong Sios na Palamen em ol Sevan

LONG Sande Februari 12, Derek Bawaro na Festus Kasari i bin kisim odinesen o blesing long Dikon long Sen Martin's Angliken Sios, Boroko, Pot Mosbi. Na long las Sande, Joseph Kopapa i bin kisim blesing long kamap bisop long Popondetta, Oro provins. Ol dispela em bikpela samting insait long sios. Angliken na Katolik Sios i bilip olsem i gat tripela Santu Oda long Ministri na dispela em long Bisop, Pater na Dikon. Olgeta tripela oda ya em as bilong ol i go long Nupela Testamen. Mipela i bilip olsem taim bisop i putim han antap, atortiti long givim odinesen em i givim i go, stat yet long taim Kraisi i bin wokim namba wan odinesen long ol Aposel olsem i kamap long "Gospel bilong Santu John Sapta 20 Ves 19 inap long 23, i kam inap nau.

Yumi ken painim nambawan odinesen bilong ol dikon long "Ekt bilong ol Aposel" Sapta 6 Ves 1-7.

Olgeta minista i kisim blesing long Angliken na Katolik Sios em ol i save kamap Dikon pastaim. Na em bai stap dikon inap em i kisim moa atortiti olsem pater o bisop. Wod "dikon" olsem "minista" i min olsem sevan o wokman. Jisas yet i givim skul olsem husat Kristen man i kamap lida long komuniti i mas kamap wokman bilong ol lain em i go pas long ol.

"Yu save namel long ol jentail o lain i no judaman, ol dispela we ol i luksave olsem lida i save kamap bos bilong ol. Na ol bikman bilong ol i bosim ol narakain tru. Tasol i mas noken kamap olsem wantaim yupela. Husat man i laik kamap bikpela bai kamap wokman na husat i kamap namba wan i mas kamap wokboi bilong olgeta. Bikos pikinini bilong man i bin kam long i no kamap olsem bos tasol long sevim o kamap wokman bilong ol narapela. (Mark 10: 42-45)

Wok bilong ol bisop, pater na dikon em long sevim God na ol i wokim dispela taim ol i sevim ol pikinini bilong God. Em i kisim singaut long bihainim lekmak bilong Kraisi husat, maski em i Lod na Masta, i bin wasim lek bilong ol Aposel bilong em olsem wokman wantaim daun pasin.

Ol Protesten sios i mas gat narakain (different) luksave long odinesen, tasol olgeta i luksave na wanbel long save bilong bikman antap olsem sios lida i mas kamap olsem sevan na yumi olgeta i save toktok long ol kleji lain olsem pater, pasto olsem dikon, olsem ol Minista. Long kamap minista em long sevim ol pipel long en.

Long ol Kristen kantri, ol man nating lida tu i mas lukautim pipel na givim senis i go long ol narapela. Namba wan askim bilong ol Kristen lida em olsem, wanem rot mi ken sevim kantri bilong mi. Yumi yusim wanpela wod tasol long ol lida memba bilong gavman, olsem yumi yusim long ol sios lida na kolim ol "Minista" long ol gavman Dipatmen. Long narapela wod, olgeta dispela lida ya em ol wokman bilong pipel. Taitel "Praminista" i min olsem "Namba wan Sevan o wokman.

Yumi olgeta husat i kisim singaut long lidasip posisen, maski long sios o stet, i mas tingim olgeta olsem King em i wokman King husat i singautim mipela long bihainim pasin bilong em.

Salens bilong ol nupelanes long wok gut

OL nupela Greduet long Luteran Nesing Skul long Madang i kisim salens long karimaut gut wok na helpim pipel insait long ol komuniti na kantri we bai kamapim sampela gutpela senis.

Provinsel Etninis-treta long Madang, Joseph Dorpar i wokim dispela salens long Madang Skul Nesing Skul kempus greduesen.

Taim em i tok amamas long ol nupelanes, em i tokim ol olsem bikpela salens i stap ausait na ol i mas

strong na yusim skul ol i kisim long inapim ol dispela salens.

"Taim yu go aut wok long trupela wol, mi bilip olsem salens tru tru long trening bilong yupela i stat.

"Hap long hevi bilong helt long kantri em ol wokman i no save stap long wokples na karimaut gut wok. Yumi no save putim taim na olgeta tingting long mekim wok. Yumi gat planti samting tasol glasim wantaim ol arapela liklik wansolwara kantri, yumi stap long daunbilo mak bilong i no

gutpela piksa long helt na edukesen level," Mista Dorpar i tok.

Olsem na em i askim strong ol nupelanes greduet long senisim dispela wantaim pasin bilong wok long kamap long wok ples long taim stret na mekim gut wok.

Em i givim piksa taim em i lukluk raun i go long Josephstall helt senta na lukim liklik lain helt wok manmeri i stap.

Em bin tok long provinsel hetkota, em i putim ol taim long pinisim ol wok tasol ol dispela i no kamap bikos ol opisa i no hariap long

karimaut wok bilong ol.

Em i tokim ol nupela greduet olsem wok nes em i gutpela wok bilong lukautim ol sik lain na gavman i givim bikpela tingting long em aninit long Midium Tem Developmen Gol. Aninit long dispela, gavman i laik kamapim gut helt semis long ol ruel eria.

"Lukautim ol sik lain na helpim ol long kamap orait em i presen bilong God na yupela i laki long harim singaut bilong em long wokim dispela," Mista Dorpar i bin tokim ol nupela greduet.

JICA TV Projek helpim Bogenvil

...NEB amamas long edukesen developmen

Veronica Hatutasi i raitim

TELIVISEN Projek bilong JICA insait long ol Bogenvil skul i wok long helpim tru ol pikinini na pipel.

Japan Intenesenel Koporesen Ejensi (JICA) i kirapim grasruts telivisen edukesen projek long Bogenvil na Is Sepik 4-pela yia i go pinis long helpim ol skul pikinini wantaim ol lessen bilong ol.

Bogenvil Otonomes Rijen (BAR) i gat 553 skul olgeta we 196 em ol Praimeri, 337 Elementeri, 6-pela H2i Skul, tripela sekonderi na 11-pela vokesenel (4-pela i mas rijista yet).

Asisten Edukesen Seketeri long BAR em Tony Tsora i tok taim ol bin kisim dispela edukesen TV progrem long Bogenvil 4-pela yia i go pinis, ol bin traim long 10-pela skul tasol we ol bin makim long ol. Nau, progrem i stap pinis long 61 skul olgeta we 27 em ol skul long Buka Ailan na 34 long bikples Bogenvil.

Em i tok progrem i helpim gut tru ol sumatin na komyuniti na

passion bilong ol yangpela i raun nating na go insait long ol bikhet pasin.

"Nau bai yu lukim ol pikinini i pilai kriket, we i no bin wanpela pilai long Bogenvil, na dispela em long lukim ol dispela wanpela de kriket pilai long TV.

"Sampela komyuniti long Buka i stap isi nau na ol yangpela i no moa raun nating na dring spak hombru bikples TV i daunim ol dispela.

"Tru, TV nau i helpim gut save na skul bilong ol pikinini na laip long Bogenvil," Mista Tsora i tok.

Long wankain taim tu, ol Nesenel Edukesen Bot (NEB) memba i amamas long lukim ol edukesen developmen i kamap long Bogenvil insait long las 10-pela yia.


Insait long wanpela wik bung bilong ol long Bogenvil, Edukesen Seketeri Dokta Joseph Pagelio wantaim ol NEB memba i bin lukluk raun i go long sampela skul long Arawa, wes kos Buka na Buka Ailan yet long lukim ol developmen long sait bilong edukesen insait long las 10-pela yia long Bogenvil.

"Ol bikman i bin kirap nogut long lukim ol gutpela wok kamap na lukim bikpela komyuniti sapot. Piksa i kamap klia long ol skul na klasrum bilding we planti em ol i wokim ol pemenen bilding o haus kapa, na i no olsem ol i wokim long samting bilong bus. Ol i amamas tu long lukim olsem ol skul i stap klostu long ol komyuniti na ol pikinini i no wok-about i go longwe long kamap long ol skul. Ol i kirap nogut tu long lukim olsem ol klasrum bilong ol elementeri skul em ol i wokim long kapa samting na ol i amamas tru," Mista Tsora i tok.

Wanpela bikpela samting we NEB i bin lukluk long em long Buka bung em long agrimen wantaim Seven De Etventis Edukesen we long dispela yia i kam aninit long yunifaid Nesenel Edukesen Sistem.

Mista Tsora i tok ol bikman bai glasim na stretim ol samting i stap long agrimen na-givim fain-ol agrimen i go long NEB long Epril bung bilong ol.

Long ol arapela edukesen nius long Bogenvil, Mista Tsora i tok ol skul i no bin laikim ol U-Vistrak sek we sampela papamama i bin kisim i go long peim skul fi long stat bilong skul yia.



HATWOK KARIM KAIKAI: Bikde bilong Natasha Bodger, Brigitte Baki, Elizabeth Eiwago na Joyce Eggins las Sande taim DWU i bin holim greduesen bilong em long Madang kempus.

Nogat self sponsa

Bustin Anzu i raitim

BALOB Tisa Koles long Lae bai ino inap kisim ol self sponsa long dispela yia long wanem, las yia skul i abrusim mak edukesen dipatmen i makim.

Koles Prinsipel John Larandiloloa i tok olsem long dispela yia (2006), ol bai lukluk tasol long ol sumatin opis bilong Haia Edukesen (OHE) i makim na ol sumatin bilong koporet sponsa.

"Mipela i bin abrusim mak na kisim 400 sumatin long las yia, we mipela i abrusim mak edukesen dipatmen i makim. Olsem na long dispela yia, mipela ino inap kisim ol self sponsa sumatin. Mipela lukluk long ol sumatin we Edukesen Dipatmen i makim na ol narapela sumatin we kam aninit long koporet sponsa," Prinsipel Larandiloloa i tokim Wantok long las wik long taim bilong-rejistresen.

Em i tok ol sumatin bilong koporet sponsa, em ol i bin makim sampela kain MOU wantaim ol lain olsem Provins Gavman. Dispela luksave i bin stap longtaim olsem na dispela i bin wok gut tru wantaim Balob Tisa Koles.

Long dispela yia, skul bai kisim 600 sumatin, em long pes na seken yia wantaim na ino inap kisim moa long dispela namba.

Long list bilong koporet sponsa, Morobe Provins Gavman i go pas wantaim 40 sumatin, Imbonggu (Sauten Hailans), Isten Hailans na Marawaka (insait long Isten Hailans), olgeta i gat 13-pela sumatin wanwan, Enga Provins Gavman i gat 6-pela, Telefomin (Westen Provins) na Oil Search i gat tripela sumatin wanwan.

Mista Larandiloloa na rejistresen opisa Martin Surab i tok nau yet, rejistresen i go gut na ol i lukluk long statim skul wok gut tru. Tasol tupela wantaim i tok husat sumatin i kam leit long enrolmen, ol bai sasim K50 leit fi.

Long wankain nius, Prinsipel Gisuwat Siniwin bilong Bumayong Luteran Sekonderi Skul i singaut long ol hai skul long ples i mas kisim planti Gret 9 sumatin.

Dispela bai mekim rot i isi long ol Sekonderi skul long kisim ol Gret 11. Nau yet, ol hai skul long ples ino mekim planti wok long kisim ol Gret 9.

Klos Bisnis lo bai kamap

Veronica Hatutasi i raitim

WOK i go het nau long kamapim wanpela polisi o lo long lukautim sekon hen klos bisnis

na gamen o klos indastri we i wanpela masalai i slip yet.

61 sumatin meri i bin greduet long PNG Gamen Developmen Institut (PNG-GDI) long Pot Mosbi na ol lain i bin bung long lukim greduesen las Fraide i bin harim.

Tu, institute i bin kisim salens long wokim ol samting na go het yet long lukautim em yet na skruim trening i go het moa yet.

James Ninau em Projek Kodineta long PNG-GDI we bipo ol i save kolim long Wimens Tekstailk na Trening Senta i bin tok Nesenel Gavman i bin kirapim dispela projek long 2000 long helpim ol meri na yut long kisim save long ol laip-skil na go insait long Infomol na fomol sekta wantaim na kamapim laip bilong ol na famili.

Tasol em i tok mani long sapotim dispela projek i pinis tasol wantaim helpim bilong Nesenel Plening na Monitaring na AusAID, projek bai stap wanpela moa yia.

"Projek i mas go het, maski gavman helpim long sait bilong mani i pinis.

"Yumi mas luksave na kamap papa bilong projek. Mi luksave long

baset helpim we Dipatmen bilong Plening na Monitaring i givim tasol mipela i stat long mekim samting long sapotim dispela projek. Las yia, mipela i bin somapim ol yunifom bilong PNG Difens Fos, PNG Ekspo long Japan na ol yunifom bilong sampela skul," Mista Ninau i bin tok.

Ol haus mama, ol mama i wok, ol yangpela meri na sampela yangpela man i sindaun long kos stat yet long 2000 taim projek i bin opim dua bilong em.

Siaman bilong Stiaring Komiti bilong projek Ignatius Kadiko i bin tok Tred na Indastri Dipatmen i wok nau long wanpela Klos polisi we ol bai salim i go long ol stekholda i lukluk long em na glasim na skelim bipo tru tru lo i kamap.

Em i tok projek na progrem i go pinis long ol provins na long neks mun, bai nupela senta i op long Kokopo insait long Is Nu Briten provins.

Palamenter Seketeri bilong Tred na Indastri Conrad Haoda taim em i strongim tok olsem projek i bilong helpim ol grasrut na ol meri long kisim save, klos bisnis i mas kisim nupela piksa.



REDI LONG GO AUT: Sampela ol yangpela meri i greduet long Institut

TOKSAVE: Bai nogat Tok Lukaut long dispela wik. Yu ken ritim Tok Lukaut long neks wik. Tok sori i go long ol gutpela rita bilong mipela husat i save bihainim dispela kolom.
Tenkyu - Edita

Cambridge International College
ACCREDITED TRAINING FOR YOUR CAREER SUCCESS
Diplomas, Advanced, Honours, Graduate
*Accounts, Finance, Business, Management
*Personnel, Marketing, Computers, Insurance
*English, Purchasing, Secretary, Leadership
*Tourism, Hotels, Stores, Advertising, Office
Baccalaureate, BBA, BCom, BMA, MBA
*Business Administration, Marketing, Strategy
*Human Resource, Finance, Commerce
*Organizational Management, Executive
Fees include all Training Materials, Guidance, Tests, Revision, Examination, Marking, Award.
Diploma Fees: £150 or US\$300 or AUS\$350
For a FREE Prospectus, write, fax, or email:
CAMBRIDGE INTERNATIONAL COLLEGE
Box 1378, So'ton, SO17 3WX, Britain
Email: info@cambridgetraining.com
Web: www.cambridgecollege.co.uk

ODLQC ACCREDITED
ASET ACCREDITED AWARD
Papua New Guinea National Training Council Approved Training Provider

Rausim jeneresen pikinini

Veronica Hatutasi
i raitim

I MAS gat ol program aktiviti long skul antap long ol akademik wok long helpim ol skul sumatin i no ken go insait long ol jeneresen na kalt samting.

Na rausim ol sumatin i mas laspela samting skul i mas mekim long ol skul pikinini we ol i painim ol i go insait long jeneresen na kalt samting. Long wankain taim tu, ol papamama i kisim strongpela askim long was gut long ol pikinini bilong ol na skulim ol gutpela pasin.

Tupela hap toktok antap em sampela long ol tingting ol papamama bilong ol Gret 10 sumatin long De La Salle Sekonderi i bin autim long wanpela bung las Sande antap long skul.

De La Salle Sekonderi nau i gat moa long 800 sumatin i stat long Gret 9 na i kisim Gret 11 long dispela yia.

Tasol tripela wik insait long 2006 skul yia, skul i bungim sampela hevi gen we sampela Gret 10 sumatin i wok long paitim sampela ol nupela Gret 9 sumatin.

Ol dispela pasin i wok long kamap taim ol sumatin i kalap long bas long Gordons maket na long taim bilong wetim bas. Ol tisa i bilip olsem dispela ol Gret 10 sumatin i mekim olsem long kisim ol nupela sumatin long jeneresen sistem.

Long las yia, skul i bin gat wankain hevi na olgeta sumatin i bin sainim wanpela fom we long em, ol bin tok ol bai lusim dispela jeneresen pasin. Na skul i bin go gut inap long pinis bilong yia.

Prinsipel Leo Maia na ol skul bot i bin singautim bung bilong ol Gret 10 sumatin papamama na tokim ol long dispela samting we ol i laikim long lukluk long em na etresim nau yet long stat bilong skul yia.

Faivpela Gret 10 sumatin we ol i wokim

dispela pasin i bin kamap long skul disiplinari komiti las Fonde na skul bot nau i wokim strongpela toktok long rausim ol sumatin husat i wokim jeneresen na kalt long skul.

Taim ol papamama i bin go long ol wan wan klas long bungim tingting, sampela i bin tok i moabeta long gat Studen Dairi, wankain

olsem ol i gat long Don Bosco na skul i no bungim kain hevi olsem long De La Salle. Dairi em bai rekotim olgeta samting we sumatin i wokim na long pinis bilong de, tisa na papamama i mas sainim.

Planti papamama i bin sapotim skul i mas kamapim musik ministri we ol sumatin i ken go insait long em na ting-

ing bilong ol bai stap gut long samting bai ol amamas long wokim na ol i no stap nating.

Tu, ol bin tok skul i mas strongim pasin bilong pre na kaunseling na Rilijes Instraksen. Na long dispela, em i mas kisim ol lain seminari na ol arapela sios we ol sumatin i memba long em i kam toktok long ol. Katolik

Sios i papa long De La Salle Sekonderi tasol em i kisim ol sumatin bilong ol narapela lotu tu. Taim Maia na sampela skul bot memba i bin tok long skul bai no inap long givim sans tasol bai rausim stret husat manki ol i painim i wokim jeneresen na kalt pasin. Na tu, husat sumatin i no tokaut long nem bilong ol sumatin i

paitim ol narapela sumatin bikos dispela i sut long jeneresen sistem.

Mista Maia na bot i laikim bai skul i kamap gut na stap long wankain level bilong ol arapela Katolik sekonderi skul long kantri we i gat gutpela nem na gutpela akademik rekot.



DIPATMEN BILONG FOREN AFES NA IMIGRESEN

Imigresen na Sitisensip Divisen

PABLIK NOTIS APEC Bisnis Travel Kat

APEC Bisnis Travel Kat

Stat long mun Januari 2006, PNG i stat wok aninit long APEC Bisnis Travel Skim. Aninit long dispela Skim, husat ol PNG manmeri gat nem i ken wokim aplikesen bilong kisim wanpela APEC Bisnis Travel Kat. Dispela APEC Bisnis Travel Kat bai opim rot bilong ol tru tru bisnis manmeri long mekim wok bisnis bilong ol wantaim ol APEC memba ekonomi long raun i go long ol APEC memba ekonomi na ol i no inap long aplai long kisim visa olgeta taim ol i travel raun.

Ol APEC Memba ekonomi em:

- Australia
- Brunei Darussaia
- Hong Kong (China)
- Chinese Taipei
- Singapore
- New Zealand
- The Philippines
- Chile
- China
- Indonesia
- Malaysia
- Japan
- Peru
- Thailand

Elijabiliti Kraitiria o mak bilong skelim

Long kwolifai long aplai long kisim wanpela APEC Bisnis Travel Kat, wanpela PNG sitisen o manmeri i mas mekim wok bisnis wantaim ol APEC memba ekonomi na i mas i gat sapot bilong wanpela long ol dispela bisnis:

- PNG Business Council;
- Chile PNG Chamber of Commerce;
- Chile PNG Chamber of Mines and Petroleum;
- Chile PNG Fisheries Authority; na
- Chile PNG Forestry Authority.

I go moa yet, ol apliken i mas:

- Chile I gat wanpela PNG paspot aninit long lo bilong PNG; na
- Chile I gat gutpela pasin na nem insait long bisnis komyuniti na i no sanap kot insait long PNG.

Rot bilong bihainim long Aplai

Sapos yu tok yesa long ol samting antap na yu laik aplai long kisim wanpela APEC Bisnis Travel Kat, yu mas givim wanpela aplikesen fom pepa wantaim olgeta sapoting pepa long

Imigresen na Sitisensip Divisen Opis, Moale Haus, Waigani. Yu ken kisim ol Aplikesen fom pepa long Moale Haus. Ol Klaien Sevis taim em long 9 kilok moning i go inap 12 kilok belo long Mande, Trinde na Fraide. Ol aplikesen em ol bai stretim kwiktam tasol bai i mas kisim tok orait i kam long ol APEC Memba Ekonomi pastaim.

Aplikesen Fi

Aplikesen fi bilong wanpela APEC Bisnis Travel Kat em:

- Chile K400 bilong nambawan kat; na
- Chile K300 bilong riniuem kat olgeta taim.

Validiti o taim bilong kat long wok

Ol APEC Bisnis Travel Kat inap wok inap long:

- Chile Tupela krismas (o bihainim laip bilong paspot - wanem long tupela i sotpela taim moa) long stat bilong em; na
- Chile Tripela krismas (o bihainim laip bilong paspot - wanem long tupela i sotpela taim moa) long taim bilong riniuel.

Maski kat i ken stap laip inap long tripela krismas olgeta wokabout i go long wanpela APEC Memba Ekonomi i no inap long abrusim mak bilong 60 de. Bihaun long dispela mak, husat manmeri i holim kat i mas lusim dispela kantri em i stap long en. Sapos em i no lusim kantri, bai em i karim bikpela

tambu long go bek long dispela wanpela APEC Memba Ekonomi o kancelelim bilong kat em i holim. Wok

Husat manmeri i holim wanpela APEC Bisnis Travel Kat i no inap long painim nupela wok insait long ol APEC Memba Ekonomi. Nogat tru.

Kanselesen

APEC Bisnis Travel Kat em i olsem ol arapela visa o entri pemit na ol i ken kancelelim bihainim ol lo bilong ol APEC Memba Ekonomi yet.

Ol Dipenden na ol Pikinini

Ol Dipenden na ol pikinini i no inap long kisim dispela APEC Bisnis Travel Kat. Ol Dipenden spaus o marit na ol pikinini husat i laik bihainim wanpela manmeri i holim wanpela APEC Bisnis Travel Kat bai i mas aplai bilong wanpela visa i kam stret long dispela APEC Memba Ekonomi.

Moa Toksave

Moa toksave na ol APEC Bisnis Travel Kat em yu ken kisim long Imigresen na Sitisensip Divisen opis long Moale Hause, Waigani o yu ken ringim telepon namba 323 1503.

Rt. Hon. Sir Rabbie L. Namaliu
CSM KCMG MP
Minista bilong Foren Afes na Imigresen

Bulolo mog i op gen

Bustin Anzu i raitim

BULOLO mog i op gen bihain long pas long 6 pela yias olgeta - tenk yu long Rotari Klub bilong Bulolo.

Dispela maining taun bilong Bulolo i bin karim ol dai bodi i go daun long Angau Memoriel Haus sik long Lae na putim ol bodi. Dispela i bin mekim bikpela hatwok long wanem pias i long we tumas. Nau, dispela em bai nogat nau.

Rotari Klub bilong Bulolo yet i luksave long nid bilong ol pipel na stretim. Nau, mog i op pinis na ol i yusim. Rotari presiden Tommy Nahuet i tok nau ol bai ino gat sampela wari long ol dai bodi.

"Mipela bin baim tupela taimas na 6-pela moto fen. Dispela i mak bilong mani olsem K2000," Nahuet i tok.

Bulolo mog i bruk daun long 1999 na long dispela taim i kam inap nau, olgeta man meri husat i dai long Bulolo na ol ples klostu, mipela i save kisim i go daun long bikpela mog long Lae.

"Bulolo Roteri Klub i luksave long dispela hevi na mipela i painim sampela mani long sampela hap na baim tupela taimas na ol moto bilong fen. Mipela kisim kwotesen long Daikin na ESCO long baim ol dispela samting bilong mog," em i tok.

Mista Nahuet i tok bikpela amamas igo long PNG Forest Products long tok orait long wanpela frisa mekanik Barnabas Yansom long putim ol dispela samting. Dispela i soim amamas bilong wok bung wantaim.

Dispela i min olsem ol lain bilong dai bodi bai ino inap westim mani na taim na ron igo long Lae long putim bodi na bihain kisim. Dispela kain luksave nau i stap long haus dua bilong ol yet.

TOKSAVE

Bai nogat Tok Lukaut long dispela wik. Yu ken ritim Tok Lukaut long neks wik. Tok sori i go long ol gutpela rita bilong mipela husat i save bihainim dispela kolom. Tenkyu - Edita

Stadim olupela na nupela testamen

Dia Edita

MI GAT hap toktok tasol we mi laik serim wantaim Lolo Ben bilong Madang. Em bekim pas bilong Peter Kelo na em i tokim Peter long ritim dispela Baibel ves - Luk 4:16 na 6:7.

Yes, sapos yu ritim dispela ves 16 long Luk 4 bai yu painimaut olsem taim dispela ves i tok olsem - "as his custom was, Jesus went into long synagogue (temple) on the Sabbath day, and stood up to read". Yu inap lukim dispela wantaim stori i stap long Mak 6:1-2, Mat 13:54.

Lolo dispela tok "as his custom was" sapos yu stadi gut tru long teks ya, em i no min Jisas i kipim sabbat na em i autim tok i stap - nogat.

Dispela yumi ken tok olsem - pasin bilong Jisas em i save mekim dispela autim tok oltaim, em pasin bilong em, na i no min em kipim sabbat olsem yu tok long em. Long wanem, lo bilong sabbat i tok yu no nap long autim tok na mekim ol arapela kain wok olsem hilim man long de sabbat na mekim ol aipas lukluk gen, na maus pas toktok gen, man i mekim olsem em mas dai tasol, ol i mas kilim em dai laka? Tasol long dispela keis ya, Jisas i mekim wok long sabbat. Yu ting wanem Lolo?.

Em i rong na i brukim sabbat lo o nogat? Long Luk 6:7 ol skraibs na faresi i wetim em sapos Jisas i hilim man long de sabbat orait bai ol i holim em na kilim em. Lolo, yu bai lukim olsem, ol i kipim lo sabbat na bihainim na Jisas i brukim lo sabbat na em mekim wok bilong Papa, bilong em God.

Na long mining bilong sabbat de, yu kwotim ol ves ys, em ol i sut long tok - Keep the Sabbath day holi o ol i tokim yumi olsem namba 7 de bilong God, Yes, dispela em i klia, tasol sapos yumi laik save tru olsem wanem em i trupela mining bilong sabbat - bai mi tokim yu ya. Sabbat i min - rest (malolo).

Olsem na taim Jisas i kam mekim wok bilong Papa bilong em, em i no malolo long de sabbat nogat ya. Jisas i tok, Papa bilong mi i wok olsem na mi tu mas wok. Lukim Jon 5:17 na long bekim

askim bilong yu long Sande, yu tok yu save lukim Sarere (sabbat) tasol insait long Buk Tambu na Sande em nogat.

Olsem na yu tokim Peter Kelo sapos em inap long givim yu sampela Baibel referens i toktok long Sande i stap long Baibel tu o nogat. Yes, Peter bai rait na bekim pas bilong yu taim em ritim pas bilong yu long Wantok # 1644.

Tasol em hia sampela Baibel ves mi painim na mi raitim long yu ken lukim na sekim Buk Tambu bilong yu long ol dispela ves. Lukim Mat 28:1-10, Mak 16:1-4 na ves 9, Luk 24:1-49, Jon 20:1-2, Acts 20:7, 1 Korin 16:2. Lolo olgeta dispela Baibel ves ya em olgeta i tokaut stret na klia olsem bihain long sabbat i pinis na narapela de em namba wan de bilong wik laka? Olsem na mipela save lotu long namba wan de bilong wik long tingim Jisas i bin dai na kirap bek gen long namba wan de bilong wik (Sande). Lotu long man i kirap bek gen long dai, na i no man i dai na pinis olgeta nogat tru ya.

Na Lolo, yu ritim Baibel bilong yu na yu save long dispela sapta na ves tu o nogat. Sapos nogat, ating moabeta yu rausim dispela buk baibel yu wok long yusim nau, na painim wanpela we i gat ol dispela Baibel ves mi raitim ya.

Long dispela rot tasol bai ai bilong yu op na yu gen save tu olsem Sarere na Sande ya, em tupela wantaim i stap long Buk Tambu, na olsem wanem yu lukim Sarere i stap na Sande nogat?

Gutpela long yu stadi moa na askim God long helpim yu save moa long mining bilong sabbat, na mas save tu olsem Sande tu i stap long Baibel. Olsem mi tok pinis, sabbat i min res o malolo, olsem na Lolo bilong wanem yu rausim Ma i go longwe na yu yusim tasol Lolo na tok em nem bilong yu? I moa gut yu putim bek Ma i stap pa long lolo na dispela bai yu save sabbat i min wanem. Yes Malolo. Tenk yu tru laka!

**MISTA P.I.
LORENGAU
MANUS PROVINS**

Kaikai long laik bilong God tasol

Dia Edita

MI LAIK bekim pas bilong P.I. Lorengau, Manus provins long 02/02/06 het tok - Samting bilong kaikai, bilong kaikai tasol.

Brata, yu raitim nem bilong mi Peter Tilini na Peter Nana long pas bilong yu. Long ai bilong God yumi witnesim na raitim pas bai God yet bai mekim gut tru ministri bilong em. Dispela tok bilong Pol i kam gut long 1 Korin 10:23-33, em i min olsem, olgeta kaikai i orait long laik bilong God na tok orait long Holi Baibel, yu kaikai tasol long givim glori long God. Dispela i no toktok

long kain animol olsem pik, kapul, palai, mumut na ol kain animol bilong hia (PNG), nogat ya. Ol animol God yet i kliarim pinis olsem ol i no klin, em i tru oltaim, na ol animol i klin long tok bilong God em i tru oltaim tu. Brata mi i no jasim yu tasol lo bilong God yet i stap ples klia na jasim yu. Mi tok klia long yu stret long helpim yu long sait bilong God long skelim na tokaut stret. Brata yu inap kisim gut dispela tok long Jon 7:24 na skelim o nogat. Yumi mas tingting gut na kisim olgeta tok bilong God wanpela tasol. Yumi olgeta save olsem, bipo, nau na bihain i toktok

long lo, lo, lo na lo. Dispela em wanem lo tru ya? Sam 111:10, Matt 5:17-19, 1 Jon 3:23-24, Rev. 14:12, 22:14 na planti moa. Dispela lo em lo bilong laikim God na laikim narapela. Ex.20:3-11 em bilong laikim God long bel, tingting na strong bilong yumi. Ex. 20:12-17 em bilong laikim narapela olsem yumi yet. Dispela em geit we tru i go klostu long God. Skelim gut olgeta tok, tingim na mekim wei taim, taim i stap yet na God i blesim mekim yut.

**PETER TILINI
LAE
MOROBE PROVINS**



Husat nau bai yumi bihainim, God o man

Dia Edita

MI LAIK bekim pas bilong brata Gisung Ngandup long Februari 9, 2006. Yes brata yu tok, tok bilong John P. Wali long Exodus 31:12-17 em i stret na tu, long AD 321 Empera Constantine bilong Rom i senisim Sabbat i go long Sande. Yu ting olsem wanem long dispela senis, em i orait long man bilong dispela graun long senisim Lo bilong God? Brata yu lukim ken ol dispela Baibel teks we yu yet i bin givim, Luk 3:10-17, Mak 3:1-5, na Mak 2:23-28. Brata yu lukim

Mak 3:1-5, Jisas i tok wanem bipo long em i oraitim dispela han nogut man. Sapos yu tok Jisas i brukim Lo long sabbat, ating yu wanpela bilong ol Ferasi na ol Herodians husat we ol i painim rot long kilim Jisas. Brata Gisung na ol narapela bratasusa husat yupela i save difendim Sande, yupela i save pinim olsem man bilong dispela graun i senisim sabbat we God i tambuim na putim narapela de Sande.

Samting i stap ples klia long tingting na save bilong

olgeta man olsem, i nogat wanpela man long graun i gat pawa long senisim Lo bilong God. Yu lukim Matyu 5:17-19 na Mak 12:13-17, sapos Sande em bilong man, givim i go bek long man, sapos sabbat em bilong God, givim i go bek long God. Husat yu laik bekim o agensim, mi bai amamas tasol long lukim bekim bilong yupela.

**TABU M. RITZ
ERIMA
NCD**

Praim Minista i lusim tingting long ples

Dia Edita

MI LAIK raitim dispela pas i go long Wantok Niuspepa long toktok long wanem tru na Praim Minista Sir Michael Somare i no save helpim ol sindaun bilong ol Murik Lakes pipel olsem Darapap, Karau na Meidam ples. Mi bin go

raun long lukluk bilong mi long wanpela 75 hospawa autbot moto na klostu bikpela solwara i kilim mi wantaim faipela arapela man long Darapap nambis long wanem si i rap tru. Mi laik askim Sir Michael wanem taim bai em i senisim sindaun bilong ol manmeri long Murik

Lakes. Em klostu 2007 Nesenel lleksen bai Somare i go bek long Palamen na em i no stretim ol hausboi bilong ol Murik Lakes yet.

**JOHN KRIOSAKI
WEWAK
IS SEPIK PROVINS**

Lotu long Sande ol bihainim Nimorot san

Dia Edita

OLGETA taim mi save rait long tok bilong Buk Tambu. Mi laik bekim pas bilong L. Kopa bilong Wapenamanda, Enga provins, tok olsem Sande de bilong God. Em yu giaman yu yet, bipo ol Roman Embra Konstin taim senisim sabbat go long Sande, na wanpela man nem i stap olsem Nimarot, save lotu long san, em ol Baibel ves toktok long sabbat tru i stap, na yu L. Kopa yu istap yet long lo bilong ol Roman Gavman na yu no bihainim trupela de bilong God. So yu abrusim rot pinis, so yu kambek long tru God bilong Ambam, yu lukim Buk Stat 2 tok God malolo long de 7, na blesim de 7 na strongim de 7, na yu lukim tenpela lo bilong God namba 4 lo tok long de putim Sande go insait na Jesus lotuim Papa bilong em long sabbat de Luk 4:16-17 na Jisas Masta long de sabbat Mak 2:27-28. Heven ol gutpela manmeri go lotuim God long sabbat de, sapos yu lotu long Sande i stap, heven nogat. Em tasol yu stadim Baibel na bekim.

**PETER NANA
MT HAGEN
WESTEN HAILANS PROVINS**

Seven De haus lotu i nogat ples bilong putim kar

Dia Edita

MI STAP long Erima, insait long Mosbi siti na mi gat wanpela komplem long putim long ol bikman bilong Seven De sios long Erima. Olgeta Sarere, mipela ol hauslain long dispela hap i save painim hat long wokabaut i go kam long stua o maket. Em bikos ol wosipas bilong SDA i save kam na sanapim kar bilong ol long ples bilong wokabaut long em. I no long taim bai wanpela kar bai i bamim wanpela man o pikinini bikos mipela i save wokabaut long bikpela rot bilong kar. I bin gat wanpela birua i kamap long yia i go pinis we wanpela PMV i bamim mama na pikinini long fran bilong haus lotu stret. Sapos wanpela moa birua i kamap gen, bai mipela i kotim husat nau, draiva bilong kar o SDA sios?

Moabeta, ol bikman bilong dispeia sios bungim tingting na painim sampela rot na toktok wantaim ol Dipatmen bilong Lens long givim sampela graun long ol. Na bai ol i ken putim haus lotu long em wantaim bikpela spes long pakim kar.

Dispela haus lotu nau i sanap em i wanpela haus tasol olsem na i nogat bikpela spes bilong putim kar. Em tasol na husat brata o susa i laik sapatim o agensim, rait tasol long Wantok Niuspepa na bai mi ken skelim.

**AS PLES
ERIMA
NCD**

Yu laik autim tingting bilong yu - Salim wanpela pas i kam long Edita long: Ol Pas i go long Edita P. O. Box 1982, BOROKO NCD

Sapos yu save long email, yu ken salim pas bilong yu i kam long: editorial@wantok.com.pg

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa. Wantok i gat rait long katim o stretim ol pas bai em i bihainim olgeta lo bilong niuspepa.



KOMENTRI

Ol yangpela i mas kism gutpela stia

I GAT wanpela bikpela hevi nau i wok long kamap ples klia insait long kantri bilong yumi.

Yumi wok long lukim planti ripot long ol pasin nogut i wok long kamap namel long ol yangpela bilong yumi.

Nau yet ol yangpela mangi i wok long dring bia, smuk spak brus na wokim pasin reip. Planti skul mangi i wok long hait long papamama na dring stim o hom bru na mekim ol kain kain raskol pasin. Dispela i soim klia olsem planti yangpela tude i no save harim tok o bihainim skul bilong papamama.

Tasol em i asua bilong husat na ol pikinini bilong yumi i wok long nogut olsem?

Memba bilong Makam, Andrew Baing i bin autim dispela bel hevi long Palamen dispela wik. Em i bin tromoi askim i go long Minista bilong Komyuniti Developmen Dame Carol Kidu. Bekim bilong Dame Carol em i wanpela samting we yumi olgeta i mas kism i skelim long wan wan tingting bilong yumi.

Dispela hevi we ol yangpela nau i wok long bihainim, em i no samting bilong Minista bilong gavman. I gat planti kain han hevi bilong em we yumi olgeta, stat long wan wan papamama insait long kantri i mas go pas long stretim.

Stia we ol yangpela i mas kism long bihainim stretpela pasin na gutpela tingting i mas kam long papamama yet.

Ol arapela hevi bilong ol yangpela bilong yumi i stap tu. Narapela Memba, Isaac Taitibe i bin singaut long Praim Minista Sir Michael Somare long mekim samting bilong stretim namba wan bikpela yunivesiti long kantri, Yunivesiti bilong Papua Niugini. Gren Sief Sir Michael i bin givim bekim tu we i sut stret long pasin bilong ol yangpela.

Em i tok taim ol yangpela i save kamap long yunivesiti, ol i save ting olsem ol i gat rait bilong stap long hap, na ol i save mekim long laik.

Em i tok ol yangpela i mas luksave olsem kamap bilong ol long skul long yunivesiti em i no samting bilong ol. Em i wanpela skul we ol i mas bihainim gut. Sapos nogat, ol i nogat rait long skul long hap.

Olgeta dispela samting nau i soim klia olsem as bilong ol dispela hevi i wok long go bikpela em bikos i nogat gutpela stia i kam long ol papamama na i nogat gutpela stia i kam long ol skul.

Sapos yumi stat long skulim ol pikinini bilong yumi nau, bai yumi ken lukim ol i kamap ol bikman na bikmeri wantaim gutpela, stretpela tingting na ol bai bihainim gutpela pasin.

Bihain taim bilong kantri bilong yumi i stap long han bilong ol yangpela. Sapos yumi no skulim ol gut, bai ol i tromoi nabaut olsem samting nating.



Lidasip kot i bagarapim pipel tru

SAPOS yu lida tru, yu no inap putim ol pipel bilong yu long hevi na bagarap. Sapos yu trupela lida, yu inap tingim gutpela sindaun bilong pipel bilong yu na mekim sampela hatpela disisen long kamapim gutpela sindaun na laip bilong ol. Lida i save putim ol pipel bilong em i go pas long tingting na strong bilong em.

Lukluk gut insait long kot bilong bipo memba bilong Tewai Siassi Mao Zeming long las mun. Dispela kot i bin stat long 2002 i kam inap 2005. Em olsem tripela krismas olgeta na Mista Zeming i stap ausait na i no mekim wanpela wok bilong sevim ol pipel bilong Tewai Siassi. Bus i karamapim ples na sevis i bruk daun olgeta. Long 2004, wanpela tambu Bogenvil i tok ol i wokabaut long bus rot we ka i save ron long en bipo.

Tasol kot bilong Mista



Zeming i hangamap yet na olgeta distrik mani bilong Tewai Siassi i blok na nogat sevis long pipel.

Lidasip Traibunel i painim Mista Zeming i asua long wok bilong em tasol Mista Zeming i apil go long Nesenel Kot olsem na ol pipel i wet gen long harim disisen bilong Nesenel Kot.

Bikpela skul yumi lainim long dispela piksa we ol pipel i wet longpela taim tru long kism ansa bilong Mista Zeming. Bikos ol sevis na developmen bai ron gen taim kot i pinis.

Taim ol pipel bilong Tewai Siassi i wet i stap, ol pipel bilong Wapenamanda long Enga provins na Mendi long Sauten Hailans provins tu i wet i stap long wankain samting.

Kot bai tok wanem long ol. Taim sot pinis na nogat taim moa long bai ileksen nau.

Dispela em wanpela bikpela hevi gavman i mas lukluk long en na stretim lo bilong Lidasip Traibunel. Wanpela memba i bin tok bipo olsem surukim taim bilong ol memba i lus long kot bilong ol lida i go moa long 10-pela krismas o pinisim ol olgeta long opis bilong pipel o tromoi em i go bek long ples na pipel bai vot gen. Sampela kain disisen olsem bai sotim ol longpela kot na apil nabaut we i pulim pipel na sevis i go daun.

Lo i mas senis long mak we sapos wanpela lida i sanap long kot bilong Lidasip Traibunel, em i mas pinis olgeta long opis bilong palamen o gavman na kamap ausait man orait em i ken i go kam long kot bilong em. Opis bilong palamen o pipel i mas wok yet. Taim memba i raus na hangamap long kot i stap, orait

Gavana bilong dispela provins i mas gat pawa long lukautim dispela ilektoret na salim ol mani na sevis i go long ol pipel. Gavana wantaim Etrministreta bilong provins i mas gat pawa bilong lukautim na sevim ol dispela pipel.

Taim dispela kain hevi i kamap, ol pablik seven bai ronawe na lusim wok bilong ol long ol long distrik. Bai nogat dokta na nes, bai nogat kiap, tisa, bisnis developmen opisa na ples bai bruk daun.

Ol bai pasim opis na go long ples. Tasol mani bilong distrik i stap tasol lo i tok memba tasol i gat pawa long sainim na salim ol dispela distrik mani i go daun.

Mak olsem 200,000 manmeri bilong Tewai Siassi, Wapenamanda na Mendi i nogat pawa tru bikos lo i tok memba bilong ol tasol bai mekim samting. Nogat nau. Wetim 2007 nesenel ileksen.

God Bikpela i gat tok long blut

I gat tupela kain blut na i gat tupela lo.

Blut (a) Blut bilong ol man; (b) Blut bilong ol abus (animal)

Lo (a) Lo bilong God, insait long Baibel; (b) Lo bilong ol tumbuna, ausait long Baibel

Pastaim bai yumi lukluk long sampela lo bilong ol kastom bilong yumi insait long PNG. Sampela lo bilong ol meri i save karim blut o lukim sik mun. Lo bilong mipela Oro i olsem, taim yangpela meri i lukim sik mun long nambawan taim, orait lain bilong meri i mas putim em long wanpela haus we em yet i mas i stap. Na wanpela meri long lain bilong em bai lukautim em. Na givim kaikai na wasim em olgeta taim. Ol famili bilong em i mas bringim planti drai kokonas na sikirapim na wasim em wantaim kokonas olgeta taim. Dispela yangpela meri i mas i stap long haus inap long wanpela mun olgeta. Taim em i laik i go long toilet em i mas karamapim gut bodi bilong em na go long toilet na kambek long haus. Pastaim dispela yangpela meri i bikpela sik liklik tasol bihain em i kamaut long haus, em luk



naispela na ret skin tru na luk naispela tru. Wanpela mun pinis, ol famili bilong em bai mekim bikpela kaikai na kism em i kam ausait. Bilong wanem? Meri i lusim pes blut bilong em i bin i stap insait long bodi bilong em. Namba 2 na bikpela samting long blut, taim ol bikpela meri na ol meri marit pinis; taim ol i lukim sik mun ol i noken slip wantaim ol man nogat tru. Ol bai i no inap wok na tu ol bai i no inap kukim kaikai o tasol wanpela kaikai ol bai i no inap tasim ol pot na plet na kap na spun o fok inap long taim tru. Ol i mas i stap longwe i go inap sik mun i lusim ol na ol i mas i go waswas na kamap klin orait i ken mekim wok o kukim kaikai. Planti bilong yumi nau i no save bihainim ol pasin kastom, yumi mekim nambaut na miaksim olgeta samting i stap.

Bipo ol tumbuna bilong yumi i bihainim gut ol lo bilong ol, olsem na ol i stap longpela taim tru. Sampela i winim 100 na 110 na 120 na 130 yia. Nau em nogat mak bilong yumi em 60, 70 krismas tasol. Bihain bai ol man i bungim 50 na 60 yia ol bai lapun na indai hariap. Sapos ol meri i lukim sik mun na yu slip wantaim em o em i kuk na givim yu na yu kaikai, bai yu kus na sotwin klostu, klostu i no long taim bai yu i dai.

Na dispela em i no long smok o buai o ol kain kaikai. Nogat, dispela sik i kam long rot bilong blut. Planti taim ol meri i lukim sik mun i save slip wantaim ol man na ol i save kukim ol kaikai na givim long ol man. Ol meri i karim nupela pikinini ol tu i mas bihainim dispela rot. Bipo long taim bilong ol tumbuna, taim ol meri i bungim sik mun, ol man i save i stap longwe long ol na meri karim nupela tu ol man ol yet i save kukim kaikai na kaikai i go inap ol meri i lusim sik mun pastaim o pikinini i kamap strong pastaim. Ol man tu i no save kaikai ol kaikai ol yangpela meri i save kuk,

nogat tru.

Long Hailans, blut i dia tumas. Sapos yu pait na givim blut long wanpela, yu i mas baim blut bilong dispela man wantaim mani mak ol lain bilong em i makim. Nogat bai yu i mas kilim hamas pik ol i makim long yu bai kilim. Sapos yu i no mekim wanpela samting ol bai painim rot long givim yu blut o kilim yu i dai. Long sampela hap bilong Papua Niugini i gat wan wan lo bilong lukautim blut o baim blut i stap.

Nau mi laik kism yupela na yumi i go insait long Buk Baibel i tok wanem long yumi long blut.

Wok Pris 17:10-16 - God yet i tok blut em i as bilong laip, olsem na yupela i noken kaikai o dringim blut, i tambu tru. Dispela em tupela blut wantaim, blut bilong man na bilong animal.

Long taim bilong Israel long bipo ol i bin ofaim blut bilong ol animal long tok tenkyu long God na tu mekim ofa long lusim sin na kamap klin long ai bilong God.

God i ken blesim yu.



Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

**PASIFIK
NIUS**

**Skelim 200 milien dola bilong ol
Pasifik pipel i kisim dinau: ALP**

AUSTRALIA Leba pati i laik bai Australia i makim 200 milian dola progrem blong larim ol pipel long Saut Pasifik i ken kisim ol liklik dinau.

Australia Oposisen pati i givim aut wanpela pepa em i tokaut long tingting blong ol long Australian aid o halvim Australia i save givim long ol narapela kantri.

Dispela pepa i singautim Australia long kirapim wanpela maikro-kredit skim em wanpela Pacific Development Trust i ken ronim.

Pepa bilong Leba Pati i tok Pacific Development Trust bai halivim ol grasrut pipel, olsem wanpela hap long Oposisen polisi bilong kamapim Pasifik Komyuniti.

Leba i kolim dispela skim, "botom ap skim" o stat wantaim ol grasrut na bihain go antap long ol lida, na em i narakain long ol foren aid skim bilong nau em ol i "top-daun" we aid i go long ol lida na bihain i go daun long grasrut.

Leba polisi pepa i laik bai ol i kirapim tu wanpela Australia-Pacific Faundesen bilong joinim wantaim ol taun na siti long is kos bilong Australia na wan wan taun na ol rijen insait long ol Pasifik ailan kantri.

Dispela faundesen bai skelim mani bilong ol Australia tisa, helt woka, ol kaunsil plena na ol komyuniti grup long go raun na lukluk long ol twin komyuniti bilong ol long Saut Pasifik.

- Redio Australia

**Askim i kamap long kisim Tuvalu pipel
go larim ol sindaun long wanpela Fiji
Ailan**

OL politikel pati insait long Fiji i no bin laik mekim toktok bihainim wanpela tingting long kisim olgeta pipel bilong Tuvalu - samting olsem 9 tausen - na muvim ol i go long wanpela ailan bilong Fiji.

Aida i bin kamap long wanpela evraironmen saveman bilong Tuvalu yet, Don Kennedy, husat i strong olsem solowara bai karamapim ol ailan bilong Tuvalu.

Planti Fiji memba i wari long kos na ol hevi bilong muvim planti pipel olsem i go long narapela hap.

Tasol Mista Kennedy i tok dispela tingting i wanpela rot tasol long bihain taim bilong ol Tuvalu pipel.

- Redio Australia

**Mak blong solwara long Tonga i go
antap long 10 sentimita long dispela**

SI LEVEL o solwara raun long Tonga i luk olsem i bin go antap long samting olsem 10 sentimita insait long dispela 13 yia i go pinis.

Dispela toksave i kamaut long South Pacific Sea Level na Climate Monitoring Project, bihainim ol nupela mak ol i lukim.

Dispela projek, em Australia i bin givim mani bilong statim, i bin stat long 1992, olgeta wan wan mun em i save tokaut long ol mak ol i save kisim long 12 stesin raun long Pasifik.

Nupela Manthly Data Ripot - bilong mun Desemba - i soim olsem long ol stesin ol i bin wok long was long ol inap moa long tenpela yia, mak solwara i wok long go antap long en i bikpela moa insait long Tonga, we solwara i wok long go antap long 8.4 milimita long wan wan yia.

Solwara i wok long go antap long olgeta stesen, tasol ol mak i narakain long olgeta hap.

Cook Islands stesen i wok long soim mak em daunbilo long wan eit long mak long Tonga.

Long Tuvalu, em bai lukim bikpela mak bilong kamap bilong solwara bihainim 15 yia long wik bihain, wei solwara i wok long go antap long hap insait long 13 yia i bin 5.7 milimita long wan wan yia, em i samting olsem 7 sentimita long wan wan yia.

Ol projek kodineta i tok olsem noken putim bikpela mining tumas long ol dispela mak long wanem ol i tok, ol i mas kisim moa mak insait long planti moa yia bilong lukim gutpela piksa.

- Redio Australia

**China Premia bai igo raun long Fiji
long mun May**

OL I BIN tokaut insait long Fiji olsem Primia bilong China, Wen Jiabao, bai mekim tupela de lukluk raun long Fiji long mun Epril.


Dispela raun bai kamap wantaim wanpela China-Pacific bisnis miting, em ol bai holim insait long Nadi long April 5.

Toktok i kam aut long Fiji Gavman i tok ol poro Pasifik Ailan kantri bai stap long dispela bung na, bai ol i yusim dispela sans long holim ol miting wantaim premia.

Ol ripot i tok, Cook Islands, Federated States of Micronesia, Papua New Guinea, Samoa, Solomon Islands, na Tonga, i tok orait pinis long stap insait long dispela miting long Nadi.

Fiji Gaman i tok dispela i nambawan taim wanpela sinia Chinese opisel i go raun long Fiji.

- Redio Australia



WOK TAPAK: Wanpela fama i karim ol lip tapak long wanpela fam long Harare, biksiti bilong kantri Zimbabwe long Afrika. Tapak we ol i save kolim 'golden lip' bilong kantri i save pulim samting olsem 40 pesen bilong olgeta foren karensi o mani bilong kantri. Ol smuk indastri opisel i skelim olsem mak bilong tapak long dispela yia bai sindaun namel long 40 na 60 milien kilogram. Long 1999, ol i rekotim samting olsem 250 milien kilogram.



PAIT YET: Ol soldia bilong Israel i makim gan bilong ol namel long wanpela bikpela pait agensim ol Palastain long Balata refuji kem long Nablus, wanpela siti long Wes Benk.



SEKIM BET FLU: Wanpela dokta bilong ol animal Donana nesenel pak long Sauten Spein i karim wanpela pato long go sekim sapos em i gat dispela sik bilong pisin o bet flu. Bet Flu sik i bin brukim pinis Yurop na long Tunde em i go kamap long Hangeri na Kroesia. Ol gavman insait long EU i bin paitim tok long ol rot bilong pait agensim bet flu, na ol i pasim tok long givim banis sut long olgeta pisin, pato na kakaruk. Dispela sik nau i wok long raun long ol kantri long Yurop.

Stail bilong bilum

James Kila i raitim

SAPOS yu wanpela nupela man o meri long krungutim Goroka taun em planti i save kolim "Kol Peles" ai bilong yu bai kamaut stret sapos yu lukim wanpela meri i werim ol bilum klos na wokabaut stail stret long taun.

Tru tumas, dispela meri i save kamapim naispela kala na bilas stret long Goroka taun na dispela i save kirapim bel bilong planti yangpela meri bikos ol i save aigris na daunim spet stret.

Dispela meri i no meri nating, em wanpela stail meri bilong toktok na tu em wanpela kaunsol bilong Goroka Rurel Lokol Level Gavman. Em meri husat i go pas long kirapim bilum klos insait long PNG. Nem bilong meri ya em Florence Jaukae.

Planti lain long Goroka na ol lain long hauslain komyuniti i save amamas long toktok na serim buai na daka wantaim dispela naispela meri

Florence bikos em meri bilong toktok na i gat gutpela pasin.

Bilum klos bai go long Melbon, Australia

Dispela nupela stail bilong werim ol bilum klos we i wok long putim gutpela na naispela kala long kantri tude bai lukim gutpela promosen tru taim ol lain spot manmeri bilong PNG bai werim i go long Komonwelt Gems long Melbon, Australia.

Wanpela lokol kampani yet long Goroka em Jaukae Bilum Wear husat i nambawan lain tru long wokim dispela bilum klos nau yet i wok long redim ol sampela ol dispela klos we ol lain husat bai go long dispela bikipela gems long neks mun bai werim.

Jaukae Bilum Wear i save go pas long wokim planti ol kain kain stail bilum klos na dispela wok i save kamap long Goroka.

Dispela bisnis i bin stat nambawan taim tru long Gepahina viles long Kama long Goroka taun yet. Tupela lain husat i go pas long dispela wok em Florence na masta bilong em Jaukae.

Florence, husat em wanpela wod kaunsol insait long Goroka Rurel lokol Gavman em wanpela strongpela sapota tru bilong bilum klos insait long PNG na em i bin sanap strong tru baksait long kirap bilong ol nupela disain o mak bilong wokim bilum klos insait long kantri.

Mis Jaukae i tok olsem Jaukae Bilum Wear i wokim sampela nek-tai em ol PNG Komonwelt Gems tim bai werim na tu wanpela bikipela bena o hap bilum klos em mak we i soim kala na flek bilong PNG. Dispela em ol i givim olsem presen o sovenia i go long ol lain long PNG Spots Federesen.

Tru tumas, dispela ol lain husat bai werim bilum klos long Melbon bai karim



STAIL YA: Ol yangpela stail meri bilong Goroka i werim ol bilum klos em Jaukae Bilum Wear long Goroka i kamapim.

stret nem bilong PNG na tu dispela nupela kain stail bilum klos i go long soim ol lain bilong ovasis olsem PNG tu i gat stail na kala bilong em yet we i stail na narakain tru.

Strongim ol meri

Florence i tok olsem dispela tingting bilong long kamap wantaim bilum klos em long strongim save bilong ol meri insait long PNG long ol i mas gohet long wokim ol bilum beg i go kamap olsem kolos na tu ol narapela samting tu.

Nau yet insait long Goroka taun dispela resa meri Florence Jaukae i no save bisi stret. Em i save werim ol bilum kolos olgeta taim na go-kam long wok. Wokabaut bilong em i save opim ai bilong ol manmeri stret. Sampela i save guria stret na lukluk strong tru long em i go na klostu ai i save laik kamaut.

Tru tumas Florence i save kamapim gutpela kala na bilas stret long Goroka taun na lsten Hailans provins na tu PNG.

Wanpela gutpela samting we Jaukae Bilum Wear i mekim em long kisim ol as ples mama insait long Goroka na lsten Hailans long go insait long wokim bilum klos.

"Mi save givim dispela liklik wok long ol mama na ol yet bai i ken painim liklik mani bilong ol yet long sapotim sindaun bilong famili bilong ol long baim sop na kaikai bilong haus," Florence i tok.

Tumbuna bilum i gat strong yet

Wanpela mama husat i save stap olgeta taim long Goroka Tumbuna Maket we i stap namel tru long Goroka taun em Anna Fuka. Dispela mama i save stap long Piswara Blok klostu long Goroka taun, tasol planti taim bai yu lukim dispela meri i sindaun na salim bilum bilong em long Goroka Tumbuna maket. Planti bilong em long sindaun em long krosing stret we ol manmeri i save wokabaut i go hapsait long Gouna Senta.

Mama Anna em bilong ples Bitebe long Henganofi distrik na em i gat 8-pela pikinini. Dispela infomol bisnis bilong em long wokim bilum na salim i save helpim em gut tru long sapotim famili bilong em.

Long dispela taim Wantok Niuspepa i bin bungim mama Anna em i bin karim

samting olsem 20 bilum olgeta i go na salim long Tumbuna Maket. Mama Anna i bin amamas tru long givim stori na i tok olsem em i save long planti kain kain stail long wokim bilum.

"Bilum i save helpim mi na famili. Olsem na olgeta de mi save sindaun na wokim bilum tasol." Em i tok.

Dispela Goroka Tumbuna maket i save pulim planti lain turis bilong ovasis na tu ol ples lain husat i raun i go long Goroka long lukim planti ol kain kain tumbuna samting ol lain long hap i wokim na salim arere tasol long simen we i stap long ai bilong Yanepa provin-sel gavman opis na Bird of Paradise Hotel.

Planti taim ol waitman o turis i save pulap kapsait stret long taim bilong Goroka So o taim ol i go lukluk raun long lsten Hailans provins. Dispela ples i save bringim gutpela kala tru long senta bilong Goroka taun.

Mama Anna i tokaut olsem em i amamas tru long Florence long kamap wantaim dispela gutpela tingting long "Bilum Klos" insait long Goroka na PNG. Dispela bai helpim ol mama long i no wokim bilum beg tasol. Ol mama i ken wokim ol kain kain stail bilong klos wantaim.

Florence i tok olsem: "Mipela i bilip olsem taim mipela i developim ol meri bilong planti kalsa na tumbuna pasin em bai kamapim nupela stendet na gutpela tingting long stap wantaim as ples save mipela i gat long mekim wok kamap".

Em i tokaut tu olsem dispela wok bilong wokim bilum em yu i no inap kisim setifiket, digri o mastas digri o wanpela hap pepa long kamapim. Nogat ya. Ol mama i gat save long tingting i stap we i gutpela tru na ol i save kamap wantaim planti ol gutpela stail we ating planti i save mangalim tru.

Florence i tok olsem bilum klos i kamapim wok long ol mama insait long viles na hauslain long painim liklik mani long sapotim ol yet na sindaun bilong famili.

"Mipela i bilip olsem dispela em wanpela gutpela na narakain save tru ol mama long PNG i gat na mipela i laik promotim moa yet," Florence i tok.

"Mipela i amamas tru olsem mipela ol pikinini man na pikinini meri bilong PNG i gat stail bilong kamapim ol samting we nogat narapela lain long wol i inap long mekim.

FLORENCE:
Stail kaunsol meri Florence Jaukae i bilas gut tru long wanpela bilum klos ol mama long Goroka i kamapim bilong Jaukae Bilum Wear.

Manmeri, pik, meme na dok bung wantaim na painim pipia

...Kafana rabis ples soim narakain piksa stret

James Kila i raitim

"OLAMAN, wail ol...yupla, pik o sanding?" Dispela ol singaut em sampela ol poroman bilong mi bin mekim taim ol i ukim bikpela bilong ol pik long Kafana ples pipia klostu long Goroka.

Tru tumas ol i bin juria stret na wan wan gras long skin bilong ol u i kirap narakain stret na wail olgeta taim mipela i go stopim karong Kafana rabis pipia ples i no long taim i go jinis.

Taim kar mipela i stap long en i go na stop, ol pik i singaut 'oink, oink, oink' na ron ong olgeta kona i kam aunim mipela. Tru umas dispela ol pik ya no pret long ol man. Ol i kam klostu tru long ol man olsem dok o busikat yu save lukauim long haus olsem poroman bilong yu stret.

Ol pik tu long hap ya gat kain kala na bikpela na tu ol i stap ong olgeta kona na planti tru.

Tru tumas namba bilong ol dispela pik na dog na meme long Kafana rabis pipia ples antap tru. Narapela samting tu em bikpela bilong ol dispela enimol bikpela tru. Ating sapos wanpela man bilong kaikai abus i ukim sais bilong ol dispela pik ating em bai daunim spet bilong em stret bilong tais bilong ol dispela pik na meme na i bikpela tru na pundaun stret. Sampela bilong ol dispela pik tu em ol i bikpela pinis na i luk olsem lapun liklik bikos sampela em tit bilong ol i pundaun long sait na bel bilong ol tu i bikpela tru na ol i pulim tasol long graun na raun painim kaikai i stap long dispela rabis ples long Kafana.

Taim mipela i stap yet narapela bikpela

trak bilong wanpela supamakot long Goroka taun i karim ol sting pipia bilong sosis na mit i go long tromoi bikos bokis ais bilong ol i bin bagarap na ol sosis i bagarap na tu sampela ol abus i bagarap na ol i karim i go long tromoi long rabis pipia ples.

Kafana rabis-tip em ples klostu long Goroka we ol bikpela kampani long taun i save go tromoi pipia long hap.

Long dispela ples em i gat narakain samting tu bai yu lukim long dispela hap. Mi yet mi bin go long dispela ples na tru tumas mi bin guria stret na skin bilong mi tu i kirap stret taim mi lukim moa long wan handret pik, dog, meme i bung wantaim na raun raun i stap na kaikai pipia ol lain long taun i karim i go tromoi long hap.

Ol manmeri long Kafana ples pipia

Wanpela liklik boi, Justice James, krismas bilong em i mas 12-krismas samting na ating sapos yu lukim gut ating em i mas mekim gret 6 o seven. Long dispela taim em skul holidi em mipela i bin bungim em.

Sapos em i skul o nogat em mipela i no save tumas. Tasol long dispela taim Wantok Niuspepa i bin bungim em long Kafana rabis pipia ples klostu long Goroka em taim em i bin raun wantaim sampela wantok bilong em na kisim ol pipia raun long hap i stap. Dispela ol pipia em ol lain trak i karim i go tromoi long Kafana

Justice i tok tu olsem em i bin karim wanpela pik bilong em long Unggai maunten i go daun na larim em wantaim kandere meri bilong em long Kafana. Dispela pik i bin liklik stret taim em i karim i



RESIS: Ol man i resis long rausim ol pipia wanpela trak bilong Goroka i karim i go. Ol pik tu i resis wantaim ol long painim kaikai.

RAUN PAINIM KAIKAI: Liklik boi Justice Sam i raun long Kafana rabis ples klostu long Goroka.

go lusim. Tasol bihain long tripela mun tasol Justice i amamas tru long lukim olsem pik ya i gro bikpela bikos em i kaikai planti ol rabis long rabis pipia ples.

Dispela yangpela boi i tokim Wantok Niuspepa olsem em wantaim ol lain wantok bilong em i save stap tasol na wetim ol trak i karim ol pipia i go tromoi na ol i save go na painim wanem ol gutpela samting em ol dispela trak i go tromoi na ol i save kisim na karim i go bek long haus bilong ol.

"Planti taim mipela i save painim ol gutpela samting olsem ol liklik redio i bagarap, ol siot, trausis na tu ol tois," Justice i tokaut olsem.

Justice i stori olsem em i bilong wanpela liklik ples antap long Unggai maunten tasol em i bin muv i kam stap long Kafana bikos sampela lain bilong em i bin muv i go daun na stap long hap.

"Mi save laik go raun long rabis pipia ples bikos sampela ol narapela lain long ples tu i save go long hap na painim ol samting long hap tu," Justice i tok.

Yupela save kisim sik o nogat?

Ating planti lain bai askim olsem ol dispela lain long rabis pipia i save kisim sik o nogat. Wantok Niuspepa i bin askim yangpela man ya Justice na em i tok

olsem planti bilong ol i no save kisim sik bikos ol i stap longpela taim pinis long hap na smel na ol sting bilong ol kaikai ol i tromoi long Kafana rabis pipia em ol i save pinis na planti bilong ol i no save kisim sik.

"Mipela i get yus pinis long stap na rausim ol pipia long rabis damp na planti bilong mipela i stap yet. Mipela i no painim sik nogut," Justice i stori olsem.

Pik bilong ol haus-lain manmeri

Wanpela mausman bilong ol lain long Kafana pipia ples Sepik Apanimo i tokim Wantok Niuspepa olsem dispela ol pik we i save ron ron i go na painim ol pipia kaikai long Kafana em ol pik bilong ol lain long Kafana haus lain.

"Ol papa bilong pik, meme na dok em planti em bilong ol papagraun long haus-lain. Tasol bikos ples bilong pipia i stap klostu long ples bilong ol, orait ol i larim ol dispela enimol i go tasol long rabis ples long painim kaikai.

"Ating taim ol pik i go long rabis ples ol i ken kisim gutpela kaikai na ol lain long haus-lain i no inap long hatwok na kisim gaden kaikai long fidim ol," Apanimo i tok.

"Planti ol dispela pik we i raun raun na painim kaikai long rabis pipa long hia em ol wan



wan papa bilong ol i save long ol na ol bai i no inap lus," em i tok.

Em i tok tu olsem taim ol papamama bilong ol dispela pik i go long rabis pipia ol i ken save yet long pes na kala bilong ol dispela pik na kisim ol na karim ol i go bek long ples sapos ol i laik kilim long hauslain na mekim mumu kaikai o kain samting olsem.

Ol manmeri gat stail nem

Taim mipela i stap yet long Kafana rabis pipia ples mipela i bungim sampela ol lain bilong Kafe eria long Henganofi, tasol ol tu i go stap baim ol liklik blok na sindaun long Kafana. Ol dispela lain Kafe em long hap bilong Namba-2 Kamano we i stap long boda bilong Henganofi na Kainantu distrik long Isten Hailans provins.

Sampela bilong ol dispela lain husat i amamas long toktok wantaim Wantok Niuspepa em ol lain olsem Wanpis Barakuve, Marygrace James, Sepik Apanimo, Komisina Gavaman na tu Ricardo Jackson.

Tru tumas nem bilong ol dispela lain em stail tru ya. Ol i save amamas na stap long Kafana. Ol i no save wari bikos wanem taim wanpela trak i ron i go tromoi pipia long rabis ples ol bai gat kaikai. Narapela samting tu em ol i no save wari tumas long painim abus bikos ol i save kisim isi tasol.

Pik em bun bilong Hailans pipel

Pik em abus tru bilong ol pipel insait long Hailans rijen. Long taim bilong bajm meri o mekim bikpela

mumu kaikai, em pik tasol i save mekim ol samting i go orait olgeta.

Long Hailans planti lain i save tok olsem sapos yu man i gat planti pik em yu man tru. Ating husat dispela man i gat planti pik raun raun i stap long Kafana rabis pipia ples em wanpela man tru stret bikos ol pik ya i bikpela tru na karim stret ol mit na raun helti stret i stap.

Yu husat man i tingting long baim meri bilong yu insait long dispela yia, noken tingting planti bikos sapos yu go daun long Kafana rabis pipia ples bai yu gat gutpela sans tru long lukim kain kain sais bilong pik yu laik baim long mak bilong mani bilong yu. Tru tumas ol dispela ol pik na meme long Kafana i karim stret olgeta samting yu laikim long mekim amamas bilong yu i kamap rait olgeta.



Oda Bilong Papua Niugini

INVESTISÄ SEREMONI LONG GAVMAN HAUS POT MOSBI, NCD LONG FONDE NAMBA 23 DE BILONG MUN FEBRUERI 2006 STAT LONG 2 KILOK LONG APINUN

LONG KISIM LUKSAVE OLSEM OL GRAND COMPANION BILONG ORDER OF LOGOHU (‘GCL’):

Chief, Dame Josephine ABAJAH, GCL, DBE
Right Honourable, Chief, Sir Julius CHAN, GCL,
GCMG, KBE
Chief, Sir Pita LUS, GCL, Kt
Chief Enny MOAITZ, GCL, OBE
Chief Donatus MOLA, GCL, OBE

LONG KISIM LUKSAVE OLSEM OL COMPANION OF THE ORDER OF THE STAR OF MELANESIA (‘CSM’):

Sir George CONSTANTINOU, CSM, OBE
Sir Barry Blyth HOLLOWAY, CSM, KBE
Jean KEKEDO, CSM, OBE
Justice Bernard SAKORA, CSM
James Edward SEETO, CSM, MBE
John R. WILD, CSM, CBE
Sir John YOCKLUNN, CSM, KCVO

LONG KISIM LUKSAVE OLSEM OL OFFICERS OF THE ORDER OF LOGOHU (‘OL’):

Francis Kongu AWESA, OL
Timothy BONGA, OL, MBE
Trevan CLOUGH, OL, MBE
Luciano CRAGNOLINI, OL
Dr. Anthony CRASNER, OL, PhD
Johannes DJOPARI, OL
Susan H. HUHUME, OL, MBE
Father Dustan James JONES, OL, OFM Cap
Franzalbert Fangkhali-Aleisiy JOKU, OL
Yuants KAMAN, OL
John LAU, OL
Mark Austin LYNCH, OL, ISO
Michael MANNING, OL, OBE
Alan John McLAY, OL
Father James MOORE, OL, MSC
Gabriel PEPSON, OL
Ron SEDDON, OL
Lawrence M. SOLOMON, OL
Henry VERATAU, OL, ISO
Anthony C. VOUTAS, OL
Dr Morris WAINETTI, OL
Katsuo YAMASHITA, OL

LONG KISIM LUKSAVE OLSEM OL MEMBA BILONG OL ODA BILONG LOGOHU (‘ML’):

Paul COWDY, ML
Brian Lewis ELLIOT, ML
Yapi EPEI, ML
David Andrew GLOVER, ML
Adira GUMASI, ML, BEM
Derek HARTSHORN, ML

Brian HODGKIN, na Valerie HODGKIN, ML
Gaudi William KIDU, ML
Dick LARRY, ML, BEM
Rei LOGONA, ML
Ricky Moke MITIO, ML
Godrey NIGGINTS, ML
Billy PORYKALI, ML
Aiga RABURA, ML
William Paul RYAN, ML, OBE
Ando! SIONE, ML
Jeanette SOUTHWELL, ML
Pidiwin Tau VALI, ML
Stanley Mervyn WALKER, ML
Stephen John WILKS, ML

LONG KISIM NATIONAL LOGOHU MEDAL (‘LM’):

Kanawi Philip AEWAI, LM
Reverend Rei Lahui AKO, LM
Neil ANDERSON, LM, na Carol ANDERSON,
LM
Susan CHANG, LM
Kelly Gorohu FRANK, LM
Gregory Wayne FENNEL, LM
Glenda Catherine GILES, LM
Estelle JOJOGA, LM
Jenny KING, LM
Reverend Simbiri KUNDIMIA, LM
Pompiran KUYEI, LM
Miai Suve LARELAKE, LM
David MARSH, LM
Ovia Ikupu OVIA, LM
Mogoma PERIKOMA, LM
Pochon Kisokau POMAT, ML
Esau REUBEN, LM
Reverend Yalo SAKAIRE, LM
Joseph Usera SOLULU, LM
Peni TAIME, LM
Elizabeth TEMEN, LM
Rachel TOMURIESA, LM
Alex VINCENT, and Lois VINCENT, LM

LONG KISIM THE CROSS OF MEDICAL SER- VICE MEDAL (‘CMS’):

Kewakali KURI, CMS

LONG KISIM THE DISTINGUISHED MILITARY SERVICE MEDAL (‘DMS’):

Bilong bikpela wok sevis insait long Papua
Niugini Difens Fos.

McChesney S. ALEALE, DMS
Joseph BEN, DMS
Michael DAVID, DMS
Garry FAHO, DMS
Francis JAKIS, DMS

Steven George KELE, DMS
Ronny MORRIS, DMS
Raymond NUMA, DMS
Belden SAMUEL, DMS
Unjo UKENGO, DMS

LONG KISIM THE DISTINGUISHED POLICE SERVICE MEDAL (‘DPS’):

Bilong bikpela wok sevis insait long Royal
Papua Niugini Konstabulari.

Jim ANDREWS, DPS
Gari BAKI, DPS, QPM
Joseph HUAFULO, DPS
Toami KULUNGA, DPS, QPM
Mathew MINOK, DPS
Alfred REU, DPS
Fred SHEEKIOT, DPS
Andrew STERNS, MBE, DPS, QPM
Geoffrey VAKI, DPS
Tony WAGAMBIE, DPS
Jim WAN, DPS

LONG KISIM THE DISTINGUISHED CORREC- TIONAL SERVICE MEDAL (‘DCS’):

Bilong bikpela wok sevis insait long
Koreksenel Sevis.

Sibona DATON, DCS
David Degumba GELE, DCS
Clifford ISARA, DCS
Samson NARO, DCS
Kelly Maeapi KARELLA, DCS
Patty KORE, DCS
Norbert WAMAINGU, DCS, BEM

LONG KISIM THE MERITORIOUS PUBLIC SER- VICE MEDAL (‘MPS’):


Licia BANUVE, MPS
Tom TEWI, MPS, na Wilhelmina TEWI, MPS
Perupa TIAGAMESO, MPS

LONG KISIM MERITORIOUS COMMUNITY SER- VICE MEDAL (‘MCS’):


Aki DOKFAWI, MCS
Mamani KALEPEA, MCS
Kanisius Subong LABUN, MCS
Kokai POISU, MCS
Roy Waguru TENARI, MCS
Huguai WAYABE, MCS

Authorised by: TIPO VUATHA, MBE
Official Secretary to the Governor-General
Government House
Tel: 320 2023, Fax: 321 4543

Hepi Namba 9 Bondei YUMI FM



Kas - T



Uncle ET



Debbie



Rait Leva Vavi Essie

Neville Choi i raitim

DISPELA wik Sarere, namba 25 de bilong mun Februari em i makim namba 9 bondei bilong nambawan tok pisin redio stesen insait long kantri - Yumi FM.

Tru tumas, insait long 9-pela krismas bilong dispela redio stesen, Yumi FM i bin kamapim planti ol kain kain toktok na tok pilai we i pulim laik bilong ol manmeri long kain kain hap

KAS-T

Nem tru tru: Turner Arifeae - Tim Lida/Program Dairekta bilong Yumi FM

Krismas: Klostu foapela ten nau
Nem bilong So bilong yu: Sankamap So - 6 inap 10 kilok moning.

As Ples: Lelefiru, Galp Provins
Bikpela long: Koaru viles, Malalaua Distrik, Galp

Kamap Redio Anaunsa olsem wanem: Mi bin ringim JK (Justin Kili) long wanpela independens de na ol i askim mi long helpim. Mande antap bipo redio mausmeri Mama Franco (Francesca Semoso) i askim, sapos mi gat laik long wok pat taim. Mi kisim dispela sans na bihain mi kisim Burukim Tulait So nambel long 12 kilok i go inap 6 kilok moning bifo mi muv i go long Avinun Draiv, bihain mi kam lukautim Sankamap So we nau mi laikim tumas.

Gutpela bilong So bilong yu: Mi save amamas long moning so long wanem mi gat sans long putim smail long pes bilong ol arapela bai ol i ken statim gut de bilong ol. Na em i sans bilong mi long tromoi ol liklik stori na tok pilai tu.

Nogut bilong So bilong yu: Samting we i hat liklik long dispela so bilong mi em mi mas kirap long 4 kilok moning na taim mi painim belo, olgeta bun bilong mi i slek pinis.

Pani samting i kamap long so: Wanpela mangi i gat 8 krismas i bin ringim mi wanpela moning na mipela i lap gut tru taim em i tok em i gat tripela nem. Bihain em i askim mi long nem blong mi na mi bekim, "Ankol, mi tu mi gat tripela nem, Kas, Kasen na Kas T."

Nambawan samting i kamap long yu taim yu toktok long redio: Mi bin bungim bipo Praimeri Skul Tisa bilong Trobrien Ailan husat mi bin lusim taim mi bin go long Gaulim Tisas Koles long 1981. Em ples we mi bin lainim tok pisin.

Taim nogut taim yu toktok long redio: Mi bin kisim wanpela telepon kol i kam long kasen brata bilong mi husat i toksave olsem mama bilong mi bin indai.

Wanem stail hap toktok yu save yusim long so bilong yu: 'Putim smail long nus pes blong

bilong Papua Niugini.

Stat long bik moning yet long San Kamap So wantaim poro 'Kas-T i go long sans bilong sautim singsing wantaim Ankol bilong yumi olgeta 'ET' na i go yet inap Coca Cola Garamut So wantaim 'Angra' long nait, Yumi FM i go strong yet long laikim ol pipel bilong PNG 'Nating Tru'.

Ating yu save lap indai long ol stail tok pisin bilong ol anaunsa bilong Yumi FM, tasol yu

kia long husat tru tru i wok long sindaun bak-sait long maikrapon na tromoi ol switpela tok pisin long iau bilong yu?

Sapos nogat, yu laki tru nau long ritim stori bilong ol bikpela nek husat i wok long karim Yumi FM tude.

Hia nau em i stori bilong ol Yumi FM Anaunsa:

yu oltaim oltaim na lukautim yu yet na noken mekim wanpela samting we bai mi no inap long mekim.'

Feivret Kaikai: Saksak na pis em i nambawan. Bai nais moa yet sapos pis em i tomato tin pis.

Feivret samting long mekim long malolo taim: Sindaun amamas wantaim ol poroman, tok pilai na bungim ol arapela pipel.

Stia tok i go long pablik: 'Wanem; samting yu mekim olgeta de na taim bilong wokbaui tu putim Papa God i go pas long halivim yu olgeta de. Na tingim - redio em i trupela poroman bilong yu, long gutpela taim, taim nogut, mipela i stap wantaim yu'

bin stap na wok long Arawa, Bogenvil.

Stia tok i go long pablik: 'Stap trupela man bihainim laik na pasin bilong yu yet na save gut long yu yet long olgeta samting yu mekim long laip.'

Debbie

Nem tru tru: Deborah Dobunaba

Krismas: Aiyoi (Detwan oledi lapun)
Nem bilong So bilong yu: Tunde na Sande mi save toktok long redio na mi save lukautim tu Wan Hit Wandas so. Sapos nogat, mi save wokim ol promosen bilong Yumi FM.

Ples Mama karim: Pot Mosbi Jenerel Haus Sik

Bikpela long: Mosbi
Kamap Redio Anaunsa olsem wanem: Biknem redio mausmeri bilong Yumi FM bipo, Fransisca Semoso i bin halivim mi long kamap olsem redio anaunsa...man, i no isipla wok tu ya! Mi stap wok wantaim Yumi FM long 1999 i kam inap nau.

Gutpela bilong So bilong yu: Olgeta samting mi save toktok long en i save sutim stret laip insait long komyuniti.

Nogut bilong So bilong yu: Taim ol lain mipela i save askim ol long kam toktok long so i no save kamap. Bikpela tuhat na wari save kisim mipela.

Pani samting i kamap long so: Yes, mi ken tingim wanpela taim wanpela i ring i kam na mi kisim telepon na askim "Hello, YUMI FM!" Na em i askim, "em lo we?"

Nambawan samting i kamap long yu taim yu toktok long redio: Taim mipela i toktok long redio na ol bosman bilong mi i tok mi wokim gutpela so.

Taim nogut taim yu toktok long redio: Taim mi wokim laiv intaviu na pawa i blekaut.

Wanem stail hap toktok yu save yusim long so bilong yu: 'Detwan Hao...na Kaioni long olgeta, pinis long so bilong mi.'

Feivret Kaikai: Solwara kaikai. Mi Solwara Meri Ya!

Feivret samting long mekim long malolo taim: Ketsap long slip na restim bodi.

Stia tok i go long pablik: 'Olsem ol man i gat ol rait, yumi ol meri tu i gat ol rait. Noken larim ol man i daunim yumi ol mama.'

Uncle ET

Nem tru tru: Emilouyse (Emile) Tenoa

Krismas: 37 bai tanim 38 long Desemba 27

Nem bilong So bilong yu: Draiv Taim we i gat Saut bilong Uncle ET na Flame Kalsa

As Ples: Motlok Ailan, Bogenvil
Bikpela long: Bogenvil

Kamap Redio Anaunsa olsem wanem: Taim mi pinisim Gret 10 bilong mi long 1984 mi bin wokim 6-pela mun trening wantaim NBC long 1985. Nau mi stap klostu 7-pela yia wantaim Yumi FM.

Gutpela bilong So bilong yu: Mi save amamas long kisim traipela mama bilong ol feks, pas na ol telepon kol olgeta de.

Nogut bilong So bilong yu: I nogat wanpela nogut samting bikos mi save amamas tasol na stap.

Pani samting i kamap long so: Yes, wanpela taim wanpela man i ring i kam na askim mi sapos mi tru tru ankol bilong em.

Nambawan samting i kamap long yu taim yu toktok long redio: Wanpela long ol fens bilong mi i ring i kam na tokim mi olsem mi save mekim gutpela so tru.

Taim nogut taim yu toktok long redio: Taim mi bin wantu long nait na het i pen liklik yet.

Wanem stail hap toktok yu save yusim long so bilong yu: 'Yes, Mi yet Uncle E.T...trupela Uncle bilong yu!'

Feivret Kaikai: Pis i no tan. Feivret samting long mekim long malolo taim: Tingim bek gutpela taim bilong mi taim mi

pilai laiv nambawan taim long Lamana Gold Club long Pot Mosbi long dispela Sarere. Em bai pilai gen long Gold Club long Mas 3. Long Kokopo, em bai pilai long Ralum Klab long Mas 10 na Mas 11 em bai pairapim long Colour Bond fil long Kokopo. Bai ol arapela musik atis olsem Dadii Gii, Leonard Kania na Junior Kopex bai pilai tu wantaim ol arapela ben bilong Is Nu Briten yet.

Mas 18 bai lukim em i kam bek gen long pilai long Lamana.

Taim em i go long Kokopo em bai lukim opim bilong nupela Pacific Gold Studios. CHM i bin baim PGS long 2002 na nau ol bai kirapim bek studio wantaim ol nupela musik rekoding masin we i no bin gat long ENB na kantri. I no long taim i go pinis CHM i bin karim tupela Australia man i kam long Brisben long sanapim dispela nupela ol masin na trenim ol Saun Ensinia long redi long dispela bikpela opim.

'Trupela Man' em i

singsing bilong Tania we em i singim wantaim Dadii Gii na i wok long kukim i stap. Ol arapela singsing olsem 'Gonna Make You See' na 'Ladies Do It Better' em CHM i tok bai ol i gat nem tu.


Nau yet PNG musik indastri i gat planti man atis na ben na wan wan meri musik atis olsem Rabbie Gamenu, Cathy Lee na pikinini meri bilong em Jamie, na Angela Wala. Tania Sorariba em i nara-pela nem bilong ol PNG musik atis

bilong bihain taim.


Tania bai raun lukim ol skul long promotim awenes wok agensim bagarapim ol meri insait long PNG.

"Em i bikpela samting olsem ol yangpela pipel i mas lainim long rispektim ol yet, na pait pasin em i no inap long stretim olgeta hevi bilong mipela," Tania i tok.

CHM Supersounds yet wantaim Lamana Hotel, Lamana Gold Club na Panasonic em ol bikpela sponsa husat i kisim Tania i kam long PNG.



Poto na Stori i kam long CHM & Sons Limited.



OL POT MOSBI na Kokopo pipel bai kalap na danis taim 'Nupela Meri Atis bilong Yia' Tania Sorariba bai pairapim ol singsing olsem 'Trupela Man' we i wok long kukim kantri i stap.

Tania nau i kamap wanpela bikpela save pes insait long PNG na em kam long Australia pinis long promotim nupela albam bilong em 'With All My Love' aninit long CHM Supersound lebol.

Dispela Popondeta miks Sentrel angelo bai

Raun wantaim Kanage olgeta wik



SP NATIONAL WEEKLY HITPARADE
 Bikpela Spona: SP LAGER - FEBRUARI 25/02/06
 Host: Kas T Yumi FM


Singsing	Atis	Dispela Wik
Stap Sore	Kekene	1
Ramandu Beach	Off Cuts	2
Milomilo	Kekene	3
Skul Mangi	Gedix	4
Pasin Barata	Dadii Gii	5
Queen 4 Lane	Leonard ft Anslom	6
Gutsomi	Leftovers	7
Biga Ai	David Rangs	8
Korivido	Saba	9
Maten Kandiek	Twin Hok of Kavieng	10
Angel	Kekene	11
Lavill fes blutiful bodi	Stranded	12
Stailim Stailim	Murphy	13
Spent all my life	Triple J	14
Mi Wrong	Offcuts	15
Kellu Ngala	Saba	16
Daba	Litol Rastas	17
Apusombu Seta	Sepik Spirit	18
Rosie Marara	Sharzy	19
Living on a prayer	Troublezone ft Sasha	20

TV GAID

Time	Channel	Program
FONDE 23 FEBRUARI, 2006		
5:27AM	STATION OPEN	
5:30AM	G	JOYCE MEYER
6:00AM	G	TODAY
9:00AM	G	CREFFLO DOLLAR
9:30AM	Personal Development - Grade 7	
10:20AM	Making A Living - Grade 7	
11:10AM	Social Science - Grade 7	
12:00PM	Mathematics - Grade 8	
1:15PM	Science - Grade 8	
KIDS KONIA games, competition and lots more....		
2:30PM	G	BANANAS IN PYJAMAS
3:00PM	G	NEW MACDONALD'S FARM
3:30PM	G	H5
4:00PM	G	Y
4:30PM	G	HOT SOURCE
4:57PM	G	EMTV TOK SAVE
5:00PM	G	BERTS FAMILY FEUD
5:29PM	G	EMTV NEWS UPDATE
5:30PM	G	TEMPTATION: The New Sale of the Century
6:00PM	G	NATIONAL EMTV NEWS
6:30PM	G	A CURRENT AFFAIR
6:59PM	G	NEWS UPDATE IN TOK PISIN
7:00PM	G	CHM SUPERSOUND
7:57PM	G	EMTV TOK SAVE
8:00AM	G	SPORT SCENE
9:00PM	PG	HOLIDAY SHOWDOWN
10:00PM	PG	KING OF QUEENS
10:30PM	G	EMTV NEWS REPLAY
11:00PM	PG	MOTORWAY PATROL
MIDNIGHT		EMTV PRIME TIME LINE UP
FRAIDE 24 FEBRUARI, 2006		
5:27AM	STATION OPEN	
5:30AM	G	JOYCE MEYER
6:00AM	G	TODAY
9:00AM	G	CREFFLO DOLLAR
9:30AM	Personal Development - Grade 7	
10:20AM	Making A Living - Grade 7	
11:10AM	Social Science - Grade 7	
12:00PM	Mathematics - Grade 8	
1:15PM	Science - Grade 8	
KIDS KONIA		
2:30PM	G	BANANAS IN PYJAMAS
3:00PM	G	NEW MACDONALD'S FARM
3:30PM	G	H5
4:00PM	G	Y
4:30PM	G	HOT SOURCE
4:57PM	G	EMTV TOK SAVE
5:00PM	G	BERTS FAMILY FEUD
5:29PM	G	EMTV NEWS UPDATE
5:30PM	G	TEMPTATION: The New Sale of the Century
6:00PM	G	NATIONAL EMTV NEWS
6:30PM	G	A CURRENT AFFAIR
6:59PM	G	NEWS UPDATE IN TOK PISIN
7:00PM	PG	THE ALICE
8:00PM	G	TOK PIKSA
8:27PM	G	EMTV TOK SAVE with KEVIN MADDO
8:30PM	G	AFL: Brisbane Lions v Essendon Round one of the pre-season Wizard Cup
11:30PM	G	EMTV NEWS REPLAY
MIDNIGHT		EMTV PRIME TIME LINE UP
SARERE 25 FEBRUARI, 2006		
8:00AM	G	PLANET FANTA
9:30AM	G	GOODSPORTS
10:00AM	PG	SO FRESH
11:30AM	G	THE PACIFIC WAY
12:30PM	G	THE BOAT SHOW
1:00PM	G	ESCAPE WITH ET
1:30PM	G	FISHING WILD
AUSTRALIA		
2:00PM	G	EMTV WIDE WORLD OF SPORTS
RUGBY UNION: SUPER 14s Force v Chiefs		
4:00PM	G	EMTV WIDE WORLD OF SPORTS AFL: Kangaroos v Sydney
Round 2 of the pre-season Wizard Cup		
6:00PM	G	NATIONAL EMTV NEWS
Current National News from Papua New Guinea together with international news, sports & weather.		
6:30PM	G	AUSTRALIA'S FUNNIEST HOME VIDEO SHOW
7:27PM	G	EMTV TOK SAVE
7:30PM	G	TOTAL RUGBY
8:00PM	G	EMTV WIDE WORLD OF SPORTS RUGBY UNION: SUPER 14s Rade v Blues
All the action of the super 14s from Brisbane		
10:00PM	G	SOUTH PACIFIC MUSIC
11:00PM	M	WALKER TEXAS RANGER
MIDNIGHT	G	EMTV NEWS REPLAY
00:30AM		EMTV PRIME TIME LINE UP
SANDE 26 FEBRUARI, 2006		
7:28AM	**STATION OPEN**	
7:27AM	G	EMTV TOK SAVE
7:30AM	G	BUSINESS SUCCESS
8:00AM	G	BUSINESS SUNDAY
9:00AM	G	SUNDAY
11:00AM	G	WIDE WORLD OF SPORTS ING CUP FINAL
12:30PM	G	SOME CALL IT SPORT
1:00PM	G	ING CUP FINAL
...continues...		
4:30PM	G	HEY MUST BE MAD
5:00PM	G	THE PACIFIC WAY
6:00PM	G	NATIONAL EMTV NEWS
6:30PM	G	THE HAPPY GARDENER VISITS WEST NEW BRITAIN
7:30PM	G	60 MINUTES
8:30PM	M	SUNDAY NIGHT MOVIE: MAID IN MANKATON **premier** (2002) Comedy/Romance - A successful candidate fails for a hotel maid, thinking she is a socialite when he sees her trying on a wealthy woman's dress.
Stars: Jennifer Lopez, Ralph Fiennes.		
10:30PM G EMTV NEWS REPLAY		
11:00PM G PRAISE		
00:00AM EMTV PRIME TIME LINE UP		
MANDE 27 FEBRUARI, 2006		
5:27AM	STATION OPEN	
5:30AM	G	JOYCE MEYER
6:00AM	G	TODAY
9:00AM	G	CREFFLO DOLLAR
9:30AM	Personal Development - Grade 7	
10:20AM	Making A Living - Grade 7	
11:10AM	Social Science - Grade 7	
12:00PM	Mathematics - Grade 8	
12:45PM	Teacher Training Program	
1:15PM	Science - Grade 8	
1:55PM	Teacher Training Program	
KIDS KONIA		
2:30PM	G	BANANAS IN PYJAMA
3:00PM	G	NEW MACDONALD'S FARM
3:30PM	G	H5
4:00PM	G	Y
4:30PM	G	HOT SOURCE
4:57PM	G	EMTV TOK SAVE
5:00PM	G	BERTS FAMILY FEUD
5:29PM	G	EMTV NEWS UPDATE
5:30PM	G	TEMPTATION: The New Sale of the Century
6:00PM	G	NATIONAL EMTV NEWS
6:30PM	G	A CURRENT AFFAIR
6:59PM	G	NEWS UPDATE IN TOK PISIN
7:00PM	G	PRAISE
8:00PM	G	TOK PIKSA MONDAY EDITION
8:27PM	G	EMTV TOK SAVE
8:30PM	PG	WHO WANTS TO BE A MILLIONAIRE
9:30PM	M	C.S.I. MIAMI "Sex & Taxes"
10:30PM	G	EMTV NEWS REPLAY
11:00PM	G	CHM SUPERSOUND
MIDNIGHT		EMTV PRIME TIME LINE UP
TUINDE 28 FEBRUARI, 2006		
5:27AM	STATION OPEN	
5:30AM	G	JOYCE MEYER
Religious programme		
6:00AM	G	TODAY
9:00AM	G	CREFFLO DOLLAR
Religious programme		
9:30AM	Personal Development - Grade 7	
10:20AM	Making A Living - Grade 7	
11:10AM	Social Science - Grade 7	
12:00PM	Mathematics - Grade 8	
12:45PM	Teacher Training Program	
1:15PM	Science - Grade 8	
1:55PM	Teacher Training Program	
KIDS KONIA		
2:30PM	G	BANANAS IN PYJAMAS
3:00PM	G	NEW MACDONALD'S FARM
3:30PM	G	H5
4:00PM	G	Y
4:30PM	G	HOT SOURCE
4:57PM	G	EMTV TOK SAVE
5:00PM	G	BERTS FAMILY FEUD
5:29PM	G	EMTV NEWS UPDATE
5:30PM	G	TEMPTATION: The New Sale of the Century
6:00PM	G	NATIONAL EMTV NEWS
6:30PM	G	A CURRENT AFFAIR
6:59PM	G	NEWS UPDATE IN TOK PISIN
7:00PM	G	HAUS & HOME
7:57PM	G	EMTV TOK SAVE
8:00PM	PG	CELEBRITY OVERHALL
9:00PM	PG	KING OF QUEENS
9:30PM	M	COLD SQUAD
10:30PM	G	EMTV NEWS REPLAY
11:00PM	M	C.S.I.
00:00AM		EMTV PRIME TIME LINE UP
TRINDE 1 MAS, 2006		
5:27AM	STATION OPEN	
5:30AM	G	JOYCE MEYER
6:00AM	G	TODAY
9:00AM	G	CREFFLO DOLLAR
9:30AM	Personal Development - Grade 7	
10:20AM	Making A Living - Grade 7	
11:10AM	Social Science - Grade 7	
12:00PM	Mathematics - Grade 8	
12:45PM	Teacher Training Program	
1:15PM	Science - Grade 8	
1:55PM	Teacher Training Program	
KIDS KONIA		
games, competition and lots more....		
2:30PM	G	BANANAS IN PYJAMAS
3:00PM	G	NEW MACDONALD'S FARM
3:30PM	G	H5
4:00PM	G	Y
4:30PM	G	HOT SOURCE
4:57PM	G	EMTV TOK SAVE
5:00PM	G	BERTS FAMILY FEUD
5:29PM	G	EMTV NEWS UPDATE
5:30PM	G	TEMPTATION: The New Sale of the Century
6:00PM	G	NATIONAL EMTV NEWS
6:30PM	G	A CURRENT AFFAIR
6:59PM	G	NEWS UPDATE IN TOK PISIN
7:00PM	G	ICC CRICKET WORLD CUP FINAL
7:30PM	PG	MCLEOD'S DAUGHTERS
8:27PM	G	EMTV TOK SAVE with Kevali Medo
8:30PM	M	WEDNESDAY NIGHT MOVIE: SEE SPOT RUN(2002) Comedy - A mailman takes care of a dog that, unbeknown to him, is an FBI doggerel and suspecting that has escaped from the witness protection program after becoming the target of an assassination.
Stars:David Arquette, Michael Clarke Duncan, Leslie Bibb, Joe Verrill.		
10:30PM	G	EMTV NEWS REPLAY
11:30PM	G	SOUTH PACIFIC MUSIC
12:30AM		EMTV PRIME TIME LINE UP

CATHOLIC RADIO 103.5 FM

Time	Program	Time	Program
Fonde			
6:00	ANGELUS	6:05	SUNDAY EUCHARIST (replay)
6:05	MEDITATION/INSPIRATIONAL MUSIC	7:00	HOLY ROSARY
7:00	VATICAN RADIO WORLD NEWS	7:30	CATHOLIC INSIGHT
7:15	VATICAN ENGLISH PROGRAM	8:00	VATICAN WORLD NEWS
7:35	NON-STOP GOSPEL MUSIC	8:15	VATICAN ENGLISH PROGRAM
8:00	JOURNEY HOME (EWTN)	8:40	IN THE LORD'S VINEYARD
9:00	VATICAN RADIO WORLD NEWS	10:00	NON-STOP GOSPEL MUSIC
9:15	VATICAN ENGLISH PROGRAM	Mande	
9:40	KIDS SING-ALONG	6:00	ANGELUS
10:00	CATHOLIC JUKEBOX	6:05	MEDITATION / INSPIRATIONAL MUSIC
10:30	GOSPEL MUSIC	7:00	VATICAN WORLD NEWS
11:00	NON-STOP GOSPEL MUSIC	7:15	VATICAN ENGLISH PROGRAM
12:00	ANGELUS	7:35	NON-STOP MUSIC
12:05	VATICAN WORLD NEWS	8:00	BEST OF JOURNEY HOME
12:20	VATICAN ENGLISH PROGRAM	9:00	VATICAN WORLD NEWS
12:40	REFLECTION MUSIC	9:15	VATICAN ENGLISH PROGRAM
1:00	LAMB'S SUPPER WITH DR. SCHOTT HAHN	9:35	KIDS SING ALONG
2:00	MUSIC	10:00	CATHOLIC JUKEBOX (EWTN)
3:00	CHAPLET OF DIVINE MERCY	10:30	NON-STOP GOSPEL MUSIC
3:20	NON-STOP GOSPEL MUSIC	12:00	ANGELUS
4:00	CATHOLIC JUKEBOX (ENCORE)	12:05	VATICAN WORLD NEWS
4:30	NON-STOP GOSPEL MUSIC	12:20	VATICAN ENGLISH PROGRAM
5:00	JOURNEY HOME	12:40	AFTERNOON REFLECTION MUSIC
6:00	ANGELUS	1:00	THE WAY TO FOLLOW JESUS
6:05	MADANG LOCAL NEWS	1:30	GOSPEL MUSIC
6:10	VATICAN ENGLISH PROGRAM	3:00	CHAPLET OF DIVINE MERCY
6:30	LAMB'S SUPPER WITH DR. SCHOTT HAHN	3:20	NON STOP GOSPEL MUSIC
7:00	HOLY ROSARY	4:00	CATHOLIC JUKEBOX (EWTN)
7:30	CATHOLIC INSIGHT	4:30	NON STOP GOSPEL MUSIC
8:00	VATICAN WORLD NEWS	5:00	MESSAGE IN MUSIC
8:15	MADANG LOCAL NEWS	6:00	ANGELUS
8:30	VATICAN ENGLISH PROGRAM	6:05	VATICAN ENGLISH PROGRAM
9:00	TOK STRET LONG HVAIDS	6:30	MANY FACES OF MARY
10:30	VATICAN ENGLISH PROGRAM	7:00	HOLY ROSARY
Fraide			
6:00	ANGELUS	7:30	BENEDICTION
6:05	MEDITATION/INSPIRATIONAL MUSIC	8:00	VATICAN WORLD NEWS
7:00	VATICAN WORLD NEWS	8:15	CRN LOCAL NEWS
7:15	VATICAN ENGLISH PROGRAM	8:30	VATICAN ENGLISH PROGRAM
7:25	NON STOP GOSPEL MUSIC	9:00	BEST OF JOURNEY HOME
8:00	RADIO ST. JOSEPH PRESENTS	10:00	CATHOLIC JUKEBOX (EWTN)
9:00	VATICAN WORLD NEWS	10:30	VATICAN ENGLISH PROGRAM
9:15	ENGLISH PROGRAM	11:00	NON-STOP GOSPEL MUSIC
9:35	KIDS SING-ALONG	Tunde	
10:00	CATHOLIC JUKEBOX	6:00	ANGELUS
10:30	NON STOP GOSPEL MUSIC	6:05	MEDITATION/INSPIRATIONAL MUSIC
12:00	ANGELUS	7:00	VATICAN WORLD NEWS
12:05	VATICAN WORLD NEWS	7:15	VATICAN ENGLISH PROGRAM
12:20	VATICAN ENGLISH PROGRAM	7:35	NON STOP MUSIC
12:40	REFLECTION MUSIC	8:00	RADIO ST. JOSEPH PRESENTS
1:00	OUR FATHER'S PLAN	9:00	VATICAN RADIO WORLD NEWS
1:30	AFTERNOON GOSPEL MUSIC	9:15	VATICAN ENGLISH PROGRAM
3:00	CHAPLET OF DIVINE MERCY	9:40	KIDS SING-ALONG
3:20	NON-STOP GOSPEL MUSIC	10:00	CATHOLIC JUKEBOX
4:00	CATHOLIC JUKEBOX (EWTN)	10:30	GOSPEL MUSIC
4:30	NON-STOP GOSPEL MUSIC	12:00	ANGELUS
5:00	WAVE FACTOR (EWTN)	12:05	VATICAN WORLD NEWS
6:00	ANGELUS	12:20	VATICAN ENGLISH PROGRAM
6:05	VATICAN ENGLISH PROGRAM	12:40	REFLECTION MUSIC
6:30	FATIMA	1:00	SUPER SAINTS
7:00	HOLY ROSARY	1:30	GOSPEL MUSIC
7:30	STATIONS OF THE CROSS	3:00	CHAPLET OF DIVINE MERCY
8:00	VATICAN WORLD NEWS	3:20	NON STOP GOSPEL MUSIC
8:15	CRN LOCAL NEWS	4:00	CATHOLIC JUKEBOX
8:30	VATICAN ENGLISH PROGRAM	4:30	NON-STOP GOSPEL MUSIC
9:00	TOK STRET LONG HVAIDS	5:00	RADIO ST. JOSEPH PRESENTS
10:00	CATHOLIC JUKEBOX	6:00	ANGELUS
10:30	VATICAN ENGLISH PROGRAM	6:05	ATAPE LOCAL NEWS
11:00	NON STOP GOSPEL MUSIC	6:10	VATICAN ENGLISH PROGRAM
Sarere			
6:00	ANGELUS	6:30	MOTHER OF REDEEMER
6:05	MEDITATION/INSPIRATIONAL MUSIC	7:00	HOLY ROSARY
7:00	OUR FATHER'S PLAN	7:30	SUPER SAINTS
7:30	CROSSROADS (EWTN)	8:00	VATICAN WORLD NEWS
8:00	VATICAN WORLD NEWS	8:15	ATAPE LOCAL NEWS
8:15	VATICAN PROGRAM	8:20	VATICAN ENGLISH PROGRAM
8:35	MUSIC	9:00	TOK STRET ABOUT HVAIDS WITH FR. JUDE (ENGLISH)
9:30	BACKSTAGE (EWTN)	10:00	CATHOLIC JUKEBOX
10:00	WAVE FACTOR	10:30	VATICAN ENGLISH PROGRAM/PROGRAMME
11:00	NON-STOP GOSPEL MUSIC	10:50	NON-STOP GOSPEL MUSIC
12:00	ANGELUS	Trinde	
12:05	VATICAN WORLD NEWS	6:00	ANGELUS
12:20	VATICAN ENGLISH PROGRAM/PROGRAMME	6:05	MEDITATION/INSPIRATIONAL MUSIC
12:40	GOSPEL MUSIC	7:00	VATICAN WORLD NEWS
3:00	CHAPLET OF DIVINE MERCY	7:15	VATICAN ENGLISH PROGRAM
3:20	GOSPEL MUSIC	7:35	NON-STOP GOSPEL MUSIC
4:00	BACKSTAGE	8:00	SCRIPTURE MATTERS WITH DR. SCHOT HAHN (EWTN)
4:30	NON-STOP GOSPEL MUSIC	9:00	VATICAN WORLD NEWS
5:00	WORLD OVER NEWS	9:15	VATICAN ENGLISH PROGRAM
6:00	ANGELUS	9:35	KIDS SING ALONG
6:05	VATICAN ENGLISH PROGRAM/PROGRAMME	10:00	CATHOLIC JUKEBOX
6:30	MIRACLES OF THE CROSS	10:30	NON-STOP GOSPEL MUSIC
7:00	HOLY ROSARY	12:00	ANGELUS
7:30	CROSSROADS	12:05	VATICAN WORLD NEWS
8:00	VATICAN WORLD NEWS	12:20	VATICAN ENGLISH PROGRAM
8:15	VATICAN ENGLISH PROGRAM	12:40	REFLECTION MUSIC
9:00	WORLD OVER NEWS (EWTN)	1:00	FIRST COMES LOVE DR. SCHOT HAHN (EWTN)
10:00	BACKSTAGE	1:30	AFTERNOON GOSPEL MUSIC
10:30	VATICAN ENGLISH PROGRAM/PROGRAMME	3:00	CHAPLET OF DIVINE MERCY
10:50	NON-STOP GOSPEL MUSIC	3:20	NON-STOP GOSPEL MUSIC
Sande			
6:00	ANGELUS	4:00	CATHOLIC JUKEBOX
6:05	MEDITATION/INSPIRATIONAL MUSIC	4:30	NON-STOP GOSPEL MUSIC
8:00	VATICAN WORLD NEWS	5:00	SCRIPTURE MATTERS
8:15	VATICAN ENGLISH PROGRAM	6:00	ANGELUS
8:35	NON-STOP GOSPEL MUSIC	6:05	VANIMO LOCAL NEWS
9:00	SUNDAY EUCHARIST LIVE	6:10	VATICAN ENGLISH PROGRAM
10:30	NON-STOP MUSIC	6:30	FATIMA, HEAVEN'S PEACE PLAN
11:00	IN THE LORD'S VINEYARD		



Laikim Penpren

Nem: Robert Hambak
Krismas: 20 (man)
Adres: Aitape Vocational Training Institute, PO Box 34, Aitape, Sandaun Province
Save laikim: Harim musik, pilai volibol, stori wantaim ol manki na wok agrikalsa.

Nem: Emmanuel Bright Mensah
Krismas: 18 (man)
Adres: PO Box AD 1218, Adabaka Accra, Ghana, Western Africa
Save laikim: Pilai futbol, raitim pas na senisim poto na presen.

Nem: Pakui Kambue
Krismas: 19 (man)
Adres: C/- Dr. Y. Kambue, Angau Memorial Hospital, PO Box 457, Lae, Morobe Province
Save laikim: Go lotu, raitim pas, senisim presen, raun long ol ples na harim gospel musik.

Nem: Shiana Araba
Krismas: 17 (meri)
Adres: PO Box 4111, Lae, Morobe Province
Save laikim: Pilai basketbol, netbol, volibol, lukim CD na singim song na go raun wantaim ol pren.

Nem: Konah Kunda
Krismas: 18 (man)
Adres: Sonoma Plantation, PO Box 360, Kokopo, ENBP
Save laikim: Kukim kaikai na go lotu.

Nem: Glaisen Leme
Krismas: 22 (man)
Adres: Sonoma Plantation, PO Box 360, Kokopo, ENBP
Save laikim: Wok gaden, lotu na harim gospel musik.

Nem: Ara Watis
Krismas: 18 (man)
Adres: Niugini International Corporation Ltd, PO Box 102, Kerema, Gulf Province
Save laikim: Pilai volibol, basketbol na kiboksing, harim redio na raitim pas.

Nem: Miss Debora Anderson
Krismas: 27 (meri)
Adres: PO Box CC 1167, Garden Street, Cape Coast, Ghana, West Africa
Save laikim: Raun raun long ol ples, kukim kaikai, harim musik na raitim pas.

Nem: Charles Obeng Addai
Krismas: 20 (man)
Adres: PO Box 17797, Accra, Ghana, West Africa
Save laikim: Mitim ol pren, raitim pas i go i kam, na raun lukluk long ol ples.

Nem: Miss Georgina Rockson
Krismas: 28 (meri)
Adres: PO Box 991, Adisadel-Central Region, Ghana, West Africa
Save laikim: Kukim kaikai, harim musik, lukim TV na raitim pas i go i kam.

Moran Man



STORI TUMBUNA

BIPO tru, long Boroman viles, long Karkar Ailan i gat wanpela man wantaim meri bilong em tupela i stap wantaim.

Na long wanpela de man ya i go raun long bus na em i lukim wanpela diwai mon i karim na i mau nogut tru i stap. Ol blakbokis i wok long kam na save kaikai ol pikinini bilong dispela mon.

Man ya kwiktai i go long ples na tingting long stretim gut supia na bunara bilong em. Em i tingting long sutim ol blakbokis ya long nait.

Em i wet i stap long ples i tudak nau, na em i kirap na kisim ol spia na bunara bilong em i go long as bilong dispela diwai mon. Yupela save long pasin bilong go long bus na painim abus. Noken toksave long ol lain bilong yu long dispela samting.

Olsem na em i stretim gut spia na bunara bilong em na i no toksave long ol pikinini na

mama na papa na ol arapela wantok bilong em na em i go long bus.

Em i wokabaut i go long rot na em yet i tingting tasol long wanem samting em bai mekim, inap long taim em i kamap long as bilong dispela mon.

Taim em i laik lukluk i go antap long mon, oloman! I nogat wanpela han o lip bilong mon i stap nating. Olgeta han na lip bilong mon i pulap tru long blakbokis tasol. Diwai i go tudak olgeta.

Man ya i guria nogut na em i go antap long mon kwiktai tru.

Taim em i kamap long kru bilong mon, em i lukim wanpela bikpela hul tru i stap antap long dispela diwai. Na hul ya i daun nogut tru na insait long en i tudak stret. Tarangu ya i wok long painim ples bilong sanap, tasol i nogat gutpela ples i stap we em i ken putim lek bilong em na redi long sutim ol blakbokis. Em i painim ples i nogat na em i sanap arere long dispela hul

tasol na em i traim long sutim ol blakbokis. Tasol baga ya i kism wanpela spia nau na putim i go long rop bilong bunara na em i redi long taitim na lusim long wanpela blakbokis. Em i makim wanpela bikpela blakbokis tru. Em i pulim rop bilong banara bilong em nau long sutim draipela blakbokis ya.

Em i wok long pulim yet rop bilong bunara ya na rop bilong bunara i kam klostu tru long bros bilong em. Nau tarangu, taim em i laik lusim rop bilong bunara i bruk na man ya i pundaun i go daun insait long hul bilong dispela diwai mon. Na em i wok long painim rot bilong en long kam ausait long dispela hul bilong diwai. Tasol em i no inap long kam ausait tru. Na dispela hul em i bilong ol snek moran.

Ol snek moran tu ol i go ausait pinis long apinun long painim kaikai bilong ol na man ya i pundaun tasol long ples bilong ol.

Em nau, tarangu ya i no inap long go ausait na em i stap long ples bilong ol moran i go inap tulait i bruk. Tulait nau na ol lain bilong em long ples i wok long painim man ya i go i go na nogat, ol i no lukim em tru.

Long moning taim tru bilong narapela de, ol lain bilong man ya i kirap gen na go long bus na wok long painim em i stap. Tasol ol i no bin painim em tu long dispela de. Long apinun ol lain bilong em i kam bek gen long ples bilong ol na ol i tok, ol i ting olsem ol masalai i kaikaim em pinis.


Tasol tarangu ya i stap yet insait long mon. Na long moning ol moran i kam bek long haus o hul bilong ol na ol i lukim dispela man i stap. Man long olgeta rop bilong mon i gat moran i stap. Ol liklik moran i save stap long liklik rop bilong mon na ol bikpela moran i save stap long bikpela rop bilong mon. Taim man ya i pundaun i kam daun long hul, em i pasim tru ples bilong ol moran ya olsem na ol i slip long ol rop na han bilong mon. Long moning taim gen, ol moran i tingting long painim rot bilong helpim em i kam ausait na ol i painim wanpela rot bilong helpim.

Mama na papa bilong ol moran i raunim ol yet daunbilo na ol pikinini moran i raunim ol antap antap long ol yet na ol i apim man ya i go ausait long hul bilong dispela mon.

Man ya i go daun long dispela mon na em i go long ples na em i tokim ol lain bilong em long dispela stori. Man, em i no sori tu long ol moran ya husat i bin helpim em, em i kirap na tokim ol man bilong ples na ol i go long dispela mon na ol i wok long katim i go daun.

Ol i save kaikai moran long dispela taim tu na ol i kiimi olgeta moran long dispela hul na kaikaim olgeta.

Stori i kam long Madang Provinces



Mi wari long painim wok bihain long skul.

Dia Laiplain

NAU yet mi wokim CODE stadi tasol mi tingting planti olsem mi no inap long kism wanpela wok taim mi pinisim kos. Mi no stap long taun we ol wantok i ken helpim mi. Na tu, famili bilong mi inogat inap mani.


NOGAT WOK

DIA PREN

MIPELA i save long wari bilong yu. Planti yangpela manki i gat wankain hevi olsem yu.

Wok painimaut i soim olsem nogat planti skul liva i kism wok. Dispela em long nau yet na sampela long bihain taim.

Long 20 yia i go pinis, i gat planti wok. Tasol long dispela taim na de, em i hat long ol sumatin husat i gat Gret 10 setifiket long kism wok. Planti pipel olsem ol papa na mama i no save olsem dispela i senis pinis.



Planti pipel i ting yet olsem taim wanpela sumatin i pinisim Gret 10, wanpela samting long mekim em long painim wok we em i ken kism potnait pe long em. Tru, planti pipel wantaim dispela kain tingting bai i no inap amamas.

Gavman i bin kamapim bikpela tingting long olgeta Gret 6 sumatin i skul inap long Gret 10 long Hai skul bikos dispela bai helpim ol long painim sampela kain we bilong kism mani. Na i no bilong painim wok long kism

potnait pe tasol. Gutpela piksa em long go bek long ples na kamapim ol liklik bisnis olsem ol kakaruk fam o planim ol kaikai na salim long maket.

Ol gavman bodi i sapotim na tromoim mani i go long helpim pipel i kamapim kain bisnis. Olsem na mipela i askim yu long traim painim kain helpim long eria bilong yu.

Yu ken traim long lukim wanpela didiman o bisnis developmen opisa long eria bilong yu wantaim distrik yut kodineta long sampela helpim. Yu ken sekim long Nesanel Yut Muvmen program. Dispela program i save helpim ol yut grup long kirapim liklik bisnis projek.

Mipela i bilip yu bai painim sampela kain we long kamapim gutpela sindaun insait long ples bilong yu. Na i no tingting tasol long painim wok bilong kism potnait pe bikos i gat bikpela resis tru.

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain

Nu Ailan bai strongim prut na kumu prodaksen

Gary Fagan (FPDA) i raitim

PRES Produs Developmen Ejensi (FPDA) i wok long surukim wok bilong em i go insait long Nu Ailan provins long Niugini Ailans rijen long halivim ol lain manmeri i gat tingting long groim ol prut na kumu.

Paitim tok i wok long go het yet namel long Pres Produs Developmen Ejensi na Nu Ailan Provinsel Etministresen long skelim, kirapim bek na strongim pres produs industri insait long provins.

FPDA i soim bikpela laik long strongim pres produs industri insait long Nu Ailan provins moa yet long ples Lelet i stap long ol maunten bilong Wes Kos Nu Ailan. FPDA i mekim tupela raun i go long provins pinis na wanpela ripot bilong ol dispela tupela raun i stap nau wantaim Nu Ailan Provinsel Etministresen.

Kos bilong dispela raun em FPDA na Nu Ailan provinsel etministresen yet i bin baim.

FPDA Ekstensen Etwaisa long Rabaul, Elizabeth Melchior i tok as tingting bilong strongim industri long Nu Ailan em long halivim ol pipel husat i laik wok insait long industri long kamap strong moa long prodaksen na maketing bilong pres kaikai.

Misis Melchior i tok, "Aninit long Dipatmen bilong Praimeri Industri, FPDA i laik halivim ol pipel long kamapim inap pres kaikai bilong ol haus bilong ol na tu bilong salim na strongim ron bilong kesmani insait long provins."

Em i tok nau yet ron bilong kesmani insait long provins i sanap strong long ol potnait bilong ol publik seven, Poliamba wel pam estet, kakao na kokonas, wok maket na liklik turisim industri insait long provins.

Em i tok tu olsem rot bilong ol

lain pipel bilong Lahir i go long Kokopo long Is Nu Briten i wok long pulim ol kesmani long Nu Ailan provins, olsem na Nu Ailan provins i laik strongim bek nesanel kaikai sekyuriti polisi bilong em bai ol pipel i ken:

- Apim mak na strongim prodaksen na opim rot i go long ol kaikai bilong wan wan haus;
- Strongim ol gutpela kaikai na strongim laip bilong ol pipel;
- Strongim prodaksen, daunstrim prosesing, maketim na rot bilong yusim kaikai; strongim ol fomol na infomol netwok wantaim;
- Strongim gutpela rot bilong menesim na yusim graun, wara, fiseris na ol diwai;
- Strongim na kirapim bek bikpela wok bung bilong ol meri long olgeta hap wok bilong agrikalsa developmen.



GIVIM STIA TOK: Ekstensen Etwaisa bilong FPDA Elizabeth Melchior i givim stia tok long wanpela long ol fama insait long Is Nu Briten provins long wanpela long ol lukluk raun bilong em long sekim wok bilong ol fama.

Misis Melchior i tok Nu Ailan provins i gat gutpela kaikai sekyuriti long sait bilong gris bilong kaikai we i ken strongim komyuniti long groim ol kaikai olsem kaukau, taro, tapiok, yam, mami na saksak.

I gat ol pipel long ol arapela eria we i nogat gutpela kaikai sekyuriti bikos i nogat rot long kisim inap kaikai, graun i no gutpela o i no orait bilong kaikai prodaksen.

Em i tok, "FPDA na Nu Ailan provinsel etministresen nau i wok long wokbung long developim Lelet

Platou we em i gutpela ples bilong groim ol gutpela kaikai."

Misis Melchior i tok Nu Ailan provinsel etministresen i givim ful sapot bilong em na i givim samting olsem K27,000 long sanapim bek pres prut na kumu projek long Lelet.

Em i tok manimak Nu Ailan provinsel gavman i givim i soim olsem em i laik kirapim gutpela sindaun bilong ol pipel long sait bilong groim ol gaden kaikai na bilong saplaim long ol arapela maket insait long provins na tu i go long ol nupela maining kampani.

Halivim bai go long ol Mumeng fama

Gary Fagan (FPDA) i raitim

OL PIPEL bilong Mumeng insait long Morobe provins nau bai i ken kamapim gutpela kwolati kumu bihainim wanpela tok promis i kam long Pres Produs Developmen Ejensi (FPDA).

Ol opisa bilong FPDA na Morobe provinsel praimer industri (DPI) i bin raun i go long Mumeng distrik i no long taim i go pinis na tokim ol pipel olsem FPDA na DPI i tok orait long bungim ol risos bilong ol long halivim ol asples pipel.

Dispela halivim ol bai kisim em long ol teknikal toksave o stia tok na kumu prodaksen trening. Olgeta dispela stia tok na trening bai halivim ol as ples manmeri long kamapim gutpela kwolati gaden kaikai na kisim gutpela winmani bilong sapotim ol famili bilong ol.

FPDA bai go pas long redim ol fama long stretim ol yet aninit long kopretiv sosaiti straksa.

Maketing na Infrastraksa Divisinel Menesa Ken Konafo i tokim ol fama

husat i bin bung long Mumeng stesen olsem FPDA, wantaim halivim i kam long Provinsel Dipatmen bilong Praimeri Industri long Lae bai wok bung long givim ful teknikal trening long olgeta rot bilong groim kumu, stat long neseri, bihain long havestim kaikai, ol marasin bilong kumu, rausim na planim gen i go inap long maket na salim.

Mista Konafo i tokim ol pipel olsem FPDA i lukluk long halivim ol pipel long kisim wanpela gutpela winmani long kumu prodaksen bai ol i ken i gat sampela mani long baim ol samting bilong strongim ol yet.

Long wankain taim, ol fama i tokim ol opisa bilong FPDA olsem ol i bin traim long salim ol gaden kaikai bilong ol long planti ol supamakot insait long Lae siti tasol ol i no givim ol gutpela prais bilong hatwok bilong ol.

Ol i tok long dispela as, planti nau i wok long salim gaden kaikai bilong ol long ol maket insait long Lae siti. Ol arapela i lusim wok gaden na groim kaikai bilong ol yet long kaikai.

Kakao Bod lukluk long rurel industri insait long PNG

TRU tumas, em i wanpela gutpela taim bilong stop, skelim na lukluk bek long ol bikpela wok kamap insait long kakao industri, ol samting i daunim wok bilong em na tok klia long ol progrem na tingting bilong industri long halivim long karimaut nesanel gavman polisi bilong Ekspot Driven Rikavri Strateji i go inap long bihain taim.

Dispela samting i stap long baksait long gutpela strongpela gavman i stap nau na industri na ol arapela bisnis i wok long sanap strong moa, na i go moa yet, em i kam wantaim olgeta sapot bilong dispela gavman, Bod, ol ejensi na stekholda bilong em i bin kamapim ol senis na kirapim bek groa na bilip insait long sekta na long strongim tu nesanel ekonomi.

Kakao industri em i wanpela industri we moa long 20% bilong olgeta pipel bilong dispela kantri i save sindaun antap long en long kisim kesmani. Kontribusen bilong industri i go long nesanel ekonomi i gat stori bilong em i stap pinis. Kakao i save givim 19% long olgeta agrikalsa ekspot winmani las yia na manimak i winim K200 milien bihain long wel pam na kopi.

Ol prais bilong kakao insait long laspela tripela yia i bin stap antap tru, na nau em i strong moa long bipo, wanpela gutpela mak bilong ol gutpela wok kamap insait long industri. Long 2000 i go inap 2005, ol ekspot long sait bilong prodaksen i bin inap long 40,000 tan. Dispela i mekim K101 milien long 2000, K126 milien long 2001, K256 milien long 2002, K258 milien long 2003 na K219 milien long

2004. Ol namba i kam insait pinis i soim olsem las yia, ol kakao ekspot i bin plai i go antap inap long 47,000 tan, namba we i antap tru bihain long kakao i bin kirap olsem wanpela wok bisnis samting olsem 50 krismas i go pinis. Dispela i mekim foren eksens inap long K208 milien. Ekspot bilong las yia i we i bin groa i go bikpela tru i makim 13.4% gro long 41,000 tan long 2004.

Tasol i bin i gat wanpela daunim long wok bilong groim samting insait long agrikalsa sekta long kain kain as.

Namba wan, ol infrastraksa olsem ol rot na bris we i mas i strap bilong strongim gutpela kakao prodaksen i no bin stap bikos ol gavman bilong bipo i no bin givim luksave long en.

Namba tu samting, kakao sekta insait long dispela kantri i no bin kisim inap luksave bilong ol gavman bilong bipo.

Maski industri i save kontributim K200 milien olgeta yia i go long nesanel ekonomi, halivim mani i kam long nesanel gavman baset bilong sapotim industri i liklik tru o i nogat olgeta.

I no long taim i go pinis, IRC i bin kamapim ol VAT/GST long olgeta levi ol komoditi industri i save kisim long mekim wok bilong ol insait long ol dispela industri. Olsem wanpela gutpela na namba wan rot, kakao industri levi i bin go antap long 4 toea long wan wan kilogrem i go inap 5 toea long wan wan kilogrem stat long mun Jenuari long dispela yia. Industri Bod na Menesmen i lukim dispela olsem takis we i daun moa long narpela susa institusen olsem KIK

na Kopi husat i save sasim 6 toea na 10 toea long wan wan kilogrem.

Planti long ol bikpela wok bilong Bod i kamap long mak ol i laik kamapim long en. Dispela ol bikpela wok kamap i bin kamap long hatwok na timwok we strongpela bisnis i mas i gat na dispela em Bod i kamap insait long 2004/2005 Kakao Yia.

Wanpela long ol bikpela wok bilong Bod long 2005 em kamapim bilong ol Provinsel Kakao Konsaltativ woksop we i bin karamapim 14 nambis provins insait long PNG. Ol dispela provins em Is Nu Briten, Wes Nu Briten, Otonomes Rijen bilong Bogenvil, Sandaun, Is Sipik, Madang, Morobe, Oro, Milen Be, Sentrel, Nu Ailan na Manus.

Tru tumas, em i wanpela bikpela wok we ol wokmanmeri bilong Kakao Bod, husat i bin karimaut olgeta dispela wok i bin mekim. Provinsel Kakao Konsaltativ woksop i bin givim bikpela halivim long sait bilong bungim infomesen we ol i wok long yusim nau bilong kamapim wanpela Nesanel Kakao Plen na i mas i stap tu insait long Kakao sab sekta we Nesanel Agrikalsa Developmen Plen i wok long kamap.

Ol paitim toktok wantaim ol provins i pinis, na i karamapim olgeta provins i save groim kakao. Westen na Galp provins tasol nogat. Ol dispela em ol kontribusen taget bilong wan wan provins long inapim 100,000 tan we ol i makim olsem taget insait long 10 inap long 15 krismas.



OL MUMENG FAMA: Ol fama bilong Mumeng i kisim piksa bihain long ol i bin bung wantaim ol opisa bilong FPDA na DAL long Mumeng Stesen.



Papua Niugini Kofi Growas Federesen

● Papua Niugini Kofi Growas Federesen (PNGCGF) em i wanpela ogenaísesen bilong ol lain i save planim na lukautim kofi na i gat 90, 000 memba husait em ol bikpela investa bilong kofi indastri long PNG.
● PNGCGF fes taim tru nau i ken helpim ol lain i planim kofi long salim o eksportim i go ovasis.

● I gat bikpela sea long kampani bilong ol yet long USA, Kofi Pasifika Inc, husait ol i save salim kofi bilong ol i go long wol.

● PNGCGF i gat nupela komoditi maket strateji we bai helpim ol lain i gat gutpela risos long developim na lukautim bai ken strongim indastri na tu helpim laip na sindaun bilong ol famili bilong ol na Papua Niugini.

Sapos yu laik save moa:

PNG Coffee Federation

P.O Box 1066

Goroka, Isten Hailans Provins

Telefon: 732 1388 Fax: 732 1385

E-mel: kofipasifika@datec.net.pg

Intanet: coffeepacifica.com

PNG Coffee Growers Fed

Subsidiaries

Uncommon Grounds Inc.

www.uncommongrounds.net

Coffee Pacifica PNG Ltd

New Guinea Peaberry Coffee, Inc.

Papua New Guinea

P.O. Box 164,

Goroka, EHP 443

Papua New Guinea

Tel/Fax: 011-675-732-1389

jony@coffeepacifica.com

United States of America

Suite 387, Building 3

2920 North Green Valley

Parkway

Renderson, Nevada 89014

Tel: 877-318-9343

Tel: 425-299-4499

terry@coffeepacifica.com

enquiries@coffeepacifica.com



PAPUA NEW GUINEA
GREEN BEAN COFFEE

Coffee Pacifica peim dividen

Las Vegas, Nevada, Coffee Pacifica, Inc. i bihainim maus bilong Aniel Jenerel Miting i bin kamap long Goroka long mun Me, 2005 we i tokout i go long ol kopi groa husat i gat sea long Coffee Pacifica olsem, long olgeta 4-pela sea ol holim em bai ol i kisim wanpela sea moa olsem dividen bilong ol.

Dispela dividen long go long ol kopi groa bai stat long Februari 28, 2006. Coffee Pacifica bai stat salim ol nupela sea i go long ol sea holda stat long namba wan de bilong mun Mas 2006.

Coffee Pacifica i save distributim o tilim na maketim kopi bilong ol Papua Niugini smol kopi groa long haus lain insait long Amerika (USA), Kanada na Yurop. Ol grin bin kopi insait long Papua Niugini we ol smol kopi fama husat em ol seaholda long Coffee Pacifica insait long ol Hailans na rijen we i gat gutpela volkanik graun long mak bilong solwara i go anap inap long 6,000 fut.

Kopi bilong yumi long Papua

Niugini i gutpela kopi na i gat nem bikos em i narakain, i gutpela kwaliti na em i gat narakain swit bilong em. Sapos yu laik save moa yu ken sekap long websait bilong Coffee Pacifica long; www.coffeepacifica.com. Coffee Pacifica em baim aut na papa bilong wanpela rousting kampani ol kolim, Uncommon Grounds Inc., em bin kamap long 1984, i stap long Berkeley, California. Yu ken painimaut moa long websait: www.uncommongrounds.net.

PNG Coffee Growers Federation Ltd. ("PNGCGF") em i wanpela bikpela seaholda. Ol seaholda long PNGCGF em 144 wan wan indipenden kopi groa koperetiv insait long 11-pela long 13-pela provins insait long Papua Niugini husat i save groim kopi. Ol dispela Koperetiv i makim klostu 100,000 kopi fama husat i planim kopi. Ol dispela fama i save wokim gutpela primium-gret kwaliti kopi we koperetiv bilong ol i save bungim na putim i go long PNGCGF long eksportim i go long Coffee Pacifica long salim.



SWIT MOA YET: Kopi bilong PNG em i narakain tru long kopi bilong ol arapela kantri na i gat swit bilong em yet.

PNGCGF makim meri long sindaun long bod

PNG Kopi Groas Federesen (PNGCGF) Eniel Jenerel Miting we i bin kamap long Goroka long dispela mun i tok oraitim makim bilong wanpela meri bilong makim maus bilong ol meri kopi groas.

PNGCGF i tok ol i luksave olsem ol meri i gat wankain wok long kamapim gutpela kwaliti kopi we ol i save salim i go aut long olgeta hap bilong wol.

PNGCGF nau i gat tripela meri kopi groa koperetiv we inapim 200 memba. Ol meri koperetiv i kam long Lufa, Okapa na Aiyura. Ol meri em ol strong bilong wan wan haus insait long PNG. Wok painimaut bilong ol i soim olsem ol meri i save mekim klostu hap bilong olgeta wok long kopi prodaksen. Prodaksen na kwolati bilong kopi i bihainim wok bilong ol meri. Tasol ol meri i save kisim 75% bilong winmani i kam long kopi.

Aninit long ol dispela meri kopi koperetiv, PNGCGF i wok long promotim ol meri kopi groas long daunim dispela mak we i stap insait long kopi indastri. Sapos ol meri i mekim bikpela wok insait long kopi indastri, kwolati bai strong moa na prodaksen mak bai go antap.

Long wanpela 'Fama i go bek long Fama' trening progrem long Mitega Kopi Groas Koperetiv long Ifiufa long Goroka, em i kamap klia olsem kontribusen bilong ol meri insait long dispela koperetiv i lukim planti gutpela kopi gaden. Ol i planim pinis moa long 3 milien sidling insait long tripela yia i go pini. PNGCGF i wok long givim sans long ol meri insait long kopi indastri i no luksave long bikpela wok ol meri i givim long kopi indastri na PNGCGF i amamas long luksave long ol meri olsem ol ikwel patna insait long kopi indastri.

BSP

PERSONAL LOANS

Why wait for what you want?



BSP HAS PERSONAL LOANS FOR

CARS / BOATS / HOLIDAYS /
COMPUTERS / TV's / FRIDGES /
SCHOOL FEES...

*Offer ends 30th April 2006.

FREE*
www.bsp.com.pg
BSP T-SHIRT
WITH EVERY LOAN!

if you choose an automatic salary deduction.
MAKE REPAYMENTS EASY & WORRY-FREE

For fast answers on your Personal Loan - just call the BSP Personal Lending Call Centre - 180 1212

ONLY A NATIONALLY OWNED BANK LIKE BSP UNDERSTANDS PNG BANKING NEEDS

Bank South Pacific

bsp.com.pg



Bisnis bilong Groim Diwai insait long PNG
- Planim diwai long ol renfores eria

Rot bilong groim ol spisis diwai i save groa insait long PNG

Nem bilong en: sandalwood

As ples na ples em i groa long en:

Sandalwood i gat 16 spisis diwai i save groa long India, Indonesia, PNG, Australia, Hawaii, na Saut Pasifik, wantaim Vietnam, Fiji, Tonga, Cook Islands na French Polynesia. Santalum macgregorii em i save groa insait long PNG tasol long Sentrel, Galp na Westen provins. Em i save groa long ol ples stat long mak bilong solwara i go antap inap long 750 mita. Em i save laikim samting olsem 1000 milimita ren olgeta yia taim em i save punaun namel long sotpela taim bilong ren (long Desemba i go long Mas). Dispela spisis i save gro long ol kunai ples we ol arapela diwai olsem eucalyptus, nauclea, neonauclea, pitosporum, melaleuca, cycads na ol arapela spisis diwai i save gro. Em i save gro antap long o kain kain ston na wesana tru tru i go long ol ples i gat klei graun long en tu.

Wanem kain diwai:

Liklik i go namel sais diwai we i no save abrusim 8 mita tasol i ken gro i go inap 20 mita na bikpela bilong namel bun bilong em i 25 sentimita raunim. Bun bilong em i no stret tumas na i sot na het bilong em i save op i go bikpela. Ol lip i liklik na lait grin kala. Plaua bilong em i liklik namel long 4 na 4.4 milimita. Kala bilong lip i yelo grin na as bilong em i ret. Prut bilong em i grin na i save tanim i go ret, pepel na bihain bilak taim em i mau olgeta.

Rot bilong yusim:

Sandalwood em ol i save katim na salim i go long ol baia husat i save eksptom i go ovasis long kisim dispela diwai long namel bilong em. Ol i save kisim wel long namel bilong em long mekim ol sanda o pefium, ol sop na ol joss stik. Ol bikpela hap diwai em ol i save yusim bilong mekim kav-ing na ol sia tebol samting.



Sitol bilong sandalwood



Lip na flaua bilong sandalwood

Flaua, ol prut na sid:

Plaua bilong em i save kamap wan wan taim na i ken kamap eni taim insait long wanpela yia. Mau prut bilong em i save pulim ol pisin, bilak bokis na rat.

Sitol koleksen na prosesing:

Koleksen bilong sit em yu mas kisim long ol diwai yet sapos yu laik yusim sit bilong planim gen. Rausim ausait mit bilong em na klinim sit wantaim wara bipo yu drain aninit long ples kol.

Wok Neseri:

Sandalwood em i wanpela hemiparasait spisis olsem na em i mas i gat planti arapela spesol rut bilong ol arapela plaua long gro gut. Long kisim gutpela kru bilong diwai, yu ken brukim skin bilong sit na putim insait long wanpela 2% solusen bilong gibberellic acid na lusim ovanait. Yu ken planim sit i go stret long graun o insait long wanpela sidling trei. Planim insait long graun we i gat tupela hap wesana na wanpela hap graun. Em bai kru na stat gro namel long 2-pela na 4-pela mun, bihainim tritmen na gro bilong sit.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Ol lokol fama laikim painap fektori



STRONGIM PAINAP: Wanpela lokol fama meri long Bena Bena, Isten Hailans i salim ol painap we em yet i groim na karim i kam na salim long bikpela maket long Goroka.

Sape Metta i raitim

I GAT planti ol bikpela tok-tok na tingting i stap nau long lukluk na traim long halivim ol lokol fama long ol hauslain, viles na ol distrik long Isten Hailans husat i save planim na kamapim painap long wan fam eria bilong ol.

Painim long planti ol eria long Isten Hailans i nogat pinis bilong en. Em i save kamap gut tru na karim kaikai long olgeta yia. Kopi na planti ol arapela gaden kaikai em ol i save gat taim bilong ol long karim.

Na planti ol lokol fama long Bena Bena distrik stat long Mohuweto na i go olsem long ol viles na hauslain long Rintebe, na i go daun olsem long ol ilektoret bilong Henganofi distrik olsem Dunatina, Fayantina na Kafetina na i go moa long Kainantu em ol i save mekim wok long kamapim painap faming.

Wanpela lokol fama long Bena Bena em Apaso Itovo i tok long ol hauslain na viles eria bilong ol taim ol i brukim graun na stretim gut long planim painap, ol painap i save kamap na karim planti gutpela kaikai bilong en.

Em i tok planti ol viles lain manmeri husat em ol painap fama i save amamas tru long lukim ol painap i karim gutpela kaikai.

"Tasol bikpela hevi em ol i

save painim hat tru long karim dispela ol painap i go long salim long ol maket. Sampela ol ples em ol painap i stap long en em ol rot bilong ol kar i save i go long en. Na ol arapela em ol i nogat rot i go long ples bilong ol, olsem na ol i save painim hat tru long karim ol painap bilong ol i go i kam long maket," Mista Itovo i tok.

Em i tok long ol ples we rot i go long en, em i isi liklik long ol fama i kisim ol kar na karim ol painap i go na salim long maket. Tasol planti taim ol i no inap mekim olsem long taim bilong ren. Long wanem long taim ren i save pundaun, rot i save wel na bagarap stret. Na dispela i save givim planti hetpen na hevi long turangu ol lokol fama long ples.

Na long turangu ol lain husat i nogat rot bilong kar i go long ples bilong ol, ol i save painim hat tru long apim ol painap bek na wokabaut i go long painim rot bilong kar na kisim kar i go na salim ol painap long maket.

Planti taim ol painap i save sting long wanem i nogat narapela rot i stap long karim ol painap i go long maket.

I no long taim i go pinis, Minista bilong Komyuniti Dvelopmen, Dame Carol Kidu i bin wokim wanpela lukluk raun bilong em long Isten Hailans na em i bin tok strong long kirapim wanpela painap prosesing fektori long Goroka.

Em i bin tok olsem em i luksave long ol hevi em ol painap na ol arapela fama i wok long bungim.

"Olsem na mi laikim ol lokol, nesanel na provinsel lida i mas bung na paitim toktok na traim long kamap wantaim strongpela tingting na lukluk i go kam na traim long kisim ol halivim i kam long ol ovasis dona ejensi long kirapim painap fektori long Goroka. Na dispela bai i ken givim bikpela halivim tru long ol lokol fama," Dame Kidu i bin tok.

Em i tok sapos kain fektori olsem i kirap, em i ken baim ol painap na wokim ol painap wara (jius), tin painap, painap jem na ol arapela switpela samting em ol i ken wokim long en.

Dame Kidu i tok em i luksave olsem planti ol fama long ol ples na distrik long Isten Hailans i wok hat tru long kamapim painap. Olsem na ol i mas i gat gutpela maket ples long salim ol gutpela painap bilong ol.

Em i tok wankain olsem ol kopi fektori, painap fektori i mas kirap. Na sapos ol lida i sindaun na toktok na sapos ol toktok i go stret na painap fektori i kirap long Isten Hailans, em bai i ken halivim ol fama na tu ol yangpela manmeri i ken i gat sans long wok insait long dispela fektori.

Dame Kidu i tok sapos ol lokol, nesanel na provinsel lida long Isten Hailans i kisim tingting long kirapim kain samting, ol bai kisim sapot bilong em, long wanem em i laik developim ol komyuniti long olgeta level na halivim tu ol turangu manmeri long ples.

Em i tok sapos kain samting olsem i kirap long Isten Hailans, em bai nambawan painap fektori long kamap long hailans rijen na long kantri tu. Dame Kidu i tok amamas long ol lokol fama long wok ol i mekim.

"Wok fama em i bikpela samting. Sapos yu no mekim wanpela wok long graun bilong yu, mobeta yu statim wok nau. Long wanem sapos tingting na toktok i go na i kamap gut, yupela bai lukim gutpela kaikai i kamap long bihain taim." Em i tok.

Cat® D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



Product People Commitment.

We deliver.

PORT MORESBY

Spring Garden Road, Hohola, PNG
Ph. (675) 300 8300 - Fax. (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LHIR	986 4105	986 4107
KIMBE	983 5144	983 5144



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

PACIFIC BEAT

Oil Search bai putim mani long wok bilong painim ges

WANPELA kampani long Papua Niugini, Oil Search bai putim moa long US\$200 milien i go insait long PNG we planti bilong dispela mani bai go insait long bikpela projek bilong wanpela paip bilong karim ges namel long PNG na Kwinslen.

Narapela US\$110 milien bai go insait long wok bilong painim oil na ges insait long PNG na Midel Is. Ol dispela toktok i kamap long wanpela miting bilong ol sea holda, long Sidni aste avinun we kampani ya i tokaut tu long win-moni bilong en bilong 2005 we i nap olsem US\$200.2.

Husat i askim: Jemima Garrett.

Husat i bekim: Peter Botton, Menesing Dairekta, Oil Search.

BOTTON: Namba wan samting em dispela ol samting i kamap bilong wanem i gat gutpela wok bilong kamapim oil na tu sampela yia i go pinis mipela i tekova long wok bilong painim oil long PNG na putim planti moni i go bek we i nap olsem hap bilien US dola long dispela bisnis we i wok long gro yet long hap. Sapos nogat wanpela samting i bin kamap, PNG bai kamapim 28, 000 dram oil wanpela de long dispela yia, 2006. Nau mipela i wok long mekim moa long 60,000 dram oil long wanpela de na dispela i kamapim gutpela nem bilong mipela olsem Oil Search na tu long kantri na gavman long sait bilong teks na win moni bilong gavman o revenyu.

GARRETT: Long 2005, wanpela samting we i mekim ol sea prais bilong yupela i go antap em dispela wok long ges paip lain projek namel long PNG na Kwinslen. Yupela i lukluk long wanem samting long kisim yupela i go fowet long 2006.

BOTTON: Mipela i gat bilip olsem i gat wanpela gutpela maket bilong ges long Australia. Dispela hap bilong bisnis i wok long kamapim ol gutpela samting long mipela long dispela taim.

Lukluk bilong mipela long 2006 em long kamapim ol samting, dispela bai kam wantaim ol pasim tok wantaim ol papa graun, gavman, kisim tok orait long nogut ol ples na bus i bagarap na sampela moa samting, i gat planti samting i stap long PNG we mipela i mas pinisim bipo long wok i go het.

Mipela i makim wanpela strongpela taim long bihainim na mipela bai pas long dispela mak. Tasol olgeta lukluk bai pas long PNG.

GARRETT: Long 2006, yupela i lukluk long putim planti moni ol bikpela samting kain olsem dispela ges projek we bai nap moa long US\$200 milien. Wanem kain devel-opmen tru bai ol pipel lukim i kamap long Papua Niugini?

BOTTON: Nambawan samting em bai yu lukim wok i pinis long stretim Mananda Oil fil long Saut Is Mandana. Mipela i wokim bris pinis, dispela bris i joinim Saut Is Mandana wantaim mein oil fil. Bai yu lukim Saut Is Mandana i mekim planti oil tru klostu long pinis bilong yia.

Bai yu lukim tu sapos mipela i kamapim wok long ges projek bai mipela i stretim ol samting i bagarap na mekim ol rot na planti narapela samting na taim i stap pinis bilong dispela projek long go het long 2007.

GARRETT: Dispela bai nap kamapim planti ok long sait bilong ges projek long 2006?

BOTTON: Sapos em i pinis bilong yia nau na i nogat samting i pasim mipela long mekim ol samting mipela i laik mekim na mipela i wok long go fowet, dispela bai nap kamapim olsem 400 o 500 spes bilong wok ol man bai ken aplai o givim nem long kamap olsem kontrak o wokman stret bilong kampani. Tasol dispela bai gro isi isi we i gat planti manmeri stap.

Tasol 2006 em i wanpela bikpela yia olsem mi tok pinis, bilong stretim tok wantaim ol papa graun na gavman na bihain mipela i

ken stat putim moni long kamapim wok.

GARRETT: Yu ken lukim sampela hevi long stretim toktok wantaim ol papa graun na gavman?

BOTTON: As tingting na laik long wok i stap tasol dispela em i wanpela bikpela projek. Sapos mipela i wanpela nupela kampani husat nau tasol i nogat bisnis long oil na nau tasol i laik stat, ating ol samting bai isi liklik. Tasol ol lain mipela bai toktok wantaim em ol i papa bilong ol dispela oil. Ol papa bilong oil i no wankain olsem ol papa bilong ges. Olsem yu mas stretim toktok wantaim ol dispela kain kain grup we bai nap helpim ol i nap 30, 40 o 50 yia olgeta.

Em i wanpela gutpela salens, em gutpela tingting na wokbung bilong ol papa graun, gavman na ol lain i laik kamapim wok bai mekim ol samting i kamap. Wok nau em long mekim ol dispela tingting i kamap tru na mipela i wok hat long lukim dispela i kamap.

GARRETT: Nau, long 2006, yupela i gat tingting long putim US\$100 milien long painim oil insait long Papua Niugini na Midel Is. Wanem kain wok tru bai kamap long dispela?

BOTTON: Ol wok bilong painim oil long PNG i no bin kamap bikpela tumas long ol narapela yia i go pinis bilong wanem planti ol masin bilong mipela i stap wok long ol oil fil bilong mipela tasol.

Dispela i senis liklik long dispela yia. Mipela bai wokim sampela wok yet long ol oil fil bilong mipela na sampela wok painim bai kamap long narapela 5-pela hul long graun insait long PNG long dispela yia. Dispela bai wanpela bikpela progrem. Em i wanpela bikpela wok tru bilong mipela na bai mekim ol masin na wokman bilong mipela tu i tait. Mipela i sot long ol wokman na ol masin tu olsem planti ol narapela oil kampani.

REDIO AUSTRALIA NIUS

PNG Gaman i tok orait long mekim gut Gurney ples balus

GAVMAN bilong Papua New Guinea i givim tok orait pinis long mekim gut Gurney ples balus insait long Milen Be Provins.

Dispela wok bai kostim wan-milien US dola. Ol i lukim dispela toksave bilong Praim Minista Sir Michael Somare olsem wanpela bikpela hap long ol wok bilong sapotim lokel turis bisnis.

Sir Michael i tok dispela mani bai apim sekyuriti na ol arapela hap long ples balus i kamap inapim stret intanesenel ples balus long Septemba dispela yia.

Japan bai vot long kisim Amerika ami o nogat

DIFENS fos sief bilong Japan i mekim sampela toktok olsem gaman bai go het yet long kisim ol American fos maski ol i holim wanpela lokel vout long kamap bilong en.

Iwakuni siti i stap long saut wes bilong kantri i bin tokaut long wanpela vout long Mas 12 sapos ol bai kisim 57 moa ol woa-balus bilong Amerika, em ol i laik muvim long Kanagawa klostu long Tokyo.

Dispela referendum vout long Iwakuni i nambawan vout long dispela plan,

bihain long i givim tok orait pinis long mun October namel long Japan na Amerika.

Dispela 'deal' i blong daunim ol wok igo long ol komuniti, husait i save kisim ol Amerika kofs, bikpela lognen em long Okinawa, we em i kisim pinis mo long haf blong 40-tausen ol US troops insait long Japan.

Tasol dispela plen i kisim pinis planti toktok no laik ikam long ol pipol na nau ol tok, ol imas rausim ol US fos long Japan.

US Defens Dipatmen bai halivim long stopim HIV/AIDS insait long PNGDF

AMERIKA o United States Defens Dipatmen bai halivim long pait long stopim sik HIV/AIDS em i wok long kamap bikpela insait long Papua Niugini Difens Fos.

Long dispela wik, tupela Ami opisa bilong Amerika bai kamap long Pot Mosbi long statim wok bilong kirapim HIV/AIDS progrem long olgeta ami bareks bilong PNGDF insait long kantri.

Dispela progrem em i hap long wanpela agrimen em tupela US Difens Dipatmen na PNGDF i bin sainim long yia i go pinis na dispela program bai stap long Pot Mosbi.

US militari i bin wokim tok orait long mekim dispela progrem olsem bilong halivim kirapim dispela HIV/AIDS progrem, em bai kostim 36,000 US dola long mekim insait long tupela yia.

RADIO TOK PISIN PROGRAM

TUNE IN: 101.9 FM

Radio Australia Tok Pisin Program - stat long mun Mas 2005

MANDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
7AM Nait	7AM	Stesen Pas
	7.01PM	Stesen Op
	7.15PM	Ol Hetlain na Progrem Priviu
	7.30PM	Spots
	8PM	Nius na Karent Afes
	8.15PM	Helt
	8.30PM	Musik
	8.40PM	NIUS
	8.55PM	Spots Riplei
	9PM	Musik
		Stesen Pas
TUNDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
7AM Nait	7AM	Stesen Pas
	7.01PM	Stesen Op
	7.15PM	Ol Hetlain na Progrem Priviu
	7.30PM	Musik na Chit-Chat
	8PM	Nius na Karent Afes
	8.15PM	Mama Graun
	8.30PM	Musik/Spots
	8.40PM	NIUS
	8.55PM	Helt Riplei
	9PM	Musik
		Stesen Pas
TRINDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
7AM Nait	7AM	Stesen Pas
	7.01PM	Stesen Op
	7.15PM	Ol Hetlain na Progrem Priviu
	7.30PM	Musik na Chit-Chat
	8PM	Nius na Karent Afes
	8.15PM	Focus
	8.30PM	Musik/Spots
	8.40PM	NIUS
	8.55PM	Mama Graun Riplei
	9PM	Musik
		Stesen Pas
FONDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
7AM Nait	7AM	Stesen Pas
	7.01PM	Stesen Op
	7.15PM	Ol Hetlain na Progrem Priviu
	7.30PM	Musik na Chit-Chat
	8PM	Nius na Karent Afes
	8.15PM	Youth
	8.30PM	Musik/Spots
	8.40PM	NIUS
	8.55PM	Focus Riplei
	9PM	Musik
		Stesen Pas
FRAIDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
7AM Nait	7AM	Stesen Pas
	7.01PM	Stesen Op
	7.15PM	Ol Hetlain na Progrem Priviu
	7.30PM	Musik na Chit-Chat
	8PM	Nius na Karent Afes
	8.15PM	Wantok
	8.30PM	Musik
	8.40PM	NIUS
	8.55PM	Youth Riplei
	9PM	Musik
		Stesen Pas
SARERE Nait	7PM	Stesen op - Ol Nius Hetlain/Progrem Priviu
	7.05PM	Musik na Chit Chat
	7.30PM	Nius
	7.40PM	Wantok
	8PM	Lokal Ben
	8.30PM	Nius
	8.40PM	Musik/Chit Chat
	9PM	Stesen Pas
SANDE Nait	7PM	Stesen op - Ol Nius Hetlain/Progrem Priviu
	7.05PM	Musik na Chit Chat
	7.30PM	Nius
	7.40PM	Femili Blong Serah (Radio Plei)
	8PM	Lukluk Bek Long Wik
	8.30PM	Nius
	8.40PM	Musik/Chit Chat
	9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG

MORATA OV SISEN RAGBI

Sarere - Februari 25, 2006

C Gret	
09:00	Megusa Brothers vs TS Hawks
09:30	Gateway Sharks vs Mumuts
10:00	Eastern Eels vs Northern Warriors
10:30	West Kanges vs Wata Rangers
11:00	M3 Bulldogs vs Community Tigers
11:30	Kongo Ratz vs Giburi Raiders
12:00	Talapia Magpies vs Newtown Knights
B Gret	
12:30	Megusa Brothers vs TS Hawks
1:20	Gateway Sharks vs Mumuts
2:10	Eastern Eels vs Northern Warriors
3:00	West Kanges vs Wata Rangers
4:40	M3 Bulldogs vs Community Tigers

Sande - Februari 26, 2006

B Gret	
09:00	Kongo Ratz vs Giburi Raiders
09:40	Talapia Magpies vs Newtown Knights
A Gret	
10:20	Megusa Brothers vs TS Hawks
11:20	Gateway Sharks vs Mumuts
12:20	Eastern Eels vs Northern Warriors
1:20	West Kanges vs Wata Rangers
2:20	M3 Bulldogs vs Community Tigers
3:20	Kongo Ratz vs Giburi Raiders
4:20	Talapia Magpies vs Newtown Knights

Ol meri volibol bihainim tasol

dro bilong ol man.

HOHOLA WOD 7 & 8 OV SISEN RAGBI LIG

Sarere - Februari 25, 2006

B Gret	
08:30	Mutrus Brothers vs Raiders Namona
09:15	29 Dogs vs Hoks Magpies
10:00	LB Utd vs Borderline Sharks
10:45	Freeway Rabbitohs vs Borderline Tigers
11:30	Toks Mix Dogs vs Toks Warriors
A Gret	
12:20	Mutrus Brothers vs Raiders Namona
1:15	29 Dogs vs Hoks Magpies
2:10	LB Utd vs Borderline Sharks
3:05	Borderline Tiger vs Freeway Rabbitohs
4:00	Toks Mix Dogs vs Toks Warriors

Sande - Februari 26, 2006

B Gret	
08:30	SI Sea Eagles vs Toks Valley Eels
09:15	JV Bulldogs vs MB Reds
10:00	Taraga Dragons vs BP Knights
10:45	Dorido Panthers vs Osi Osi Brothers
11:30	Kama Cowboys vs Figgy Dumpers
A Gret	
12:20	SI Sea Eagles vs Toks Valley Eels
1:15	JV Bulldogs vs MB Reds
2:10	Taraga Dragons vs BP Knights
3:05	Dorido Panthers vs Osi Osi Brothers
4:00	Kama Cowboys vs Figgy Dumpers

SOKA

POT MOSBI SOKA ASOSIESEN

PRI SISEN - GEM 1

Sarere - Februari 25, 2006

Bisini 1	
08:00	MP1 East 1 vs Cosmos 2
09:00	MP3 Yahnuts vs Culture Utd
10:00	MP2 PS Utd vs Souths Utd 1
11:00	MP1 Telikom vs Souths Utd 2
12:00	MP2 East 2 vs Naniu
13:00	WP2 PNG Gardener vs Sobou
14:00	MP4 LBC Defence 1 vs Guria 2
Bisini 2	
08:00	MP7 Raitman vs Blue Kumuls 1
09:00	MP4 Sobou vs Verave
10:00	WP1 Telikom vs Guria
11:00	MP3 University 2 vs LBC Defence 2
12:00	MP5 PS Ruts vs Yawata
13:00	MP6 Guria 1 vs Moonbi
14:00	MP2 FM100 UBOG vs Cosmos 1

Sande - Februari 26, 2006

Bisini 1	
08:00	MP5 Rapatona 2 vs Mirel Momase 2
09:00	MP7 KG Utd vs PNG Gardener
10:00	WP2 Lamana vs Masters
11:00	MP3 MV Situm vs Rapatona 1
12:00	MP1 Apex vs Thriller
Bisini 2	
08:00	MP6 Krocs vs Markham Yarangs
09:00	MP7 Ela Utd vs Bavarako

10:00	WP1 Souths Utd vs University
11:00	MP4 Manambu vs Masters
12:00	MP5 Blue Kumuls vs University
1	
13:00	MP6 Jovu Express vs Mirel Momase 1

Bye: Rapatona (WP1), Markham Yarangs (WP2)

OSI RUL

POT MOSBI OSI RUL

Yunivesiti oval

Pri sisen 9s

Sarere 25/05/06

9:00	Uni-Bulldogs v West
9:45	Dockers 1 v Moresby
10:30	Port Powers v La Sallians Crows
11:15	Defence v Gerehu Magpies
12:00	1RPIR v Dockers
12:45	Sogeri v Toks Tigers raun 2
1:30	West v Docers 1
2:15	Moresby v Port Powers
3:00	La Sallians Crows v Defence
3:45	Gerehu Magpies v 1RPIR
4:30	Dockers v Sogeri
5:15	Toks Tigers v Uni-Bulldogs

SOFBOL

POT MOSBI SOFBOL

Man

Sande - Februari 26, 2006

Diamon 1 - A Gret

09:30	Malangan vs Dolphins
11:00	Brown Eagles vs Samurai
12:30	Kopex vs Bullets
14:00	Elcom vs Gazelle
15:30	Airways Bears vs

Daimon 2 - B Gret	
08:00	Samurai vs Bullets
09:30	Kopex vs Elcom
11:00	Manalos vs Dolphins
12:30	Airways Bears vs Malangan
14:00	Chebu vs SP
15:30	Brown Eagles vs Gazelle

VOLIBOL

NCD VOLIBOL ASOSIESEN

Taurama Lesa Senta

Sarere - Februari 25, 2006

Kot 1 - Man Divison

08:00	Pole Vavine vs Kijo
09:20	Ulamagi vs Marawaone
10:40	NFA vs Peteru
12:00	Indies Magpies vs Hoppers
1:20	Lavender vs Gaba Crusaders
2:40	U-Mi Yet vs Blacks
4:00	Steamers vs Scorpions

Kot 2 - Meri Divison

08:00	Heturanamo vs Blacks
09:20	Pole Vavine vs .Ulamagi
10:40	U-Mi Yet vs Gaba Crusaders
12:00	Indies Magpies vs Grass Hoppers
1:20	Peteru vs NFA
2:40	Scorpions vs Lavender
4:00	Kijo vs Marawaone

NETBOL

POT MOSBI PRAIVET KAMPANI NETBOL

Sande 26/02/06

Rita Flynn Kot 2


Primia divison

1:00	Fairdeal v Kina
1:45	P-Print v Daltron

2:30	Kenmore v BSP
3:15	B-Bell v Courts
Divison 1 Kot 3	
1:00	Datec 1 v OSL
1:45	NTIL v HDPNG
2:30	Theodist SPB 1
3:15	Pryde v STC Fin
Divison 2 Kot 4	
1:00	CCA v QBE
1:45	Datec 2 v PomTrans
2:30	GF1 v AHC
Divison 3 Kot 5	
1:00	B-Bell 2 v WPC Askonce
1:45	PWC v National
2:30	LBC v C-Bros
3:15	B-Bros v Kumul Hotels
Divison 4 Kot 6	
1:00	PNGSF v BSP 2
1:45	Moore v Meddent
2:30	Andersons v STC SHIPP
Divison 5 Kot 7	
1:00	Able v C-21
1:45	PAC.Ind v Renos
2:30	Bko Motors v POSF
3:15	Mirupasi v Fincorp
Divison 6 Kot 8	
1:00	Johnstons v Ela Motors
1:45	Raywhite v Paraka
2:30	RH H-Mart v Air Niugini
Divison 7 Kot 9	
1:00	Pro-clean v DHL
1:45	P-Print 2 v Arnotts 1
2:30	Star-Fish v APNG
3:15	Cul.Delight v City Pharm
Divison 8 Kot 10	
1:45	Olgeta raun 2 i pinis
2:30	Divison eit (8)
Divison 9 Kot 11	
1:00	Veupunama v Global
1:45	IPA v Deloittes
2:30	Temis v MRDC
Divison 10 Kot 12	
1:00	EFM v Sinton



EM BILONG MI: Pablik Sevens soka i pinis las wik we i lukim Telikom pilaia(lep han) i no laik birua pilaia bilong em long narapela tim i kisim bal long em.



SEIF: Sori tumas tasol Gazelle pilaia i no hariap long autim birua bilong em long Airways Bears.

Masol at pait-Shaolin Kungfu i stap longpela taim long kantri tasol planti man i no save tumas long stap blong em. Hia ripota ANDREW MOLEN i amamas na tokaut long man husat sapatim na holim tru disepa pait long kantri.

Shaolin Kung Fu- we bilong laip

OLGETA manmeri lukim, harim na save long Bruce Lee, Jet Li na Jackie Chan tasol i no olgeta i save long ol stail ol i save mekim insait long ol muvi o piksa bilong ol. Olgeta wokabaut bilong ol taim ol i kalap, tromoi lek o han o brukim samting na pundaun long graun em i stap insait long blut bilong ol. Ol i save yusim dispela ol stail taim ol i pait wantaim ol birua bilong ol o ronawe long trabol tasol em i wanem kain stail tru? Dispela em Kung Fu.

Kung Fu em i wanpela kain masol at olsem Karate, Taekwon Do na Kikboksing. Kung Fu i stap long taim yet long kantri tasol planti manmeri i no save tumas long stap bilong em. Kung Fu em bikpela nem bilong en tasol i gat wanwan liklik stail aninit long dispela nem.

Hia long PNG i gat Ton Kun Do Kung Fu, Hapkido, Bernard Fong Kung Fu, Win Chun, Choi Li Fut Kung Fu na mama bilong olgeta, Shaolin Kung Fu.

Shaolin Kung Fu i kam long Saina na i stap long taim long PNG na dispela yia bai lukim 23 yia bilong en. Sief instrakta na long taim man bilong Shaolin Kung Fu, Sifu Steven Ngandang Moazof i lukautim skul i stap nau na em i laikim bai moa manmeri i mas kam lainim dispela at. Em i tok dispela em i kalsa bilong narapela kantri we em i no laikim bai dai.

"Dispela skul i stat long 1983 yet inap nau na klostu bai 25 yia bilong em," Moazof i tok. "Dispela i no samting bilong Papua Niugini, em i kalsa bilong Saina tasol em i kam long PNG na em i noken i dai na save i lus nating."



YAH: Kung Fu em i gutpela, Kung Fu i lukautim bodi bilong yu long stap strong na ektiv tru.




Foto: ANDREW MOLEN

KAM JOINIM: Sifu Steven N. Moazof i trening moa long 20-pela yia pinis na i laikim bai ol yangpela i mas i kam lainim tu.

"Mi no laikim bai dispela at i dai, mi laikim bai ol wanwan yangpela i mas kamap na lainim dispela at na kalsa," Moazof i tok.

"Mi laikim tu bai embasi bilong Saina hia long PNG i luksave na i kam raun na lukim ol manki trening long kalsa bilong ol," Sief instrakta ya i tok.

Em i tok tu olsem planti yangpela manmeri i mas kam join na tren bai ol i gat samting long mekim na dispela bai ken pasim ol long noken raun nating na painim trabol. Ol bai lainim tu long gutpela na isipela pasin.

"Mi trening long taim na mi wok long i go lapun nau na mi laikim bai ol yangpela i kisim ples na mi ken i go malolo.

"Planti lain i kam trening long hia pinis na bihain ol i kamap sinia, ol i lusim na i go na nau mi wok long trenim ol niupela lain, mi no laikim bai dispela at i dai long PNG," Sifu Moazof i tok. Sampela ol biknem lain bilong kantri tu olsem bipo polis komisina na memba bilong palamen Paul Tohian husat i dai pinis na sampela ol narapela bipo MP i kamaut long dispela skul. Wanpela biknem man husat i sumatin bipo tu em PROFE-

senol kikboksia, Stanley Nandex.

"Stanley i bin junia bilong mi, em i kam join namel long 1986 na '87," Sifu Moazof i tok.

Dispela i soim tu olsem trening bilong ol i helpim long mekim ol i kamap ol lain husat ol i winim planti rispek long sosaieti.

"Trening bilong mipela em i no bilong so-of na yusim nating nating long pablik.

"Mipela i save holim strong pasin bilong respek na stap isi long trening bilong mipela, i no bilong belhat nating na pait tasol long bung gut na toktok na painim rot long stretim hevi," Sifu Moazof i tok.

Sifu Moazof yet i joinim Shaolin Kung Fu long 1985 na em i no lusim inap nau. Long 1988 em i kamap olsem asisten instrakta na long 1992 em i kamap instrakta stret.

Sifu Steven i kisim trening bilong em tu long han bilong ol Saina yet. Tupela tisa bilong em, em Gret, gren Masta Han To Go na Tai Chi Masta na tu Wushu tisa bilong em, Masta Jin Miao Woo. "Masta Woo i bin kam long 1991 na i go bek long 1992.

narapela at long sait bilong skulim ol manki long i kamap ol gutpela manmeri long sosaieti na long wanwan taim save long lukautim ol yet taim ol i bungim birua tasol stail bilong ol wanwan i no wanwan.

We bilong ol long sanap, muv na tromoi han o lek i no wanwan tasol wanwan save na teknik i stap insait long en.

"Ol stail bilong mipela em, holim, tromoi han na kik, dragon stail, taiga, monki, wait kren (pisin), penta na mipela i save lainim tu Tai Chi," Sifu Steven i tok.


Ol i save lainim tu long yusim ol samting bilong pait olsem, stik, swod o longpela naip, liklik naip, longpela stik na nansaku o tupela liklik hap diwai i gat wanpela sen long namel olsem Bruce Lee i save holim.

Bipo long Sifu Moazof, Ben Wape i save go pas na em i namba wan PNG man tru long ronim dispela skul wantaim ol Saina na taim em i lusim, Moazof i kisim ples na i holim olsem inap nau.

Shaolin Kung Fu i bin gat skul long Lae, Buka, Alotau, Doa plentesen long Sentrel provins, Markham na Pot Mosbi tasol nau ol skul long Pot Mosbi, Lae, Doa na Markham tasol i stap yet.

Skul i wok long kisim ol sumatin nau na Sifu Steven i singaut long husat i laikim join i mas ringim Mista Ben Wape long mobail namba 689 3611 o kam long trening ples bilong ol long 'Colts' kriket na AFL fil long Sarere na Sande namel long 12 kilok na 4 kilok long avinun.

Dispela at i gat planti samting long lainim na sapos yu lainim gut bai yu tu i ken kamap olsem Bruce Lee, Jet Li na Jackie Chan.



EM I KAM: Bruce Lee, king bilong masol at pait Kung Fu. Stail bilong em i Jeet Kune Do

Prince no lusim Tigers



MI STAP: Kepten bilong West Tigers Scott Prince (lep han) i amamas na i laik paitim han wantaim wan pilaia bilong em long wanpela pilai bilong ol bipo.

SANS bilong ol Not Kwinlens Cowboys i kisim Scott Prince, kepten bilong West Tigers em tim ol Cowboy i bin go wantaim long las yia gren fainol bai nogat.

Sif eksekutiv opisa bilong ol Cowboy Peter Parr na kosa Graham Murray i pasim tok olsem ol i no laik long resis moa long askim Prince long joinim ol.

Resis i bin stat taim ol Tigers i tok orait long Prince i ken toktok wantaim tripela ol NRL Kwinlens klab.

Dispela tingting bilong ol Cowboy nau i lukim Brisbane Bronco na Gold Coast i resis long toktok wantaim Prince sapos em i ken joinim ol long 2006 sisen.

Broncos kosa Wayne Bennett i tok long toktok wantaim Prince long tude (Tunde) we sif eksekutiv opisa Bruno Cullen bai ron long balus na long long Sidni long bung wantaim menesa bilong dispela hap bek Steve Robinson na toktok wantaim

em. Na Gold Coast Titans i wok long redi tu long holim ol toktok wantaim Prince na menesa bilong em long sampela taim.

Ol Broncos na Titans i gat inap olsem long Tunde Februari 28 long ol i mas i gat taim long toktok wantaim dispela tupela man.


Long lukluk long ron bilong NRL pilai ol Tigers i save lukim ol Cowboys olsem ol bikipela birua bilong ol.

Ol Cowboy i bin gat gutpela sans long kisim Prince long 9-pela yia i go pinis taim Prince i mekim namba wan bikipela pilai bilong em long Townsville.

Prince i gat ol sampela samting long Townsville we poro meri bilong em, Kristy i bin lukautim taim Prince i go pilai long Trai-Nesen pilai long Ingran las yia.

"Mipela bai i no inap long givim ofa long Prince long dispela taim," Parr i tok long tingting bilong ol.

Ronaldo lusim Real Madrid



MI BAI LUSIM: Wol biknem soka pilaia Ronaldo bai lusim Real Madrid long ol sapota i no save amamas long em.

OL sapota i no save laikim mi na kain pasin bilong ol em samting mi mas skelim gut, Ronaldo, dispela tripela-taim wol soka pilaia i tok bihain long ol pasin em ol sapota i soim long em.

Em i mekim dispela toktok long taim Real Madrid i wok long redi long pilai wantaim Arsenal long Yuropian sempion lig resis long Ingran.

"Mi oltaim i save tok mi no laik long stap long hap we ol manmeri i no laikim mi. Mi no save pilim olsem mi stap long ples taim mi stap long

Bernabeu, ol sapota i no soim laik long mi," Ronaldo i tok.

"Mi bai tokaut long tingting bilong mi long pinis bilong sisen. Na kain pasin i kamap bihain tru long ol hat-wok mi mekim long kam long dispela klabmi no inap save tru long as bilong dispela kain pasin!" dispela 29-yia man i tok.

"Mi bai tokaut long stap bilong mi long bihain taim bihain long wol kap."

Ronaldo i joinim Real Madrid long AUS\$56.65 milien bihain long em i pilai wantaim Inter-Milan.

Gilchrist i brukim wol rekot ... "kilim" ol Sri Lanka

AUSTRALIA opena Adam Gilchrist long las wik i "kilim" ol Sri Lanka taim em i brukim rekot long kamap olsem spit man long kamapim 100 ran insait long liklik namba bilong ol bal.

Dispela tok betman na wicketkipa i brukim 122 ran long 91 bal we long dispela ol ran em i bin paitim 4-pela ol sikspela poin na 13-pela long foa poin.

Gilchrist i mekim dispela long taim em i bung wantaim Simon Katich long opening bijlong pilai.


Dispela bung bilong tupela pilaia (betman) i namba wan long histri bilong kriket bilong Australia long tupela man tasol i pilai na winim narapela taim bipo long ol arapela poroman pilaia bilong tupela husat tu i gat sans yet long pilai na helpim tupela.

Na long Katich yet em i mekim 107 ran long 142 bal.

Tasol Gilchrist inap pinis taim Sri Lanka Sanath Jayasuriya i abrus long holim bal bilong em taim em i mekim 20 ran tasol.

Em i namba tri rekot bilong Gilchrist long sait bilong kamap hariap tru long 100 taim namba bilong ol bal i daunbilo yet.


Long taim em i mekim 100 ran long las wik namba bilong ol bal bilong em i stap long 67, dispela



PILAI GUT: Pop Benedik i bai bai long ol manmeri bihain long toktok bilong em long opim bilong Winta Olimpik pilai long Turin, Itali las wik.

abusim mak bilong 71 bal em i Wol XI pilai long las Oktoba na mekim long Telstra Stedum long em i gutpela mak tru.

Cousin pinis long Eagles



RONAWE: West Coast Eagles pilaia Ben Cousin i hait gut long ol polis bihain long polis i painim em long spak nogut tru na biket liklik.

BEN Cousin, kepten bilong West Coast Eagles i salim tok pinis pas bilong em i go long tim olsem em i pinis long pilai wantaim ol.

Cousin i tok pasin em i mekim ausait long taim bilong pilai i ken bagarapim gutnem bilong tim.

Em i mekim dispela bihain long 10-pela de i go pinis we i lukim em i spak, bikhet na taim polis i painim em i hait na ronawe long ol.

Long taim em i tokaut olsem ol Eagles i painim

hat taim long painim wanpela gutpela pilaia long kisim ples bilong em. Cousin i bin kepten bilong ol Eagles stat long 2001 na winim Brownlow medol long 2005 long stap long namba wan pilaia.

"Mi save olsem i gat sampela asua insait long wei bilong sasim man," Cousin i tok.

"Mi bringim planti presa long klab (Eagles)."

"Mi no laik skruim yet dispela pasin na mi hop olsem dispela i no givim hevi long klab tu," em i tok.

SPOT RAUN

wantaim

SCOTT VAVINE



Provinsol spot opis na wok bilong ol

OL provinsol spot opis na long ol wok bilong em aninit long Ogenik Lo i gat bikpela wok long developim spot long ol rurel ples long provins.

Dispela ol wok pastaim we nesenel spot opis i save mekim long ol ples nau i lus long han bilong ol bihain long nupela rifom i kamap.

Long taim mipela i tok em i wok bilong ol provinsol opis long developim spot mipela i tok long ol i gat wok long lukim olsem ol pilai i mas kamap long olgeta kona long provins bilong ol.

Na dispela ol wok inap kamap sapos provinsol eksekutiv kaunsel (PEC) i givim sapot. Long dispela as Provinsol spot opis wantaim PEC i gat wankain risponsibiliti o wok long kirapim na lukim ol pilai na samting i pas long wok long pilai i kamap.

Provinsol spot opis na PEC i mas givim inap luksave na sapot long kamap bilong ol pilai long provins.

Tasol taim mipela i tok namba wan samting we mipela i laik lukim ol pilai i kamap long ol provins em i mas karif long Provinsol spot opis na PEC long wankain taim mipela i save olsem gutpela saveman bilong ronim ol pilai i bikpela samting tu.

Long dispela i mas i gat ol opisa we i kisim gutpela ol trening long kamapim na lukautim ol pilai na wok bilong pilai.

Dispela opisa i mas go long gutpela skul. Man o meri husat i kisim gutpela skul i mas kamap olsem spot plena bilong provins. Em i mas man o meri husat i save ol pilai bai ron olsem wanem.

Tasol long painim kain manmeri olsem em i hatpela wok tu. Long ol wokabaut bilong mi long wanwan provins mi ken tokaut stret olsem planti ol manmeri husat i holim wok olsem spot plena i nogat gutpela trening bilong ol. Long taim mi tok olsem mi no lus tingting long wanwan ol opisa i husat i kisim gutpela trening na na mekim gutpela wok i stap. Tasol mi tok long ol arapela we mi bilip sapos ol gutpela savemanmeri bilong mekim wok i stap kamap bilong ol pilai long provins bai kamap gut na strong.

Wanpela bilong ol provins husat i gat gutpela plen bilong spot program em Morobe provins. Kain gutpela program bilong ol i lukim ol i save mekim gut long ol pilai. Isten Hailans i tru i save mekim PNG nesenel gem long wankain taim i mas i gat ol gutpela spot program.

Mi ting sapos ol provins i painim hat ol i mas askim PNG Spot Komisen long helpim long ronim ol spot program. Dispela i ken lukim ol gutpela spot opisa i kamap na ronim ol pilai.

Ol manmeri long ples i hangre tru long ol pilai wankain olsem ol lain long taun. Tasol moa long ol ples lain em long ol i laik lukim sampela developmen na long kisim ol pilai i go long ol dispela i wanpela bikpela sain bilong developmen long laip bilong ol.

Long ol spot opis we i nogat gutpela kamap bilong ol pilai long hap bilong ol mi askim olsem ol i mas kamap wantaim sampela kain enuel spot kalenda bai i helpim ol long ol taim na ples we ol pilai bai kamap. Long spot opis i gat kalenda dispela i gutpela long wanem em i givim sampela kain rot long ol pilai i mas go het.

PNG Spot Komisen i kamap long wokbung wantaim ol wan opis bilong ol provins na long dispela as mi askim ol provins long askim opis bilong Komisen sapos ol i laik helpim.

Bikpela samting em ol komyuniti i mas i gat as em ol i save olsem spot i wanpela samting we i developim laip bilong man.

Trukai, givim K1.5m



Paul Zuvani i raitim

TRUKAI Industri, kampani we i save mekim rais we olgeta PNG i save kaikai oltaim nau i givim inap olsem K1.5 milien long PNG Spot Federesen.

Lo advaisa bilong PNGSF Adrian Genolagni i tokaut long dispela long taim Trukai Industri na PNGSF i lonsim 2006 Trukai Fan Ran "t-set long Royal Papua Yot Klub long Tunde avinun long dispela wik.

Dispela sponsasip bilong Trukai Industri i stat long 2000.

Genolagi i tok ol mani em Trukai i save givim long PNGSF i mekim tripela wok:

- LONG salim ol PNG tim i go long ol bikpela pilai olsem Saut Pasifik Gem, Komenwel Gem na Olimpik Gem;

- MANI we ol kampani i save baim ol "t" set long PNGSF em ol i givim long ol skul em ol i sponsaim na ol skul i salim gen dispela ol "t" set we ol i salim gen, kisim mani na helpim ol prosek long skul bilong ol na



Foto: ANDREW MOLEN

TAIM BILONG RON: Brett Schofield (lep ha) na Adrian Genolagani wantaim ol wetlifting tim long taim bilong t-set lonsing.

- OL ogenaism komiti, plan-ti em ol Rotari klub long ol narapela senta i save kisim 20 pesen long mani em ol i kisim long salim ol "t" set. Long dispela ol ogenaism komiti i laik tok tenk yu long Rotari klub long sapot bilong ol.

Long lukim ol oksen bilong "t" set i kamap gut Genolagani askim ol kopret bodi (kampani) long Pot

Mosbi na Lae long givim gutpela sapot long tupela siti long Mas 1 na 2.

"Lukluk bilong mipela em long brukim ol rekot bilong yia i go pinis we nau mipela i lukluk long salim 33,850 t-set we mani mak inap kamap long K338, 500," Genolagani i tok.

"Long makim maus bilong PNGSFOC eksekutiv na ol top etlit bilong mipela na ol

opisel mi kisim dispela taim long tok tenk yu long ol kopret sponsa na wanwan ol lain long sapot bilong ol," em i tok.

Maketing menesa bilong Trukai Industri Brett Schofield tok tenk yu long kampani long las 6-pela yia ol i givim long dispela Fanresing.

"Dispela Fan Ran em i bilong olgeta lain manmeri na olsem mipela i askim olgeta lain long kam join na amamasim yupela yet," Schofield i tok.

Las yia oksen i bin kamap gut we bipo Australia kriket sempion Merv Hughes wantaim helpim bilong Richard Sapias i salim inap olsem 19,200 t-set insait long tupela awa tasol we dispela i lukim ol i salim ol set i go long 85 skul long Pot Mosbi.

Long dispela yia ol askim Julie McDonald husat i tupela taim Olimpik and Komenwel Gem medolis bai kamap na oksenim ol set.

McDonald bai stap moa long kantri long lukim Prait Minista Kopret Golf pilai long Pot Mosbi.

Dispela ol fanresing em long helpim PNGSF long salim Tim PNG i go long 2006 Melbon Komenwel Gem.

Hohola lig kamap hot

ragbi lig

Paul Zuvani i raitim

EM bai wanpela bikpela wiken bilong Hohola ov sisen ragbi lig taim ol tim i pait long kisim ples bipo long ol i go insait long ol fainol.

Long Sande mein gem Kama Cowboys i kisim Figgy Dumpers dispela bai wanpela hotpela pilai.

Na pastaim long dispela em Si Sea Eagles bai kisim Toks Valley Eels, JV Bulldogs wantaim MB Reds na Taraga Dragons takol wantaim BP Knights na Dorido Panthers brukim bun wantaim Osi Osi Brothers.

Na long Sarere mein gem em Toks Mix Dogs bai kisim Toks Warriors. Pastaim long dis-

pela em Mutrus Brothers bai kisim Raiders Namona, 29 Dogs kisim Hoks Magpies, LB United egensim Borderline Sharks na Borderline Tigers bai traim kaikaim Freeway Rabbitohs.

Long ol pilai bai kamap strong kodineta bilong ol pilai Leo Lahui i tok strong long ol presiden bilong wanwan ol klub i mas lukautim na advaisim ol pilaia na sapota bilong ol long kamap na stap gut long taim bilong pilai.

"Mi tok strong long Februari 22 (2006) miting long klub presiden i mas skulim gut ol sapota na pilaia bilong ol long wei bilong kamap na stap long ol pilai," Lahui i tok.

"Olgeta presiden i bin givim bikpela sapot bilong ol long dispela toktok bilong mi na

olsem mi hop mi no lukim narapela samting taim ol i pilai i kamap."

Em i tok bikpela as tingting bilong ol i kamapim em long mekim sampela kain samting we i pasim tingting bilong ol yangpela long ol i no ken stap nating na kisim tingting long kamapim ol pasin nogut.

Tasol em i no amamas long lukim sampela i spak na go insait long ol pilai. Dispela em i bilip inap long kamapim hevi long ol pilaia yet na long ol arapela pilaia insait long piiai.

Em i mekim dispela toktok bihain long las wiken we em i lukim sampela pilaia i go insait taim ol i spak we i bin kamapim sampela bel hevi namel long ol pilaia na ol sapota.

Long dispela hevi sapota

bilong SI Sea Eagles i kisim ol ston na botol na i laik bagarapim ol pilaia na sapota bilong Taraga Dragons. Long taim em i mekim olsem ol sapota bilong Dragons tu i laik bekim long kain pasin nogut em i mekim.

"Long dispela mi no inap long tingting planti long sasim ol klub long K300 husat pilaia o sapota bilong ol i mekim trabol," Lahui i tok.

"Na mi singaut gen long ol sapota longol i mas lukautim ol yet gut na i no givim hevi long ol arapela pilaia, tim o sapota."

Sapos ol manmeri i laik kamapim ol gutpela pilai na laik kisim amamas long ol pilai orait ol i mas soim gutpela pasin long ol pilai, kodineta Lahui i tok.

Bikpela wiken long Morata Lig i kamap

Andrew Molen i raitim

TUPELA moa wiken i stap bipo long Morata lig bai go insait long ol Top 8 pilai bilong ol na ples i wok long i go hat moa.

Dispela wiken bai gat sampela gutpela gem gen we namel long ol em gem bilong Kongo Rats na Giburi Raiders long Sande.

Tupela tim wantaim i stap antap long poin leda na bai ol i pait strong long lukim husat bai stap yet long antap na husat bai pundaun.

Ol Rats i stap nambawan wantaim 24 poin na ol

Raiders i was tasol long baksait bilong ol Rats wantaim 23 poin long namba tu ples.

Ol narapela tim em M3 Bulldogs, 21 poin, Mumuts, 21, Newtown Knights, 20, Gateway Sharks, 19, Wata Rangers, 19, Megusa Brothers, 18, Community Tigers, 17, Northern Warriors, 14, TS Hawks, 11, Wests Kanges, 11, Talapia Magpies, 9 na Eastern Eels, 1 poin.

Narapela gutpela gem bai kamap namel long Talapia Magpies na Newtown Knights. Kodineta blong lig, John Mauve i tok dispela tupela tim i toktok long stat

bilong wik yet olsem ol bung kirapim paia stret taim ol i bung long fil olsem na ol sapota i ken tingting long lukim wanpela strongpela gem.

"Dispela tupela tim i stap klostu wantaim long wanpela ples na ol save long ol yet olsem na dispela wiken ol bai laik lukim husat tru i nap long narapela," Mauve i tok.

Em i tok tu olsem dispela wiken em i seken-las wiken bipo long ol i go insait long Top-8 pilai bilong ol long narapela wik antap. Lig i singaut tu long ol bisnis haus na husat i laik sapotim ol long

kam fowet na helpim ol.

"Em i taim bilong fainel nau na planti manmeri bai kamap olsem na husait i laik kam soim sapot bilong em i ken i kam tasol na mipela bai amamas tasol long kisim helpim bilong ol," Mauve i tok.

Em i tok dispela kompetisen i stap long was long ol yangpela mangi long taim bilong skul holidai bai ol i noken mekim raun nating na mekim trabol. Mauve i tok skul i stat nau na planti manki i go bek long skul na ol sinia pilai bai go bek long ol tim bilong ol long taun kompetisen.

Bai/Gene mekim gut

ragbi lig

Paul Zuvani i raitim

BUNG bilong tupela biknem ragbi lig pilaia bilong PNG Marcus Bai na Stanley Gene i paia lait taim tupela i helpim Bradford Bulls long dro wantaim Harlequins 18-18 long las wik Sarere.


Long dispela pilai tupela boi nogut bilong "len ov da anekspekted"- (hap- PNG -we yu no save wanem samting tru bai kamap- sindaun i ken senis) i pilai gut we maski tupela i no bin skoa tasol long wanpela hap ol gutpela kik bilong Gene i lukim ol i putim ol trai.

Na long namba wan supa lig pilai bilong ol Bulls egensim Wakefield Trinity long Sande wik bipo tupela i helpim tu ol Bulls we i lukim ol Bulls i pinisim win bilong ol Trinity 20-14. Long dispela taim "Apo" Gene i bin putim wanpela trai.

Long tumora Fraide ol Bulls i redi long pilai egensim Salford City Reds.

Reds i no strongpela tim olsem Harlequins tasol sapos ol i no was gut ol i ken kisim taim nogut long han bilong ol Reds. Bipo long pilai bilong ol egensim ol Harlequins kosa Brian Noble i tok ol Harlequins i gat rekot long winim ol Bulls long graun bilong ol Bulls na Noble i pret liklik long dispela. Na olsem ol i mas redi gut.

Tasol em i tok trening bilong ol bin kamap gut we dispela i lukim ol i pasim ol Harlequins long winim ol.



MI KAM: Stanley Gene long wanpela ron bilong em

Em i tok ol pilaia olsem Chris McKenna, Marcus Bai na Lesley Vainikolo i tren i bin hat long wik na olsem ol i mekim ol gutpela ron. Em i tok olgeta pilai bilong ol i biikpela.


Bikpela samting long ol i mekim gut em long larim ol i bihainim tasol gem plen bilong ol. Na olsem ol i no ken tingting

tumas long arapela tim i pilai egensim ol.

Skwat bilong ol long dispela wik em Bai, Gene, Deacon, Fieldon, I Harris, B Harris, Johnson, Lynch, K Pryce, Langley, Vagana, Hape, Henderson, Meyers, Vainikolo, Ferres, Cook, Mckenna na Smith.

Ol kikboksa bai kisim blek belt

kikboksing



MI REDI: Katu "Wantok" Arang, wanpela bilong ol paitman

INAP olsem 30-pela kikboksa wantaim tupela meri bai kisim blek belt bilong ol long Wol Kikboksing Asosiesen (WKA) we het kwata i stap long Ingran.

Man i makim WKA long PNG na tu dairekta bilong Saut Pasifik rijon, Stanley Nandex i tok em i wanpela bikpela samting stret long ol paitmanmeri bilong em i kisim luksave long intenesen level na em i gutpela long ol i kisim blek belt.

Ol dispela paitmanmeri em; Pot Mosbi-Kartu Arang, Mark Sondo, Ken Hanku, Gabby Yura, Eugene Mosina, Charlie Baital, David Lawe, Kevin Aiya, Rex Kingal, Lee Henry Garap, Lae-John Wal, Patrick Kepa, David Sere, Peter Lailai, Thomas Gagili, Susan Puria (meri), Gep Yolik (meri), Kimbe-John Kenneth, Madang- Andy Linstan, Goroka- Willy Yoba, Simbu- John Kwiwa, Francis Kul, Mt Hagen- Joseph Kende, Pangia- Rodney Warea, Ialibu- Maris Terry, Porgera- Simon Kotabu, Erave- Kira Wenolu, Mathew Witu.

Taim bilong greting bai kamap long Februari 28 long Murray Bareks long Pot Mosbi we ol pait bai stat long wan kilok san i go inap 5 kilok long avinun. Ol paitmanmeri i mas kamap long Pot Mosbi bipo long dispela taim.

Muruks makim gutpela tim

ragbi lig

Bustin Anzu i raitim

MABEY na Johnson Muruks i makim pinis 28-pela pilaia bilong em long pilai resis insait long 2006 SP Kap pilai resis.

Dispela ol pilaia i gat ol nupela na olupela pilaia wantaim. 16-pela pilaia em bilong las yia na narapela 12-pela em ol nupela pes long dispela tim, tasol 9-pela bilong ol i gat eksperiens long ol narapela tim pastaim.

Wanpela representativ bilong dispela tim, Tim Higgins i bin tokim

Wantok Spot olsem dispela tim i namba wan long ol pilaia husat i pilai long las yia na Coca Cola lpatas Kap salens.

Em i tok tu olsem Muruks tim i wanpela tim tasol husat i gat ol pilaia bilong wanwan distrik insait long Sauten Hailans.

Long wankain taim tu ol i kolim ol tim opisol we olupela hap bek bilong ol na gutpela pilaia bilong Muruks Anton Mal bai kosa long dispela tim. Tim menesa em Michael Wepi na namba tu tim menesa em Stanley Hondina.

Dokta Ario Mana bilong Lae bai

kamap tim dokta na trena em John Kunis Embia.

Olpela Mendi Muruks fulbek na keptenim dispela tim we i gat ol pilaia olsem Bit Embia, Soua Milfred, Terry Toa, Felix Tangué, Jonathan Wagano, Wesley Benny, Samuel Nap, Johnnie Toank, Plummy Taita, Hondina, Geno Kima, Steven Tua, Bon Wesis, George Mone, Charlie Wambo, Samuel Kunis, Ronnie Toank, Moses Fina Koko, Max Mark, Joseph Omai, Malachay Owen, Amos Kire, Seth Rip, Jude Koke, Jessie Joe, Roderick

Puname na Norbert Kembo.

Sampela pilaia olsem Hondina, Geno, Wambo, Omai na Joe i save pilai wantaim Monier Bulldogs bilong Pot Mosbi tasol bihain long sponsa Monier i tok olsem ol i no inap sponsa, ol dispela boi i joinim asples tim bilong ol yet.

Tim ya bai bes long Lae siti na ol hom gem bilong ol bai kamap long Madang we ol opisol bilong Madang ragbi lig i wanbel wantaim ol opisol bilong Muruks long wanem, insait long agrimen, bai ol i stretim gut Madang lig Ron Albert pilai graun.

Morobe laik statim gen ragbi 7s

ragbi yunion

Bustin Anzu i raitim

MORobe Ragbi Futbol Yunion (MRFU) i gat strongpela laik long kirapim gen Provisol sevens sempionsip long strongim pilai long wanem ol i lukim olsem tru kala bilong pilai i no moa stap nau.

Long wanpela miting long las wik, ol i pasim tok na toksave long yunion presiden long em i mas kamapim dispela nek long miting bilong Papua Niugini Ragbi Futbol Yunion enuel jenerol miting long Lae.

Taim ol bosman bilong PNGRFU i no tokaut long kaikai bilong dispela miting, sif eksekutiv bilong PNGRFU Peter Tsiamalili junia i

tok long miting, ol i bin toktok long dispela tingting long kamapim bek 7s.

Nau yet, dispela 7s resis em Minerals Resources Development Corporation (MRDC) i sponsoaim, we i save pulim planti tim insait long kantri long pilai.

David Tiki, wanpela bipo Pukpuks na representativ bilong Defence klab long Lae na Balimu Elapu bilong Morobe skul boi tim i ting olsem dispela MRDC 7s i mas go bek long PNGRFU bod na ol i mas luksave na traim long strongim dispela pilai resis, nogut em i pundaun na bagarap.

Ol narapela klab momba husat i kamap long dispela bung tu i sapatim dispela tingting.

Tiki i tok taim ol tim i gat moni long raun long dispela kain pilai, dis-

pela Provisol tonamen bai soim tru kala bilong pilai na ol strongpela tim bai soim pes long dispela taim.

"Nau yet mipela i gat dispela kain samting wantaim moni long pilai insait tasol mipela i no save olsem mipela i lusim sampela ol gutpela pilaia," Tiki i tok.

Dispela bung bilong MRFU i tok aut tu olsem sapos MRDC i no sponsoaim dispela pilai, PNGRFU i mas painim wanpela sponsa bilong dispela gem.

Helapu i bin toktok strong tu long MRFU i mas luksave long pilai bilong skul boi ragbi program.

I moa gutpela long ol i mas luksave long ol yangpela manki long ol i ken luksave long pilai long wanem em ol dispela lain tasol bai senisim ol.

"Mipela i mas luksave long ol dispela yangpela olsem sampela senis bilong ol pilaia husat i pilai nau i stap," em i tok.

Em i tok Morobe skul boi program i kik nogut tru, wantaim bikpela sapot bilong SCRUM na kamapim pinis planti gutpela manki. Olsem na wankain tingting na luksave i mas stap namel long ol narapela senta.

Dispela skul boi program long Morobe i kamapim pinis planti ol pilai husat i wokim nem na pilai insait long Provisol na nesanel sait. Kain nem olsem Norman Warpin, Reah Henao, Albert Kaupa na Moses Asimda.

Developmen opisa bilong Morobe skul boi Robin Tarere i sapatim tingting bilong Helapu Na tok i no gat as na PNGRFU bai tok nogat

Hap hap spot

Madang sofbol redi long sempionsip

sofbol

PAPUA Niugini Sofbol Federesen vais presiden na tu presiden bilong Madang sofbol asosiesen Ralph Tarasomo i tok Madang i redi long holim dispela bikpela nesanel federesen we i go wantaim long amamasim 30 yia anivesari long stap bilong pilai long kantri olsem nesanel spot. Em i tok olgeta i samting i ron gut na i bilip husat manmeri i kamap bai i no inap lus tingting long dispela pilai gen. Long taim em i tok em i tokaut tu long 9-pela asosiesen husat i redi pinis long kamap long dispela bikpela pilai. Ol asosiesen em Pot Mosbi, Lae, Mt Hagen, Lihir, Kavieng, ToMadir (Rabaul), Ramu na Madang yet. Na long ol sofbol pilai long Madang siksipela tim long divison bilong man i pait hat long kisim ples long go insait long fainol.

AFL POM statim 2006 pilai

osi rul

OL OSI rul pilai bai kirap gen taim Pot Mosbi Osi Rul asosiesen i statim 2006 sisen wantaim ol prisisen pilai long dispela wiken. Ol pilai bai kamap long yunivesiti ovel. Program kodineta Willy Yogomin i tok ol i holim ol pilai long yunivesiti ovel long wanem ol pilai bilong Pot Mosbi Kriket asosiesen i stap yet long hevi bilong ol ol kriket pilai i stap yet. Na long ol pilai bilong ol Anda 14 Binatangs manki na tim bilong ol meri i bin stat tren long Amini Pak stat long Tunde dispela wik. Na em i tok ol pilaia husat i stap long tim we nem bilong ol kamap bihain long pilai long Lae sempionsip i mas kamap na tren. Yogomin i tok olgeta lain long Pot Mosbi na ol arapela senta i mas lukim ol manki bilong ol i stat long tren nau. Long save ol i mas ringim Yogomin long mobail namba 689 6793. Ol bai ronim ol osi rul klinik stat long namba tu wik bilong mun Mas.

Madang soka bos mas pinis

soka

SINGAUT nau i go long Ben Lange long em i mas pinis long dispela wok bilong em olsem presiden bilong Madang soka asosiesen presiden. Dispela em bihain long em i no lukautim gut opis we i lukim asosiesen i no pinisim gut ol pilai biang em wantaim ol fainol. Kosa bilong Nabasa soka klab Bonny Hans Pongo i tok olsem Lange i bin slek long mekim wok bilong em olsem presiden na hatwok bilong ol pilaia i go lus nating long traim kamap long ol fainol. "Olgeta lain husat i pas long wok bilong soka long Madang soka asosiesen i no wanbel na i no moa stap wantaim Lange long kain wok na stap bilong em wantaim Asosiesen," Pongo i tok. "Mipela i ting mipela bai go insait long ol fainol tasol dispela i no bin kamap." Em i go moa long tok olsem hevi i bin stap namel long tupela klab Royals na Brothers.

LAE
BISCUIT CO.



WANTOK

S P O T S

LAE
BISCUIT CO.



Lukim laipstail
stori bilong
Shaolin Kung
Fu long kantri



NRL trael pilai
na sampela
moa ovasis
spot stori



PNGSF
lonsim 2006
Trukai
Fan Ran
"T" set

PNG PAWA!



PNG YET: Tupela bagaros bilong PNG Marcus Bai (lephan) na Stanley Gene husat i pilai wantaim Ingran Supa Lig primia tim Bradford Bulls. Hia Bai i laik tok tenk yu long Gene long mekim gutpela kik we i lukim wanpilaia bilong ol i kisim bal putim trai egensim Harlquins las Sande. Tupela tim i dro 18-18. **Lukim stori pes 31.**

TOYOTA
HILUX
SINGLE CAB


• 4x2 and 4x4 • Limited Stock for
Limited Time only

Ela Motors

NATIONWIDE



FREE*
ACCESSORIES VALUED OVER
K3000



Offer Valid from 01/02/06 until Stocks last

*Conditions Apply

EM9149

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.